

THUMA

Kum 2012-ah Puihling Sunday School-ah irchu hrangin CHT Synod-in a lei inthang tâk chu 'Hebrai lekhathon' a nia, Kum 2010-ah Tangram Presbytery Annual Session-in Hebrai Lekhathon Hrilfiana bu siam hrangin Rev. Sumchonlal Hrangkhoh, B.D., M.Th. hi mophurna a lei pek tak.

Khan, hrilfiana bu siam hih thil intak tak a nia, khakhela Rev. Sumchonlal hih Presbytery Office-ah Executive Secretary sin le lekha bu dang dang le sinthona tamtak nei mi a nia; ni khomsian, Presbytery-in mophurna a ipek hi ama khomin irngaipoimona tak neiin, mani intakna tam tak kara khom hi hrifiana bu siamna sin hi a ni lei tho pe tak a ni. Khan, Computer-ah siam le print a ni sikin a dâk irkip zoi loi le irkol zoilo khom a om thei sikin a hmangtu le a teptu murdi hai irngaithiamna nei hrangin ei irngen a ni.

Hianga hrilfiana bu ni siampetu hin a zoro sa hai murdi hmangin thei topin takirtaina insuain hi Hebrai lekhathon hrilfiana bu hi a ni siam pena chung a san ei lompuin lomthu ei insir a ni. A hmangtu murdihai Pathian satvurna ei dong chit theina hrangin chongchai pumin hihrilfiana bu hi tep hrangin Pathian irhmingin ei irfial a ni.

Sd/-
Upa. L. T. Khupa,
Roithangkhup,

Sd/-
Pu.

(iii)

THUTHUNG THAR HRILFIANA

HEBRAI LEKHATHON HRILFIANA

PART -I
(Bung: 1 - 9)

Ziaktu:
Rev. Sumchonlal Hrangkhoh, B.D., M.Th.

***PUBLISHED BY: LITERATURE & PUBLICATION
BOARD, TANGRAM PRESBYTERY***

Published
by
The Literature & Publication Board,
Tangram Presbytery.
Haflong-788819
Dima Hasao, Assam.
for
The Tangram Sunday School Union (TSSU)

Son khatna (1st Edition) - 2012.
Copies-300
(All right reserved)

HEBRAI LEKHATHON HRILFIANA

ZIAKTU THUMA

Kum 2012-ah Puihling Sunday School-ah irchu hrangin Hebrai lekhathon hih CHT Synod-in a lei inthang a ni. Tangram Presbytery-in Hrangkhoh chonga Hrilfiana bu siam hrangin keima hih a nin kunga, ki loma; khannisian, a san ki ngika, mophurna an ni ipek angin Pathian changpuina tûngin ki iphut zel tak a ni. Khan, Koiindang Rama sin tum tamtak hai khom ki nei intam sikin kumin chu hih Hebrai lekhathon hi voikhat zela a renga hrilfiana bu siam zoizit hrangin chu ki zoro neiin a ni dai phakta no sikin a san poi chu ki ti ok. Khasikin, a chimrip Part -I (Bung 1-9) tenh hi lei siam a nia, inhnunga Part -II-na print nok ni a ti. Koiindang mipuihai chongchaipuina le Pathian hruaina zara sintho suizom zêla thei-a ki la om sikin Pathian kuang le Koiindanghai chung a san ki lom.

Khan, a bu sunga thuhai ei inhriat fel thei ualna hrangin a kara chu Grik le Hebrai Lekhathon le English chongmal hai belsa a nia. Nam dang chong belna a hin **Italic** style-in irziak a ni. (Entirna'n - *angeli* (Gk), *mala'kim* (Heb.), *Pontifex* (Lat.), *Promised Land*, *Logos*, *Sabbath*, *Serafim*, *Cherubim*). Khan, hi hrilfiana bu-a hin, chongbai manih, spelling manih, printing-ah châina khom a om thei sikin a teptu murdi hai le mipuihai irn-gaithiamna ki ngên a ni.

Hi hrilfiana bu siamna-a hin changpuitu tamtak hai zarin hi hrilfia bu hih siam thei-in ki om sika khom a hin a ni changpuitu hai chung a lomthu ki ihril sa a ni. Khan, Koiindanghai chongchaina le Pathian lungkhamna a sân ki dong sika khom a hin Pathian kuanga le mipui hai chung a khom lomthu ki ihril sa a ni. Hi hrilfiana bu hmangtu le teptu murdi hai chung a Pathianin satvurhai ri se.

4 THUTHUNG THAR HRILFIANA

2) Apolova irziak a ni, tia iamna:-

Martin Luthera le mi dang senkhatin hi Hebrai lekhaton ziaktu hi Apolova niin an iama, an iamna san chu hiang hin tarlang a ni:-

- a) Apolova chu Paula rualpa a ni.
- b) Apolova chu Juda mi a nia, Alexandria kua om mi, Pathian Thu inhriat mi tak le thuhiril thei tak a ni (Tir.18:24; I Kor.1:12; 3: 4).
- c) Apolova hi Aezandria kuaa mi a nia; Hebrai bu sũaga hin Alexandria kua lam tianga a'n lang intam; khan, Thuthung Luia lâk irzomna khom hih hi Alexandria kua tianga Septuagint (LXX) a hmang ti a'nlang a ni. Khakhela, Heb. 2:3-ah "Ama inhriathaiin a dik ti an ni ifia pe nôk a ni," ti thu hi Akuila le Priskilin Apolova an irchutir thu kha a ni iam a om, an ti sa a ni (Tir.18:26).

3) Priskili irziak a ni, tia iamna:-

an Mi dang senkhatin chu Priskili, Akuila dongma irziak niin iam. An iam dan chu hiang hin a nih.

- a) Priskili hi nupang fel tak a nia, Pathian Thu inhriat intam mi a ni. Hebrai ziaktu hin a'rhming a'rziak nuam loina hi, ama chu nupang a nia; Hebraihaiin nupang chu an irngainepa, itea an ibe ngai loi a ni sikin a'rhming hih thup a ini, an ti.
- b) Priskili hi Paula rual a ni.
- c) Alexandria kua Apolova ngei khom a irchutirna a pek thei a ni.
- d) Priskili hi itik lai khomin a pasal Akuila nekin a'n lang inlar ual ngaia, Pathian Thu thei tak a ni ti a'n lang.

4) Mi dang senkhatin chu Luka, Rom kua Clemehai, Sila le Filipa hai niin an iam sa a ni.

Hi a chungga iam dan inlang sunga hin mi minli-Paula, Apolova, Barnaba le Priskili hai hi a iamtu an oma, tu tak hi mo a ini ti inhriat an tak. Khan, tu irziak khom ni sian lan, a bu sung thu hi danglam ual hliak mah. Khasikin, ei

HEBRAI MIHAI KUAN-GA LEKHATHON

1

THUMAHRUAI

A. A bu irhming: -

Hebrai mihai kuanga lekhaton hi Thuthung Thara lekhaton dang tamtak hai laia hin a danglam bik a ni. Hi lekhaton irphutna, a mongna, a thontu le a thonahai le chubai a mukna hai khom inlang mah. Khannisian, hi lekhaton mongna tiang hin mimal irhminghai an langa, a bu sũaga a inlang dâna hin nam khat bik a i-uar niin a'nlang.

A.D. Kum zabi khatna mong tiang khan Rom kua-a Clemena (A.D. 95 vêt) khom khan hi lekhaton hih a om tiin an lei hril tak a ni. Inhnunga chu hi lekhaton irhming hih "Hebrai mihai kuanga lekhaton" ti irhming a hong ipêl tâk a ni. Khan, a'rhming phuathuai hin Juda Kristianhai a irkôk ual takin an be a ni. Hi lekhaton irhminga hin 'Hebrai' ti kher a ikopna hi Juda mihai, nam lungril irput le Juda Sakhua (*Judaism*) tianga a irkôk bik ni thei a ti.

B. Ziaktu:-

'Hebrai mihai kuanga Lekhaton' hi tu irziak tak mani ti hril infel thei an vâng a ni. A bu sunga khom hin a'rziaktu tak irhming inlang mah. Hi chungchanga hin suina tamtak a oma, a'rziaktu tak inhriat tumin mi theithiam haiin a'n suina ata thil inhni inlangin suina an nei:-

1. Hi Lekhaton ziaktu hih Paula ma ni? ti irdonna le.
2. Mi dang irziak ma ni? Hi irdonna inhni ngaitua'n hiang hin suina nei a ni.

1. Paula irziak ma ni?

Kum A.D. 170 vêla khan Alexandria kua-a, Pontea'n a'rziaktu hi Paula a ni, a tia; kha kha, mi senkhatin chu Paula irziak niin an iam tak a ni.

-Alexandria kua-a Clemena khomin, "Paula'n Hebrai chongin a'rziaka, Luka'n Grik chongin a'rhet a nia; khasikin, hi lekhaton sunga chongbai hai hi Paula lekhaton dang leh hin a danglam ok tâk a ni," tiin a hril.

-Origen-a (AD.245) vêla khan, Hebrai mihai kuanga Lekhaton irziaktu chu Pathian vaiin an hriat, tiin a hril.

2 THUTHUNG THAR HRILFIANA

Jerom (342-420) le Augustin (354-430) haiin Paula irziak tiin an iama; khannisian, sêlna le hnôlna a om ti a'n lang ngai a ni.

Hippo-a Koiindang Inkhômpui, kum AD. 393-ah khan Paula'n Lekhathon 13 a' rziaka; khan, ama ngetin Hebrai mihai kuanga khom arziak" tiin a hril. Kum AD 397-ah Carthage khuua Inkhompui-a khan Paula irziak angin an be; khannisian, kha kha fel takin pom ual ni mah.

Mithiam tamtakhaiin ngûk takin an suisuak taka, Paula irziak a ni angin a iom loina chu hiang hin an hmu ta a ni.

1) Paula lekhathon danghai leh hin irang mah. Tirko Paula hin a thu irziak hranghai chu a lei iphua lok ngai ni maka, a' rziak laia a lungrila a isuak ang murdi a' rziak zêl ngai a ni. Hi Hebrai bu irziaktu rek hin chu a bul rengata a mong denin a lei ingaitua zit a ni.

2) Paula hin a Lekhathon danghai hin ama irhming a' nchuang sa ngaia, hi Hebrai lekhathon rêk chu a' rziaktu irhming inlang mah.

3) Paula lekhathon danghai angin chibai mukna le lomthu hrilna hih inlang mah.

4) Hebrai lekhathon ziaktu hin saninhringna thu hi ama'n Rengpa kuanga a ihmu angin hril maka, "ama inhriat haiin a dik tih an ni ifia pe nok a ni" (2:3) Paula rêk chu a thu hril le a inhriathai hih Krista kuang ngei ata a idong a nizia a uar ngai a ni (Gal.1:11-17).

5) Hebrai ziaktu chongbai hmang dan hi Paula chongbai hmang dan leh hin danglamna tamtak a om. Hebrai lekhathon irziaktu hin Dân thu chu irhlîm angin a hrila, Dân sinthona chu Jisuan a irkiptir angin a hril. Paula rêkin chu Dân hi Krista zuang inlang mâna hruaitu, Krista kuanga ni kaihruaitu, a ti. Dân thu anga sinthona khom thina sinthona tiin a hril.

6) Paulan iamnaa thiamchangna hi a thupui takin a hmang. Dân thu chu Thurchi Sa nangzia inlangtirtu vaihin a' rngai a ni. Hebrai ziaktu rêkin chu Kristian irbôlna famirkipzia le Arona irchihai ata Ochai nina dinghmun hi thil hmuthei loi, a om nget inhriatna anga irngai a ni. Tirko Paulan chu iamna hi Krista kuanga irpek irkiphetna angin arngai a ni.

HEBRAI LEKHATHON HRILFIANA 3

7) Thuthung Lui thua a hril zêlna hai hi Grik Thuthung Lui bu, Septuagint (LXX) an tia mi zit a nia, Hebrai ziaktu hi Paula a nin chu Hebrai chonga nget a ihmang hrang a ni.

Hi taka Hebrai irziaktu hin, "kho hmuna mani,... (2:6-ah) a iti le "Irtha Irthiang ihril angin," a iti hai hi Tirko Paula ti dan ni mah. Paula'n chu, "Ti ziak a ni," ti hi a hmang ual ngai a ni.

8) Hebrai 13:23,24-ah hin a' rziaktu hi Italy rama om niin an lang nâkin, jail ina intang omin anlang ual mah. Hi taka, "Timothea intangna in ata insua a ni tak," ti a hril khom hi Paula dam laiin Timothea hi jail ina a' ntâng ti inhriatna om mah. Khasikin, Paulan a thi tona khan Timothea chu a kuanga om hranga a ikoi kha, (2 Tim. 4:9,12 en ro), Paula thi hnunga Timothea chu an insua nok ta ti inhriattu tumo khôkin hi Hebrai lekha bu hi a irziak ni a ti iam a om.

2. Mi dang irziak ma ni?

Hebrai lekhathon irziaktu hi Paula ni maka, mi dang a nin te tutak mo a ini ta hrang? ti irdonna hai hi sâm an taka; Nikhomsian, hiang hin suisuakna a om.

1) Barnaba irziak a ni, tia iamna:-

Koiindang pa (*Church father*) laia inkhat arhming Tertulian-in (AD. 160-220) hi Hebrai bu ziaktu hi Barnaba a ni tiin a iam. Africa rama hmar tianga Koiindanghai khomin an iam sa. Barnaba a ni tia an iamna chu hiang hin a ni:-

- Barnaba hi Paula rual sa tak a nia, Apostol chonga chong ngai a ni.
- Barnaba hi Levia irchi a nia; khasikin, Hebrai bu-ah hin Levia om dan irbolna le Ochai sin thu a inlang tam a ni.
- Barnaba hi Kupra chombunga om mi a nia, Grik chong hmangna rama leng a nia, Grik chong hmang mi a ni. Hebrai lekhathon hi chonga irziak a nia; khasikin, Barnaba irziak ni a ti iam a ni.
- A lekhathonna rama hin ama ngei khom a lei om tâk niin an lang.
- Barnaba irhming omzia hi "Irtharngamna nâi" (Tir. 4:36-ah) phua nia; hi Hebrai lekhathon khom hi mi lungril sôlhai inhar hrang

3) Thuthung Lui chu Thuthung Thar irhlim ang mai a nia, a tak tak chu Jisua a ni. Thuthung Luia irbolnahai, Ochai sin hai, Biak buk-hai ten khom Jisua-ah hin a iom irkip zit a nia; khasikin, Jisua chu ei ta hrangin satvurna hnar a ni.

4) Sabeina thar le sabeina hring mihriam ihngak mai chu Jisua Krista a nia, Ama chu atun hin ei ihmu ta a ni. Hun thar le ram sa ual Vanram chu a ni irhmudir tak a ni.

5) Thuthung Luia Sinai tang, Sûm zing le ichiom tinreng chu Jisuan a zuang inhnê taka, Pathian khopui, Zion tang, Koiindang hring maina rama a ni inomtir tak a ni. Kha, kha ei ta hrangin satvurna thar a ni.

H. Hebrai Lekhathon le Thuthung Lui

Hebrai Lekhathonna hin Thuthung Lui -ah t huhai a hmang intama, a hmangna reng reng hi Septuagint-ah (LXX) mi zit a ni. Entirna`n-Melkisedake chugchang thu le Abraham a thu a hmang a hmangna (Gen. 14:168-15:12), Exodus bung 19 (Sinai tang an tungna thu, Number bung 18 (Arona khianghrol), le irbôl dân hai hi Thuthung Lui-ah lak a ni.

Biakbuka thil irhlan thu le hmun Irthianga sinthona chungchanga khom Hebrai ,Lekhathon hin Mosia Lekhabu ringa (*Pentateuch*) sũaga hi a ihmang zit a ni. Hi Hebrai ziaktu hin “Thuthung Lui hi a bul rengata a top denin Pathian inlarna a ni,” a ti. Thu senkhata chu Pathian chongbai angin a hril (Sam. 104:4). Pathian thucha choitu (Sam. 104:4) a hril chu Heb. 1:7-na khan a hril. Sam. 102:25-27-ah Pathian chungchang thu kha Heb. 1:10-12-ah a hmang. Sam. 97:7-11 thu kha Heb. 3:7-ah hmang a ni. Reng irneina hla, Sam 45:6,7-na thu kha Heb. 1:8,9-ah a hmang. Serna thu le thuoina thu-ah (Sam 40:6-8)-na kha Heb. 10:5-7-ah a hmang.

Khan, Melkisedeka thurchi kha Hebrai bung 7-ah Krista leh a irkhitir a ni. “Pathian Naipa ang siam a ni” tiin. A thu hmang tak tak hi Sam rengata lak a ni. Sam bu sũaga a lakna ual hai chu- Sam 2, 104,45, 102 le 110-na thuhai kha Heb. bung 1-na khan a inlang a ni. Sam 5:4-6 thu chu bung 2-ah a om, Sam 95:7-11 thu chu bung 3 le 4-ah khan hmu thei a ni. Sam. 110:4 thu chu bung 5:6ff; 6:20 le, Sam 40:6-8 thu chu bung 10-ah khan a om.

Hebrai ziaktu hin Sam ziaka thu a lakhai hih a omzia ir-angpui a hmanghai kha an ni. Sam 110:4-ah thu hi Melkisedeka thurchi hrilna hrangin Gen. 14-ah mi kha lâk suakin bung 7:15-ah a hmang. Kha khela, a thu hmang omzia hi a dik ti enfia nan Thuthung Lui bu danghai khom a hmang intam.

C. Ziakna hmun le zoro:-

1. A hmun:-

A hmun chu Itali rama irziak ni a ti. Heb.13:24-ah khan, “Itali rama urenghaiin chubai nang an mûk,” a ti sikin Itali ram sunga om ngei a ni, ti iam thei a ni.

2. A zoro:-

Hebrai lekha thon irziakna zoro chu Temple-ah Judahaiin inthôina an la nei lai niin an lang (Heb. 10:1-3-ah inlang dânin) Jerusalem le a sunga Temple chu A.D 70-ah khan siat a nia; khasikin, Jerusalem siat mana, A.D. 64-68 kongkâr sunga irziak ni ngei a ti. Paula thi hnunga A.D. 68 vêl hi iam a om tak a ni.

D. Tu kuanga thon ma nih?

Hebrai-hai kuanga lekhaton a ti sikin Hebrai mihai kuanga thon ngei a ni ti inhriathei a ni. ‘Hebrai’ ti thu hih a bu sũaga thu-ah a chuang no sikin, a bu sũaga thu murdia hin Hebraihai kuanga thon a ni ti a fia. Heb.,1:1-ah hin “irchibulhai,” tia hin Hebrai-hai irchibulhai tina an lang.

Khan, Levi irchihai dân thu a hril intama. Hi taka hin Hebrai mihai kuanga thon a ni ti a inlang fel ual a ni. A bu sũaga Heb. 5:11-12; 9-10; 10:32-34; 13:8-9 hai hi ei tepin chu Hebrai Kristian an ni ti an lang infel a ni.

Aniachu, kho hmuna Hebrai-man ni, ti inhriat an tak; senkhatin Palestine rama Hebrai-hai an tia, senkhatin Rom kua mi an iama, senkhatin, Alexandria kua an iama, senkhatin Antiokei kua Hebrai-hai an iam. Inhriat infel no khominlan a bu sũaga thua ite danglam mah.

A bu sũaga thua inlang dânin chu Hebrai mi an ni nget ti an lang. Kristian an hong chang zoi hnungah, an sakhua milui, Juda sakhua biak (*Judaism*) dân tiang an la irngai nôk ti an lang. Hi a hnuaia irchânghaia hin inlang a ni.

- Pathian Thu an irsama, la ngaisang mahai (2:2-3).
- An lungril a la ngar (3:1-19).
- Iamna an neia chu puihling thei mahai (5:12-14).
- An biak dân milui an la irngai (8:6-13).
- Dengintheitirna an tuang ta (10:32-34) khannsian, thisen insua ngamin la tuang ma hai (12:4).

E. A thonna san le a hril tumhai:-

1) Hebrai mihai hi zoro sôt tak Kristian an lei ni taka, an dinghmun enin chu mi irchutirtu ni ôm tak an ni taka; khannisianlan, an dân milui Juda biak dân tiang an lungril a la om maia; Pathian thu-a, chu ah, b, ch- hai irchu an la innang nok tak sikin Kristian irchutir dân tiang hruai kir nok tumin a ithon a ni.

2) Juda biak dân nekin Kristian biak dân a irsang ual le a roiinpui ual

6 THUTHUNG THAR HRILFIANA

3) Thuthung Lui irchutirna nekin, Thuthung Thar irchutirna a'rsang ual zia a hril tum a ni. Hi biak dân inhni hai hi hril irkhi'n, Thuthung Thar a roiinpui ual zia a hril tum a ni.

4) Thuthung Lui laia deipuhai thu lei hriltu khan, Thuthung Thara chu Nâipa (Krista'n) a irhril tâk a ni (1:1-2). Bung khata hin Jisua, Pathian Nâipa a ni zia a hril inlang a ni.

5) Thuthung Lui-a Vantirtônhai thuhiril lua a det in teh, Thuthung Thara Pathian Nâipa thuhiril chu a roiinpui ual ok a ni. (2:1-4) ti hril a tum.

6) Thuthung Lui-a hruaitu Mosiahai, Ochai Arona hai chu vantirton hai nêkin an ngaisanga, Thuthung Thara Palai chu Jisua a nia, an ni nekin Nâipa (*Jisua*) chu a roiinpuiin, iamom a ni (3:1-6) ti hril a tum.

7) Thuthung Luia Arona, Ochai inlaltak tia irhming nei kha; atuna Ochai inlaltak chu Jisua Krista a ni ta (5:4-6) ti a hril tum a ni.

Jisua Ochai a nina chu hiang hin hril a tum.

a) Jisua Ochai a changna chu Arona ang ni loiin Melkisedeka a nina ang a ni (5:6-10), a roiinpui ual ok a ni.

b) Levia irchia ochai nina chu a hrâtno sikin, Ochai Melkisedeka dân kha a izom tak a ni ti inlang a tum.

c) Thuthung Luia Arona irchi ata Ochai nina chu thina sikin irthûl

nennuan a ni ngai, Melkisedeka Ochai nina angin Jisua

Ochai nina chu tutên thûl thei mah, (7:10-28) ti a hril inlang.

8) Thuthung Lui-le a dân chu demna a tam sikin Thuthung Thar hong om hi a inang a ni (8:7-13).

9) Thuthung Lui irbôlnahai chu Ochai inlaltak hin kum tin hmun irthiang taka lut a nang; Thuthung Thara Ochai inlaltak Jisua chu ama thisen ngei choiin voi khat lûtin a famirkiptir zit tak a nia, mitin an irthiang thei tak a ni (10:1-10).

10) Thuthung Lui Ochaihai hin kôl nisa suak tepin irbolna an nei ngaia chu, sual infai thei mah. Krista irbôlna voi khata sual ta hrang inhlanin kumtuang hrangin a irfuktir tak a ni (10: 11-18).

11) Iamna sika tuangtu lam entona hring hrang an ni zia a hril inlang.

12) Iamna omzia le iamnaa hring hrang zia a hrilfia (11:1-38).

HEBRAI HRILFIANA

7

13) Pathian ata sepna inhriat ri sehai a tia, Pathianin Ama nâi taktakhai chu a sep ngaia, tuar khom a phal a ni.

14) Rammual chu khual inzinna ram a nia, rammual la hong om nok hrang sabeina a hril (13:140). A bikin bung 13-ah hin irchuna le fuina chi dang dang a hril.

F. Hebrai Bu-ah Jisua Krista thurchi inlang zia:-

Hebrai bu-ah thupui tak chu Jisua Krista roiinpuizia le inchungtak zia a ni. Hi lekthathona Jisua thurchi a hrilfia bikhai chu hiang hin tarlang a ni:-

1. Mihriam taksa a irputzia thu a ni (2:14)

2. Irgaitomna a neia, van Angelhai nekin irhniamin a zuang inlang (2:7,9).

3. Abrahama irchi ata zuang irzir a ni (2:16,17).

4. Thlemna a tuang tâk zia (2:18).

5. Ei ta hranga Ochai Inlaltak a ni zia (4:15).

6. A tuangna sikin famirkip a ni zia (2:10).

7. Pathian tak tak a ni zia (1:8,10).

8. Jisua chu saninhringna bul a ni (5:8-9).

9. Jisua chu sual rengreng nei mah (7:26).

10. Ama thisen ngeiin ei ta hrangin irtanna a siam zia (9:2).

11. Kross ata Reng toihmun changtu a ni (12:12).

12. Thuthung Thara Palai a ni (12:24).

Hi lekthathona hin Jisua thurchi le a omdân inlang no sian ei inhriat irkip loi hrang a ni.

G. Atuna ei ta hranga a satna hai:-

Hebrai bu-ah hin eini ta hranga satna inlanghai chu hiang hin tarlang a ni.

1) Pathian Nâipa Jisua chu eini anga Mihriam a ni. Thêmma a tuanga, irngaitomna a neia, a tuangnaa khan rengtoihmun a chang tak a ni. Jisua chu sualna nei maka, ei hratnona tinreng a nin hriatpui a ni (Heb.4:15). Ei ta hranga entonna, a nun irchuna le thuzômna nun hrang a ni zia fel takin a inlang a ni.

2) Jisua changpui ngaihai chu Vantirtônhai ni ngaimahaia, Abrahama irchihai a changpui ual ngai a ni; khasikin, "Urenghai" ti khom nin zakpui ngai mah; asan chu mihriamhai leh pumkhata irngai a ni (heb.2:11-16). Jisua chu ni changpuitu a ni.

HRILFIANA
BUNG - 1

I. Krista inchungtak a nizia le a roiiipuizia:

(1:1-10:18)

Hebrai mihai chu an sakhuaa hin a san an deta, an irchihai dena Pathian lei ipek tak a ni. Kha khah Thuthung Lui zoroa an sakhua kha a lei ni. Hebrai ziaktu hin a ihriltum tak chu Thuthung Lui Levia irchi ochaihai sinthona le Thuthung Lui nêka Jisua Krista nina le a roiiipui zia le a, nchungtak a ni zia a hril tum a ni. Reng Jisua sinthona chu a famirkipin a diktak a ni ti a hriltum tak a ni.

Hebrai ziaktu hin Thuthung Lui le Thuthung Thar danglam zia a hril uara, Thuthung Thar indingtu, Pathian Naipa Reng Jisua Krista chu a'rsangtak le a roiiipuitak a nia, deipuhai le Vantirtônhai nêka inchung le inlal a ni zia a hril. Reng Jisua chu Thuthung Thar siamtu, a rengtoihmun khom taituana om, itiklai khom danglam ngailoi, irbôlna famirkip le saninhringna intungtirtu a ni.

1. Pathianin a Naipa Jisua hmanga thuhirilna:- (1:1-3)

Hebrai lekhathonin a ihril chu Pathian Naipa Jisua hin Thuthung Lui leihirilnahai le chong lei inkungna tinreng a irkiptir vaih ni maka, Judahai sakhua le sinthotuhai neka roiiipui le irsâng zia a inlangtir a ni.

Thuthung Lui zoroa khan Pathianin a mihai kuanga deipuhai le Vantirtônhai hmangin Thu a lei inhriattir ngai a ni. Kha zoro khah a liam zoiin, Pathianin a Naipa Jisua Krista hmangin a zuang inpuang tâk a ni. Reng Jisua sinthona chu taituana famirkip a ni.

Hi irchang 1:1-3 sunga thupui chu:-

- i) Tianlai Thuthung Lui Pathian lei ihmang chu deipuhai an ni. Atûn Thuthung Thara ei kuanga Thu hriltu chu A Naipa Jisua Krista a ni. Thuthung Thara Pathianin Thu a ihrilna chu a roiiipui tak tak a ni.
- ii) Thuthung Thar zoro hi Pathian inhriattirna tûpna a ni taka, A naipa Jisua Krista-ah hin a inlang a ni.
- iii) Reng Jisua Krista chu Pathian inkung a nia, Amaa hin irneng le irvan khom hi siam a ni.
- iv) Jisua Krista chu roiiipui na vâ, Pathian tak tak a ni.

I. Hebrai Lekhathon le Thurchi Sa bu:

Hebrai Lekhathon ziaktu hin Thuthung Lui thu, a bikin, Ochai sintho dan (*Leviticus dân*) hai a hmangna san chu - Krista Thurchi Sa hi a a famirkiptirna hnâr a ni ti infel hrangin a ihril a ni. Kha thurchi Sa khah mi-haiin famirkipna lampui an hmu theina hrang le Pathian kuanga an llut thiena hranga lampui a nizia a hril inlangna a ni. Pthian Naipa, Krista chu amizia le a sintho-a inchungtak a nizia le roiiipui zia a tarinlang a ni. Ama iamtuhai (Kristianhai) ta hrangin taituan tung theikna lam a ni.

Krista chu a mizia-ah tianlai rengata Pathian Thu lei hriltuhai nêkin a roiiipuia, mihriam angin inlang khom sian mihriamhai nêkin a roiiipuia, van anghai nêk khomin a roiiipui a ni. Jisua Krista chu thilsiam mahruaitu a ni. Pathian Naipa, Jisua Krista hi Mihriam Naipa ti a nia, thi rakin thu a zoma irngaiinhlomin Kros-ah hemde'n a om. A mihai ta hranga nenpektu ni hrangin, Irvana Pathian chang tiang roiiipui takin choiindmon a hong toi tak a ni.

Hebrai Lekhathonna hin Jisua Krista mizia le a sinthona a hril uar bik tak chu Ochai ninah tak a ni. Thuthung Thar bu sunga hin Hebrai Lekhathonna hin Jisua Ochai a nina hi a hril uar taka a ni.

Hebrai Lekhathon ziaktu hin Jisua Krista Ochaina a hrilna bul chu Sam. 110:4-ah, "Nang chu Melkisedeka ochai nitna ata zuang suin kumtu-ang ochai ni nih," tiin a hril. Hi hih Juda-hai le Kristianhai pom dan tângpui khom a ni. Reng Jisua chu Ochai famirkip taka ni. Thuthung Lui-ah hin Krista nina hi Ochai a ni zia inlang rak no khom sianla, Hebrai Lekhathon ziaktu hin chu Krista nunzia le a nina a uara- Krista ochai nina chu mihai ta hrianga nia, sualna nei loi le insiatna ni loi (Heb. 1:26) irtiang a ni, tiin a'n langtir a ni.

Hebrai ziaktu'n hianga Jisua nikna a hril hi Thurchi Sa bu le khom hin a irmil khak a ni. Tirko Paula khomin, "Jisua Kista chu ei ta hrangina ithi vai ni loiin ,a thoi nôka, Pa Pathian chang tianga omin ni chongchai petu kha Ama den a ni," tiin a hril (Rom. 8:34). Jisua Krista Ochai ninah chu Deipu Jeremia'n a lei hril tak angin - Thuthung Thar, chonginkung sa ual le sabeina sa ual, Sinai tanga chonginkung nêka sa ual a ni.

Thuthung Lui-a Levi irchia Ochai ninah chu soal irbôlna hrangin tho mai a nang ngai a ni. Ochia Inlaltakin irtan nia (*Day of Atonement*)-ah nam tin ta hrangin kum tin voi khat soal irbolna hrangin a irhlan ngai a ni. Jisua Krista chu Ama takpum nget misualhai ta hrangin a irhlan a ni (9:26), mi murdihai soal infai hrangin a irhlan a ni (10:10). Khasikin, Jisua Krista irbôlna sinthona hi a famirkip a ni.

J. A bu sunga thupuihai:

A tangpuiin, Hebrai lekhathon hih buk hni (*two sections*)-ah sen thei a ni. a) Bung 1-10:- Thuthung Lui nêkin Thuthung Thar a roiin-pui ual zia. le b) Bung 10:19-13:- Irchutirna, Iamna nun le fuina thu a ni.

I. Krista inchungtak a nizia (1:1 - 10:18)

1. Pathianin a Naipa hmang thuhriina (1:1-3)
2. Vantirtonhai le Pathian Naipa hril irkhina (1:4-14).
 - a) Pathian Naipa chu vantirtonhai nêka inchung le roiinpuizia (1:5-9).
 - b) Reng Jisua roiinpuizia (1:10-14)
3. Saninjokna roiinpuui uksakloi ichiom thu (2:1-4).
4. Krista irngaiintomzia, a tuangna le a thina sika a toiinpuina (2:5-9).
5. Krista le a mihai inpumkhatna thu (2:10-18).
6. Mosia neka Jisua Krista roiinpuui ualzia (3:1-6).
7. Pathian mihai ta hranga irngamna (3:7-19).
8. Irngamna chu Pathian chonginkung a ni (4:1-11).
9. Pathian Thu hringzia le sinthotheizia (4:12-13).
10. Jisua, Ochai inlaltak (4:14-16).
11. Jisua Ochai Inklaltak sin a changna (5:1-10)
12. Tûkna ata irdinna thu (5:11-14).
13. Puihling lam pan thu (6:1-12).
14. Pathian chonginkung iamomzia (6:13-20).
15. Ochai, Melkisedeka thurchi (7:1-28).
 - a) Melkisedeka rêng le Ochai a ni (7:1-3)
 - b) Melkisedek roiinpuizia le danglamna (7:4-10)
 - c) Arona Ochai nina famirkiplaoi (7:11-19)
16. Jisua ei Ochai inlaltak (8: 1-6).
17. Thuthung inhni thurchi (8: 7-13).
18. Thuthung masa (Thuthung Lui-a) bikbuk sinthona (9:1-10).
19. Thuthung Thara Krista irbolna danglam thu (9:11-22).
20. Irbôlna famirkip: Krista Irbôlna (9:23-28).
21. Irbôlna diktak (10:1-18).
 - a) Pathian nuam lama irbôlna (10:1-10).
 - b) Krista irbôlna rûktôk-zia (10:11-18).

II. Iamna inchungtakzia (10:19 - 13:25).

1. Iamtu nuna fuina (10:19-38).
 - a) Pathian ei nâina lampui (10:19-25).
 - b) Tûkna ichiomzia (10:26-31).
 - c) Det taka om a nangzia (10: 32-39).
2. Iamna omzia le entonnahai (11:1-40).
3. Iamtu nunna entonna roipuitak Krista (12:1-4).
4. Pathian sepna (12:5-11).
 - a) Pa lungthungna chu an langtir (12:5-10).
 - b) Sepna râ (12: 11).
5. Thuthung Thara Kristian nun (12:12-29).
6. Iamtuhai nun dân (13:1-19).
7. Satvurna le chubai mûkana(13:20-25).

K. Irchâng châbi (Key verse):-

“Ama chu a Pathian roiinpuina vâr le, atak angpui ngei le, ama sinthotheina thua itinreng indingtu neiin, sualhai a’rthiangtir hnungin chung tianga Roiinpuitik chang tianga khin a hong toi ta” (Heb. 1:3).

Vantirtônhai irhming nêka irhming roiinpui:- Vantirtônhai (*angels*) chu Rengpa siahlo, tirtôn, an ni. Jisua chu Pathian Naipa (Nâilutir) a ni. Khasikin, siahlo nina nekin Naipa nina chu a roiinpui ual tak a nia, a'rhming khom a roiinpui ual a ni. Judahai ngaidanin chu mi tin le thil chitin hi enkoltu Vantirtôn an nei angin an irngai ngai a ni. Jisua Krista khomin naipangtete, chungchanga a hril (Mt. 18:10). Vantirtônhai hi ei ta hranga Pathian kuanga palai tak ni mahaia; ei ta hranga Pathian inkhat omsun chu Reng Jisua Krista a ni. (1 Tim.2:5). Hebrai lekhathon ziaktu hin Pathian Naipa, Jisua chu Vantirtônhai neka inchung, hrilirki phâk thei nei loa roiinpui tak a ni zia inhriattir a itum a ni.

1:5. “Nang chu ki Naipa ni nih; avuan sùn hin ni Pa ki hong ni ta,” (Sam. 2:7):-Hi thu hh Sam 2:7-ah lâk a ni. Sam ziaktu'n Mesia chungchang a lei ihril inlangna a ni. Hi taka irchanga hin Vantirtônhai nêka Jisua roiinpui a nina chu ‘Naipa’ a nina tak hi a ni.

Thuthung Luia khom khan Jisua chu Pathian Naipa, Pathian ata zuangsuak a ni ti Bible-in a nin hril tak a ni. Khan, Vantirtônhai laia hin tu kuanga khom “Nang chu ki Naipa’ ni nih,” tiin Pathianin lei hril ngai mah, Jisua vaih hi Pathianin “Ki Naipa ni nih,” Nai lutir,” a iti chu a ni. Khasikin, Hebraihai, Vantirtôn ngaisâng le biak nuamtuhai kuanga hin Reng Jisua chu Pathian Naipa a ni zia le a roiinpuizia inhriattirna a ni.

Avuan sùn hin ni Pa ki hong nita:-A chung a irchanga khan, “Ki Naipa” ni nih’ a ti; hi taka hin “ni Pa ki hong ni ta” a ti sikin, Jisua chu Pathian ata suak, (Naipa) Pathian hi a Pa a ni ti fel takin anlang a ni.

Hi taka ‘Avuan sùn’ ti hi i nikhua le izoro tak mani? tia irdonna om thei tak chu a ni. Reng Jisua suak lai khan “*Avuan hin nin ta hrangin Saninhrintu a suak ta, Reng Krista chu,*” (Lk.2:11), ti ei hmua. Taksa lama suak ni (Krismas Ni) ni ual maka, Naipa a nina zoro hi chu taituan dena thil a ni; khasikin, Jisua chu Pathian lam tiang chu taituan mi, Naipa nei sun a ni. Thuthung Luia deipu Isaia khomin ama zoro laia khom Jisua Krista chu a suak tak angin a hril. Origena (Koiindang hruaitu masa laia mi) hin Pa le naipa irkaina chu Pathianin a nei a nina anga hril hrang a nia, a ineina zoro khom “taituana avuan n” tiin a hril. Khasikin, a vuan nikhuaa Jisua nina inhriattuhai kuang Pathianin ei inhriatthiam theina hrangin, atun le Nakan, avuan sùn le Naktuk hai a ni siam pêk a ni. Sam No.2:7-na khan “Ki Naipa...avuaana nang ki inei, ti theia hin, “avuan sùn,” ti chu Jisua Krista Thoinôkna thu kha a hrilna a irkôk

1:1. Tianlaiei irchibulhai:-Thuthung Lui laia ulianhai, irchibulhai hrilna a ni. Tianlai Israel nam irchibulhai le an hruaituhai a irkôk bîk a ni.

Zoro tamtakin lam tinrenga:- English Bible-ah chu “*at many times and in various ways*” tiin irziak a ni (NIV). Deipuhaiin Pathian Thu an inpuangin voi khat le chumkhat vaih hril ma haia, voi tamtak Thu an lei hril ngai tina a ni.

Lam tinrenga:- English Bible-ah “*in various ways/ in many ways*” Thuthung Lui laia khan Pathianin a mipuihai kuanga Thu a inpuang ngai chu lampui chi tamtakin a hril ngai. Entirnân:- Deipu Isaia kuanga inlânahaiin (*in visions*) (*Isai-6*); Jakoba kuanga irmangin (*in a dream*) (Gen.28:10-22); Abraham a le Mosia kuanga mani mimal pum ngeia inlangin (*personally*) (Gen.18; Exod. 31:18).

Thu a lei insir ngai:-Hebrai lekhathon thupui poimo a ni (2:2; 3; 4:12; 6:5; 11:3; 12:25)

1:2 Sùn hnungkhônhai:- ‘Nikhua tôp’ ti khom hi sùn hnungkhôn tina a ni. Juda-haiin hun pumpui hi chi hniin an sena-1) Atuna hun/zoro (*present age*) ei ihmangmai hi zoro famirkip loi zoro a nia; nukhua la hong om hrang chu zoro lômom (*golden age*) a ni, tiin an hril ngai. Sùn hnungkhônhai chu Thuthung Thar zoro hi a nia; khasikin, Hebrai ziaktu hin Reng Jisua Kristaa hin taituana irkipna a oma, hun lomom tak a ni tiin a hril tak a ni.

Ei kuanga hin a Naipa’n thu a’nsir ta:-

Tianlai Thuthung Luia khan chu deipuhai kuanga hin Pathianin thu a hril ngaia; khannisianlan, Thuthung Thar hun, le sùn hnungkhôn haia chu Pathianin a Naipa Jisua Krista hmangin Thu a hril tâk a ni.

Reng Jisua Kristaa Pathian Thu hril kha ei kuanga hril a nina san chu Jisua Krista chu ei ni hrang; keima hrang a ni ti a fela, Pathianin a ipom sailh a ni. Pathian hriattirna ei idongna chu Naipa Jisua Kristaa a inhriattirna hi a ni (Joh.5:19-40).

Amaa (Jisua) khan Pathianin irnêng le irvân a siama, thil tinreng dong zit hrangin a iphun a ni:- Amaa ti chu Jisua Krista a irkôk a ni.

Irnêng le irvân a siama:- Hi taka hin rammual pumpui a tina ang a ni. Rammual (*Gk. aionos*) ti a ni (11:3; cf Gal.1:5). Hi taka hin, rammual hai mai mai nekin zoropui irdôna thil omdan chi dang danghai taituan dena hun a huap zitin ama inkung a ni. Hi thua hin Jisua Krista chu Pathian zia a hril inlangna a ni (Joh.1:3). Hebrai ziaktu hin Reng Jisua roiinpuina, poimona le inchungtak a ni zia hrilfia nân Jisua Pathian zia a hril uar a ni.

Tinreng dong zit hrangin a iphun a ni:- Jisua Krista chu Pathian Naipa a ni sikin tinreng chung a hruaitu le neitu/dongtu zit a ni. Ama chu Pathian mihriama chang Reng Jisua a nia (Joh.1:1-3); itinreng hi ama sika siam ania; ama ta a ni (Kol.1:16); Jisua hi a Nai lutir a ni (Heb. 1:6). Khan, hi rammual hi siat zit hnung khomin, a siatna indingnôktu, a roiinpuina murdi changin irchonluatu hrang chu Naipa Jisua Krista ngêt hi a ni. Kha ang khan, eini khom Jisua Krista zara Pathian naihai ei nina angin, irchon dongtu, luatuhai ei hong ni thei ta (6:12, 17; Gal.4:6,7; Rom. 14:-17).

1:3 Roiinpuina vâr le, a tak angpui:-

Pathian roiinpuin inlangna chu a Naipa Jisua Krista-ah hin inlangin a om, Pathian vâr ei hmuna chu a ni. Reng Jisuan, “*Tukhom keima ni hmu chu Pa hmu a ni*”. a ti ang khan (Joh. 14:9) a ni.

A tak angpui:- Tukhomin Pathian hi hmu ngai mahaia; khasikin, Pathian inlangna tak chu a Naipa Jisua Krista hin a ni. Khasikin, Jisua Krista chu Pathian tak, hmutheia zuang inlang, a mizia hrilfia a ni. Reng Jisua chu Pathian leh hmunkhat, a tak irangpui tina a ni. Bible-in, “Krista kha hmu theiloi Pathian angpui, thil siam murdi mahruaitu a ni?” (Kol.1:15-16); ‘Amaa khan Pa khom hmuthei a ni,’ tiin a hril (Joh.14:9; 2 Kor.4:4-6).

Ama sinthotheina thua itinreng indingtu:-

Jisua hi rammual le itinreng siamtu a ni banah, a thuneina hnuai omzit an ni. Rammual le a sunga itinreng hai hi Reng Jisua inding a nia, a topna taka thuneitu khom ama ngêt a ni. Hi thuneina murdi hi Jisua kuanga omzit a ni (Mt.28:18).

Sualhai a’rthiangtir hnungin:- Reng Jisuan ama hringna ngei kha soal irbôlna irkip chu a’nhlana, a thisena soal sopfaina, irthiangna le saninjokna lampui a hong irhong tâk a ni. Sual infaina sin a tho zoiin tina a ni. Kha soal sopfaina zoia khan choiirsangna changin Pathian roiinpuina changtianga khin a hong itoi hrang thu hrilna a ni. Hi taka ‘Chang tianga’ a itina chu irchamneina le

Hi irchâng 1-4-ah thu hi mitheithiam tak C. J. Vaughan-in thupui kiruk

a

siama:-

- i) Jisua-ah hin Pathian roiinpuina bulpui tak a’nlang.
- ii) Irchamneina, roirêlna tinrêng neitu chu Jisua a ni.
- iii) Thilsiamhai chung a sinthôna neitu chu Jisua a ni.
- iv) Irchamneina sinthotheina neitu chu Jisua a ni.
- v) Sansuakna sin neitu chu Jisu a ni.
- vi) Chôiirsângna, roiinpuina dongtu chu Jisua a ni.

Hi irchâng a hin Jisua Krista poimozia a inlangtir a ni.

2. Pathian Naipa le Vantirtônhai hrilirkhîna (1:4-14)

Irchang 1:1-3 sunga khan hi Hebrai ziaktu hin Thuthung Luia deipuhai nêkin Jisua inchungtak zia a hrila, atûn chu Pathian Nâipa Jisua hi vântirtônhai nêkin a roiinpuin zia târlangna a ni. Hi irchâng a hin Jisua (Pathian Naipa) chu vântirtônhai nêka inchung, danglamna roiinpuin a nizia târlang a ni.

a) Pathian Naipa chu Vantirtônhai nêka inchung le roiinpuin a ni (1:4-9)

- Hi irchâng thupui chu:-
- i) Jisua chu Vantirtônhai nêka inchungtak.
 - ii) Jisua chu Pathian ‘Nâipa’ a nina sika Vântirtônhai nêka a inchungna chu a ni.
 - iii) Pathian Nâilutir (Jisua) chu vântirtônhai murdi’n chubai mûk an ti, ama lalram chu taituan a ni.

1:4. Vantirtônhai (Angels):- Angels ti hih Greek chongin *aggeloi*, Hebrai chongin *mal’akim* a ni. A ruaia omzia chu ‘Palai’/thu inpuangtu’ ti na a ni. ‘Angel’ ti khomin koi a ni. Vantirtônhai (*angels*) hi Pathian le mihriam kongkara Palai an nia, Pathian Thu le Pathian sintho nuamnahai khah mihriamhai kuanga intungtirtu an ni.

Vantirtônhai (*angels*) chi thum an om ti inhriat a ni. 1) *Seraphim*, 2) *Cherubim* le (3) *Ofanim*. (Hebrai chongbaia- ‘im’ among tianga kop chu Plural form a ni, inkhat nêka tam tina a ni.

Vantirtôn (*angel*)-hai chu Pathian siahlô, tirtôn, Pathian Palai an ni. Judahaiin Vantirtôn tamtak omin an iama, Pathian le mihriam kongkara Palai inkhat an ni. Tianlai Koiindang masahai laia khan inchutirtu dikloihaiin (*false teachers*) Pathian pan theina lampui chu Vantirtônhai ata a ni tiin an lei hril uar ngai a ni. Khasikin, intûnthala Pathian biak nêkin irchutirna dikloi zuiin

1:13. “Ni ralhài ni kezapha sianaa...ki chang tiang hin toi roh:- Hi thu hih Sam 110:1-ah lâk suak a ni. Hi hi vantirtônhai nêka a roiinpuizia inlangna inkhat chu a ni. A omzia tak chu vantirtônhai chu Pathian kut chang tiang roiinpuina hmun (1:3) chang phak ngai ma haia, Jisua chu Pathianin thilsiam tinreng hruaitua a inkung a ni. Khasikin, Pathianin thil siam murdi hi Krista ke hnuai a sia maka chu Krista chu Pathian kut chang tianga choiindomin a iom hrang a ni ti a hril a ni.

Pathian Naipa, Jisua Krista chu a Pa kuanga satna, choiirsangna, roiinpuina a idong kha maksanin hi rammuala a hringna irhlanin a zuanga, Krosa thia thoinokna a khan a râlhai an hnê zita, Pathian kuanga choiirsangna chu a idong nok tak a ni. khaanga choiirsangna le roiinpuina kha vantirtônhaiin chang phak ngai mahai. Khasikin, Jisua chu anni nekin a roiinpuia ok a ni.

1:14 Vantirtônhai chu irtha Pathian sinthohai an ni:- vantirtônhai chu inzôknaihai kuanga sintho hranga tirsuak an ni ngaia, tirtan an nia; khasikin; ‘Pathian sinthohai’ an ni, tia irhming nei an ni. Vantirtônhai chu Pathian naihai (inzôknaihai) kuanga sintho hranga tirsuak an nia; khannisian, Messîa chu mi murdi ta hranga sintho hrang piala zuang a ni sikin a inchungtak a ni.

Pathian lekha bu’n vantirtônhai thurchi a hril dân toite’n irsinsia ei ti.

a) Mihriam hi an irngaiinhlu tak takin an lang. Jisuan, ”irnenga mi soal inkhat irlat chung a vana mihaiin an lom ngai” a ti. Reng Jisuan mi chinte khom hmusit loi hrangin a hril, ‘Irvana vantirtônhai’ n ka pa vana mi hmel chu an hmu mai ngai,’ ti a hril.

b) Jisua Krista irtanna, saninhringna thu hi a sân inhriat an nuam. Peteran, “kha thil kha vantirtônhai khom inhriat an irzuk a ni” (1 Pet.1:12). ‘kha thil’ ti kha saninhringna thu a ni.

c) Sam 34:7-ah “Pathian chituhai chu an kôla Rengpa vantirtôn khaan a chêng inbuala a saninzôk ngai” ti ei hmu. Khabana, Lota chung thua, Petera Jail in ata hruai suak thu haia khom vantirtôn hai an inlang a ni. (Tir.12:6-10)

d) Marin Jisua Krista a vong lai, a suak laia, hlêmna a tong laia, Geth-semani irhuana, thoinôkna haia le vana a kai lai haia khom khan vantirtônhai chu an inlang ngai a ni.

e) Injôknaihai thi chu vantirtônhai hin an hruaihai ngai ni ôm takin

Keima a Pa ni ki ta....:- Hi thu hi 2 Samuel.7:14 ata lâk a ni. Samuela lekhabu inlang dan chu Davida lalramin a entir Pathian lalna le roirêlna kumtuang hranga roirêlna rengtoihmun luatu Mesîa chungchang lei hril a ni. Tianlai ata khom hin Messîa chu Davida irchi rengata la suak a ti ti inpuang a lei ni ngai. Khasikin, Sammuël bu-ah hin Davida insungkua dinghmun hrang a lei irziak chu- **“Ni insungkua le ni ram kha kumtuangin indet ni a ta, ni rengtoihmun kha kumtuangin indet ni a ti”** (2 Sam.7:16), Hi thu hi Davida irchi ata Messîa chung a thil hong om hrang a ni zia a inlangtir a ni.

1:6 A Nâi lutir kha:- Hebraihai nam dana chu Nâi lutir hi Pa irchon luatu a nia; insungkua nâi danghai laia inchungtaka an inkung ngai a ni. Hi irchanga Nailutir a iti chu ‘Jisua’ a tina a ni. Khasikin, Pathian Naipa, Jisua hi ei ta hranga Nai lutirin a siaa, Ama Naipa a nia, Pathian nai laia a bulpui tak a ni. Krista (Messîa) chu mihriama zuang changin, a mihai neka inchungtak a ni. Tirko Paulan, a Naipa chu ureng tamtak laia nâi lutir tak a hong ini. (Rom.829) tiin a hril a ni.

Rammuala azuangtir hrang laiin:- Vantirtônhai chu hi rammuala hin mihriam laia zuang irzir ngai mah. Jisua Krista chu hi rammuala hin mi sualhai laia a zuanga, saninhringna a zuang intung a ni. Hi taka hin Jisua roiinpuizia le inlalbikzia a entir a ni.

Pathian vantirtôn murdihaiin Ama chubai an imuk nget hrang a ni:- Hi thu hih (Deut. 32:43 (LXX); Sam No.97:7) ata lâk a ni. Vantirtônhai nêkin Jisua inchungzia le roiinpuizia atarlang a nia; Jisua chu Vantirtônhai khomin chubai an imuk nget hrang a ni. Bible-ah lei hril angin Vantirtônhaiin Pathian Naipa, Jisua chu chubai a muk a ni (Lk.2:13,14); a sin khom an tho pe a ni (Mk.1:14; Lk.22:43); khakhela, Naipa’n chu Vantirtônhai hi a nuam angin a hmanng thei ngai a ni (Mat.26:33).

Pathian Naipa, Jisua hi taksa irputa a zuang inlanglai khom khan an lei choiirsangna chu an langa, Jisua Krista thoinôkna thurchi hril masatuhai khom vantirtônhai nget an ni (cf. Mat.25:31).

1:7 Pathianin Vantirtônhai chu Phaivua’n a siam...meichokin a siam ngai a ni:- Hi thu hi Sam. 104:4-ah lâk a ni. Hi thua hin Jisua chu vantirtônhai nêka inchungzia a hril inlangna a ni.

Vantirtônhai chu Pathianin a nuam lam ang takin a tirsuaka, a kara chu phaivua angin, a kara chu meichok angin a tir suak ngai a ni. Rabbi-haiin vantirtônhai chu itiklai khom pasal angin (Gen.18:2); nupang angin (Zak.5:9), Phaivua le meichok ang-angin (Exod.3:2; II Renghai.6:17) Pathianin an langtir thei niin an hril ngai a ni.

“**A sinthotuhai**” ti chu vantirtônhai kha an ni. Meichokin thil a ikanginfai anga hrâtin vantirtônhai khom hi Pathianin an hrattir ngai a ni. Vantirtônhai chu hmangrua angin Pathianin a hmanghaia; khannisian, Naipa, Jisua chu hmangrua ang ni mah, taituana Pathian Naipa a ni, ti a hrilfia a ni.

1:8,9 Hi irchang thu hi (Sam. 45:6,7) ata lâk suak a ni. Sam ziaktu hin Jisua chungchang hrilna a hmangna a ni. Kha kha Hebrai ziaktûn a hril tum tak chu Jisua roiinpuizia a inlangna a ni. Vantirtônhaiin ‘O Pathian’ tia koi ni ngai mahai, Messîa chungchang a hrilna ni ngêt a ti.

Nin lalna ram chu ...felna’n roi ni rêl:- Hi thu hih Messîa roirêlna fe dân a ni. Dikna lalram chu Jisua a nia, an lalna ram chu lalna dik a ni. Khan, a rengtoihmun khom kumtuanga det a ni.

1:9: Thudik nir ngai inhlua:- (Sam No.45:6,7-ah) thu a ni. Messîa dikna chungchang hrilna a ni. Jisua Krista mizia tak chu dikna le felna irngai inhlûtta a ni. Felna le dikna irngai inhlutuhai hi Pathian naihai an ni.

Thudikloi ni hnôlngai:- Reng jisua nun zia roiinpui tak chu thudikloi le sualna hai a hnôlna hi a ni. Thudikloi, sual a doi sikin misualhai hrangin a hringna a’rhlan a ni.

Pathian, ni Pathian khan:- Hi thu-a hin Jisua chu Pathian zia inlangna a ni. Reng Jisua chu Krista Pathianna tiang ei enin chu Krista chu Pa Pathian leh hmunkhat a ni.

Hlimna hriak (the Oil of joy):- Hi thu hih (Sam No.45:7-ah) thu kha lâk a ni. Reng chang hrang chu hriak an irthutir ngai a ni. Jisua hi Reng roiinpui a nia, Pathian le mihriam kongkara Palai ni hranga sahriak nâl a ni.

b) Reng Jisua roiinpuizia (1:10-14).

Hi irchang sunga thupui chu:-

- i) Reng Jisua chu vantirtônhai nêka roiinpuizia le inchungzia a hril inlang nokna.
- ii) Thilsiamhai chu puan angin la milui a ta, la danglam an ti; khannisian, Jisua chu danglam viat mah, a nina pangaia a om mai.

- iii) Pathianin thil murdi hi Jisua ke hnuai sia zit a tum ti anin hril.
- iv) Vantirtônhai chu tirsuak an nia; Reng Jisua rek chu a tirtu a ni.

1:10-12. Hi taka irchang hlop tak hi (Sam. 102:25-27) reng ata lâk suak a ni. Thuthung Luia Jisua chungchang a lei hrilzia a nin hriattir a ni.

Nang Rengpa.....irneng...irvan ni kut ngeia ni isiam a ni:- “Nang rengpa” ti hih Jisua tina a ni. Pa le Jisua chu danglamna om viat loa pumkhat an ni. Vantirtônhai hih “Rengpa” tia koi ni ngai ma haia, khasikin, Jisua hi Vantirtônhai nêkin a roiinpui a ni ti a nin hril.

Irngeng ni siama:- Mihriam omna pumpui hih Pathianin a siama, Thu’n rammual pumpui hih siam a ni. Pathian Lekha-ah, “*A phut taka thu a om, Thu kha Pathian a ni.....Ama hmanga itinreng siam a ni*” (Joh. 1:1-3).

Irvan khom ni kut ngeia ni isiam:- Irngeng le irvan siamtu chu Pathian a nia, Pathian Naipa Jisua hi itinreng siamtu a ni thu hi taka hin a hril (Kol.1:15-17). Hi taka ‘irvan’ ti hi nisa, tha hai, arsi hai omna khi a ni. Kha irvan le a sunga om le ei omna irngeng pumpui hi Pathian Naipa kuta suak zit a ni; khasikin, Jisua hi vantirtônhai nêkin a roiinpui ok a ni.

1:11. Khahai khah la boi an ta:- Irngeng le irvan le a sunga om murdi hi a la boi zit hrang chungchang hrilna a ni.

Nang chu om mai ni ti:- irngeng le irvan thilsiam tinreng hai chu danglam in la boi zit an ta; khannisian, Jisua Krista chu taituana om a nia, danglam loi om mai a nia, a roiinpui tak a ni.

Silkai angin le milui an ti:- Irngeng le irvan le thilsiam dang murdihai chu la milui zit a ta, danglam in, la’r hmang zit zoro la tung a ti. Pathian Naipa, Jisua chu a taituan mi a ni sikin, a pangaiin a om mai.

1:12 Puan anginsilkai angin thûl ni ti:- Thilsiam tinreng hai hi puan anga milui thei, danglam thei le silkai angin thûl ngai a nia, Jisua chu danglam ngailoi ti a hrilna a ni.

Nang chu a ngai dên nih ni ta:- Hi irchanga khom hin Naipa toiinpuizia inlang nok a ni. Thilsiam murdi chu Pathianin la’n danglamtirzit a ti. Khahai murdi chu danglam in, milui zit khomsian, Jisua chu danglam viat loiin, a pangaiin om mai a ti. A kumhai khom boi no ni, a satna, a hratna; a sinthotheinaihai, a lungthungna hai, a iamomna hai khom a pangaiin om mai a ti.

Mihriam nâipa khom hi:- “Mihriam nâipa” ti hi Jisua Krista hrilna a ni. Thuthung Thara hin Pathianin mihriam nina dinghmun tak chu nâipa Jisua Krista a zuang changna hin mihriam a ngaisakna roiinpuizia a inlangtir a ni. Pathianin Mihriam Nâipa chu vantirtônhai nêkin a ngaisak le a inhlu ual a ni ti hril a itum a ni.

2:7 Ama chu....ualin ni siama:- ‘Ama’ ti hi Jisua Krista a ni. Jisua hi taksaa zuang changin (Joh.1:14) thu ngaitua’n chu vantirtônhai nêkin ama (Jisua) chu irhnuaia om a ni; khannisian, zoro sotnate sung vaih a ni. Jisua Krista chu mihriama zuang changin, a thia a thoinôk man’n chu mihriamhai hmsut tak le irhnuai takin a oma; khan, thoinôkna zoia chu roiinpui le choiindômana murdi inkhumtirin a om taka, ama ata mihriam dinghmun chu choiirsangin a hong om tak a ni.

2:8 Thil tinreng chung a roirêlpu’n ni siama:- Pathianin a Nâipa Jisua Krista kuanga hin irneng le irvana irchamneina murdi a peka; Pathian thilsiam tinreng chung a hruaitua a siam tâk a ni.

Ania chu, atun hin....la hmu ual mak meh:- Thil tinreng hi Krista hnuaia sia zit khom sianlan, hi rammual sualna hin Krista irchamneina le roirêlna irkip la hmu ual mak meh; tiin hril a ni. Khan, tinreng hi Jisua Krista hnuaia a om zitna ei hmu irkip zoro hrang chu Irtha Rama la ni a ti. Atun dinghmuna hin Jisua irchamneina la hong irkip zitno khom sian, nakana irkip nikhua a la zuang tung hrang a ni.

2:9 Jisua...vantirtônhai nêka irhnuai uala siam kha:- Iamna ata thil hmu suak thu a hrilna a ni. Hi hih Jisua krista, a thina le thoinôk mâna a sinthona nun irngaiintômna khaa hrilna a ni. An lang dôna chu Jisua hi vantirtônhai nêka irhnuaian mihriam dinghmuna a hong i omna chu, mihriam ta hranga tuang a nia, kha khah Pathian inkung a ni. Pathian lungkhamna sikin Jisua chu mitin ta hranga thi a ni. A tuangna le thina sikin roiinpuina le choiindômana inkhumtirin a om tâk a ni.

5. Krista le a mihai inpumkhatna thu (2:10-18)

2:10-18 sunga thupui chu-

- i) Jisua Krista le a mihai irzomna.
- ii) Pathian iamtuhai chu Krista leh urengkhat an ni.

BUNG-2

I. 3. Saninzôkna roiinpui uksakloi ichiom thu (2:1-4)

Pathianin a Nâipa hmanga thuinpuang chu saninhringna thu a nia, kha saninhringna roiinpui uksakloi ichi a omzia hril a itum a ni.

Hi irchanga thupui chu-

- i) Pathian Nâipa Jisua hmanga thuinpuang zômloitu ta hrangin zôkna om mah.
- ii) Pathian Thu uksak a nang.
- iii) Pathianin a Nâipa hmanga thu a ihril chu a det a ni.
- iv) Vantirtônhai hmanga thuhiril oiloi lua hin hremna an tonga, Nâipa hmanga thuhiril oiloi len vang chu hremna loi thei viatno nihai.
- v) Thuthung Luia dân insiatna lua hremna a na kha te, Thuthung Thara dân insiatna lenvâng chu a sân a na!
- vi) Saninhringna hi a phut ata Rengpa inpuang a ni, uksak ngêt a nang.

2:1 Khasikin:- Bung 1-na lei inlang chu Pathian Nâipa, Jisua chu vantirtônhai le deipuhai nêka inchung le roiinpui, saninhringna siamtu a ni ti a hril taka; khasikin, Jisua thu chu uksak hrang a nizia a irhmutir a ni.

Ei inhriathai kha:- Ei inhriathai chu Thuthung Thar thu Jisua Krista thurchi a ni. Saninhringna Thurchi Sa chu an inhriata, kha khah Kristian irtha nun irngatna bul tak a ni sikin uksak hranga hrilna a ni.

Ei intûk indet ngit hrang a ni:- Reng Jisua le a thu irngaisakloi ta hrangin chu Pathian maksan ichiom zia a hrilna a ni. Khasikin, intûk indet ngit hrangin a hril.

2:2 Vantirtôn hmanga thu hril:- Vantirtônhai hmanga thuhiril chu Thuthung Lui thuhai kha a ni. Thuthung Luia Thu chu Pathianin vantirtônhai hmanga a pêk niin Hebraihaiin an iam a ni (Tir.7:53; Gal.3:19). Vantirtônhai hmanga thuhiril ti hi Thuthung Luia Dân Thu zomnotu le an siattu ka kai chu hrem an ni ngai. Hebrai ziaktu hin Pathian Nâipa chu Vantirtônhai nêka roiinpui a nia, Vantirtônhai hmanga thuhiril hai nêka Nâipa hmanga thu suak chu a roiinpui uala, ngaipoimo ual hrang thu a hril inlang a ni.

2:3 Hi ang dora Saninhringna roiinpui:- Hi hih Thuthung Thar thu a nia, Reng Jisua le a sintho hril inlang na’n “Saninhringna roiinpui” ti a ni. Saninhringna roiinpui a nina san tak hai chu-

- ii) Sual porinche taka saninhringna a ni sikin, “Saninhringna roiin-pui” a ni.
- iii) Ichiom tak rengata Saninhringna a ni sikin, “Saninhringna roiin-pui” a ni.

2:3 Uksak loiin tho inlân:- Mat.22:5-ah ngaisak loi a ti ang kha a ni. Mihriamin thil a insiatna ngai chu a sintho hrang tak le thil poimo a uksak loina hi a ni ngai. Mi'n a sintum uksak loi chu fâk hrang hmu no ni, a lekha; irchûna a uksak no'n chu lekha thei no ni; khaang khan, Pathian Nâipa Thurchi Sa uksak loitu chu dongtum ite nei no ni, sabeina hrang dang ite om ta no ni.

Rengpa'n an puanga:- Thuthung Thara Reng Jisua 'nPathian nuamlam ainpuanghai kha a ni. Hi saninhringna thu hi a phut ata a mong denin Pathian Nâipa hmanga a sintho inlangna a ni.

Ama inhriathain a dik tih an ni ifa pe:- Saninhringna Thurchi Sa hi Reng Jisua hmanga puangsuak a nia; kha Thurchi Sa khah Hebrai Kristianhaiin anni ngeiin Reng Jisua bai ata an inhriat le an ihmu chu ni maka; mi irthiang lei fe tâkhai, atuna Rengpa iamtu la hring maihai kuang ata an lei idong le an lei inhriat a ni ti anlang. Lei inhriat masa le lei hmu tuhai khan hi Saninhringna thu ei inhriathai hi a dik ti an ihrilfia indet pehai nok ual a ni.

2:4. Pathian khomin...a'nhriatpui sa:-Nâipa, Jisua hmanga saninhringna a siam chu a roiinpuizia hril nân, “Pathian khom...a'nhriatpui” a tina a ni. Hi saninhringna Thurchi Sa hi Pathian inhamin a ni inhriatpui a ni. Reng Jisua saninhringna chu ‘sinirkhêl chi tinreng le thilirkhêlhai sin le ama lungdoa Irtha Irthiang thilpêkhai semin,” a om sikin hi Pathian nuamlama inkung ngêt a ni ti inlang a ni. Hi a chungha thil omhai ang hi tutên tho thei ngai maka, Pathian vaiin a tho thei ngai sikin Pathian inhriatpui a ni ti inhriatthei a ni.

Reng Jisua sinthona murdi khan sintho theina a ni zit sikin, saninhringna hi atak tak, Pathian inhriatpui tak tak a nia, uksak a poimozia a irhmutir a ni.

‘Ama lungdoa Irtha Irthiang thilpêkhai semin’ ti hi Irtha sinthona dang tinrengai a ni. Penticos-Ni-a Irtha Irthiang zuang chum laia mitin kuanga sinthotu kha Irtha Irthiang a nia, Pathian nuamlama zuang tung a ni ti a hrilfia a ni.

4. Krista irngaiintômzia, a tuangna le thina sika a roiinpui-na (2:5-9)

Hi irchang hin Krista irngaiintômna sikin roiinpuina le Choiindômna inkhumtirin a om ta ti inlangna a ni. Hi irchang sunga thupui chu-

- i) Reng Jisua tuarna sikin Choiindômna inkhumtir a ni.
- ii) Reng Jisua thina le thoinôk mân chu vantirtônhai nêka irhnuaian Pathianin a sia irhnuaia a ni.
- iii) Reng Jisua irngaiintômna, tuarna le thina chu Pathian lungkhamna, mitin kuanga inlang a ni.

2:5 Rammual thar:-Juda-haiin zoropui hi hmun hni angin an senazoro masa rammual irkiploi le zoro lomom, Messîa roirêlna tiin an sen ngai a ni (1:1). Hi taka ‘rammual’ ti hi hnuairam irneng rammual ni maka, lengdân dingmun thar a ni. Kha khah Messîa zoro, Thurchi Sa zoro, Thuthung Thara leng dân thar hi a ni. Koiindang mihai omna khom arkok sa a ni. Thuthung Lui hnuai leng dân chu vantirtônhai kaihruaiin a oma, atun chu vantirtônhai hnuai Thuthung Thar Koiindang hi om makla, irtha rammual khom vantirtônhaia hnuai om mak. Nâipa, reng Jisua thuneina hnuai Irtha rammual le Thuthung Thar chu a roiinpui ual ok a ni.

2:6-8 Hi irchang hih Sam No. 8:4-6-a hrilna a ni. Gen.1:26-ah khan Pathian thilsiamhai chungha thuneina chu mihriamhai kuanga pêk a ni ti anlang a ni. Mihriam masa (Adama) suala tâkna sikin a thuneina boiin, hnuai hi sual a zapa, Adam inhnung mihriam irkip Jisua Krista chu hi hnuai rama zuingin, vantirtônhai nêka irhnuaia ualin saninhringna a zuang intung a ni.

Mihriam hi....ni inhriat mai ngai:- Hi hih Sam. 8:4-ah lâk a nia, a phut tak hriltu hin mihriam tak tak hi a iti a ni. Mihriam hlutna le poimona a inlang tir a ni. Sam ziaktu'n ‘irvan’ ni kut suakhai, Tha le arsi....(Sam. 8:3) nêk khoma mihriam hi a hlu le a poimo a ni, ti a irhmutir a ni. Mihriam hi vantirtônhai nêka irhnuaia oka an irngai ngai chu Pathianin a'nhriat mai a ni ti a ni inhril a ni. Vantirtônhai hi Pathianin an hriathai mai ti inhriat ngai mak meh; khannisian, mihriam chu Pathianin a'nhriat mai a ni. Khasikin, Pathianin mihriam hi vantirtônhai nêkin a uksak ual ngai ti ziaktu hin a itum a ni.

Jisua Krista'n thina an boipai tâka, ama ngei tuanga a thina le thoinôkna khan thina in omtirtu soal (soal man chu thina a ni-Rom. 6: 23)) inboipaiin a siama, thina an hnêa, natna le thina omta loina rama ama iamtuhai chu a hruai intung tâk a ni.

2:16 Hi irchanga hin Jisua Krista mizia diktak a inlang a ni. Vantirtôn-hai om dân lak loiin, Abraham a irchihai om dân a lâk ti a ni sikin a mihai leh pumkhata siam ti entir a tum a ni. Jisua Krista irtanna siama a ichangpuihai chu vantirtônhai ni loiin mihriamhai an ni sikin mihriam a zuang ichang a ni. Jisua chu vantirtôn angin om loiin, mihriamhai a chang puia, saninhringna a siama, anni (mihriam) angin a zuang irzirin a irphut a ni ti a hril.

2:17 Ochai Inlaltak, iamom le lungkhamnaa sip:- Hi irchanga hin Jisua Krista, Ochai sintho a hong irphut tâk a ni. Ochai chu mihriam lai ata lâk suaka, Pathian kuang Palaia tir a ni ngai. Hebrai mihai ta hrangin Ochai Inlaltakin mipuihai sualna le a mophurnahai hriatpuitu le soal irbôlna inhlantu a ni ngai angin, Jisua Krista khom mihriamhai soal irbôlna hranga Ochai Inlaltak sin tho hrangin mihriam a zuang ichang tâk a ni. Khan, Thuthung Luia Ochaihai chu dân angin rân thisen hmangin soal irbôlnan an hmang, iamomna le lungkhamna nekin dân hmanga irbôlna an thiltum a ni. Reng Jisua chu Ochai Inlaltak, lungkhamna sip, iamom tak , ama ngei tuangin, ama hringna chu mihriamhai soal irbôlna hrangin a irhlan rip a ni.

An soalhai ngaidam a ni theina hrangin:- Thuthung Luia chu soal thûtpha an choi ngaia, kha khah ochaiin mipui soal thûtpha choina an siam pe hai ngai a ni. Soal thûtpha choi hrangin rân thisen nget a nang ngai. Kha khah Pathian tianga poimo tak a ni.

Thuthung Thara hin Jisua Krista chu Ochai sin a zuang chela, mihriama a zuang ichang a ni. A sin chu irbôlna le soal thûtpha choipêktu nina sin a zuang ichang a ni. Jisuan rân thisen soal thûtpha choinan hmang maka, ama Thisen ngei hmangin mipui soal thûtpha choiin irbôlna a irhlan a ni. A Thisen hlu chu mihriam soal irbôlna a hmanga, kha Krista Thisen hlu kha Pathian kuanga thil irhlan famirkip tak chu a hong ichang tâk a ni.

2:18 Ama ngeiin thêmma tongin.....a changpui thei ta:- Jisua Krista chu Ochai Inlaltak ni hrangin mihriam a zuang changa; natna le thêmma hai a tuanga, a mihai khom inhriatin a changpui thei ti a hril inlang a ni.

- iii) Pathian ichangpui ngai hai chu mihriamhai hi an ni.
- iv) Pathian le mihriam irzomtheina hrangin Jisua Krista chu Taksaa a chang.
- v) Jisua Krista chu mihriam diktak niin thina a tong ngaia, themna tonghai a changpuithei a ni.

2:10 Hi irchanga hin Jisua Krista chungchang poimozia ei hmu. Pathianin a Nâipa Jisua Krista hin tinreng a sia irkipa, ama zoro khan ini mihriam soal hi ei ikring a ni.

Nâi tamtak a hong hruaihai:- Jisua Krista tuangna le thina sikin saninhringna a hong oma, a inzôkhai chu Ama sika khan mitamtak Pathian nâi an hong ni tâk a ni.

Dengtheina tuang sika famirkiptir:-

Pathian Nâipa, Jisua Krista chu mitin saninhringna an changtheina hrangin a tuang a tuanga, kha a tuangna sikin a famirkiptir a ni. Krista tuangna sintho chu hiang hin hmu hei a ni-

1) Mitam tak Pathian nâi ni hranga, Krista chu dengthei tuangin a om. A nâi chang hrang hai chu mi soal zit an lei nia, saninhringna famirkip chang hrangin thina a inang tâk a ni. Khasikin, Jisua chu saninhringna siamtu, tuangna le a thina sikin famirkip a hong ini tâk a ni.

2) Saninhring hranghai hi mihriam, taksa le thisen nei mi, soal laia lei om tâk an ni sikin, Jisua khomin Taksa le Thisen a hong chang tâk a ni. Soal ata hruaisuak hrangin anni anga om a hong nang taka; kha khah ama hrangin tuangna ichiom tak a hong ni pe tâk a ni.

Reng Jisua tuanga le thina kha thina chiom hnêna a chang, inthêmma a itokna khan soal le diabola inthêmma ata a sansuakhai thei tâk a ni.

Saninhringna tianga mihai hruaipu:-

‘Saninhringna hruaitu’chu Jisua Krista a ni. Ama chu saninhringna bulpui a nia, itinrenga mihai hruaipu a ni; khasikin ‘hruaipu’le ‘siamtu’”tiin a’rhming khom phua a ni.

2:11 Irthiangtirtu le irthianghai:- Hi taka irthiangtirtu”chu Jisua Krista a nia, irthianghai”chu irtan saihai, Krista thisena irsûkinfaihai an ni. Thuthung Luia khan, Irthiangtir”ti hi “Pathian tiang ser bik/hran”tina a’rkok a ni. Hi thu hi omzia a neia, Mesîa chu Pathian tiang ser bik a ni. Khasikin, Krista zuituhai khom ama anga “ser hran”an ni. Khan, “irthiangtir” ti hi soal ata sansuak, thina bôhi ata sansuak a’rkoka; khasikin, ‘Pathian ta hranga ser hran”a’rkok bik a ni.

Pa hmun khata suak:- Jisua Krista chu Pathian ta hranga ser hran (ser indang) a nia, Pathian itir lam ang tak sinhotu, saninhringtu a ni. Krista iamtuhai khom Pathian ta hranga ser hran an nia; khasikin, an rengin Pa Pathian inkhat ata suak an nia, pumkhat an ni, tina a ni.

Urênghai:- Jisua le ama iamtuhai, zomtuhai chu hmunkhat, Pa inkhata suak an ni tâk sikin, Jisua khomin ama iamtuhai chu, “Urênghai” ti inzak ta mah. Krista leh irzomtuhai chu insungko khat irkoina “ureng” tiin a ni ikoi thei tâk a ni.

2:12. Ki urênghai kuang:- Hi thu hih Sam 22:22-ah lâk a nia, Mesîa chungchang hrilna a ni. “Ki ureng hai kuang” titu chu Mesîa a ni. Hi thu hih Jisuan a mihai kuanga Pathian ninah a inpuang suakna chungchâng a ni (Joh.17:6). Hi hih Mesîan a mihai kuanga Pa Pathian thurchi a la inpuang hrang zia lei hrilna a ni.

An inkhômmaa:- “Mipui laia” tina a ni theia, “Koiindang laia” tina khom a ni thei. A omzia chu Mesîa hin Pa Pathian chu inzakpui loiin, mipui lai haia hin khom inpâk mai hranga hrilna a ni.

2:13. Pathiana ki iamna irngat:- Hi thu hih Isai.8:17 ata lâk a ni mai thei. Septuagint (LXX) thu le hi irchâng a mi hi irangna an nei. Hi hih Deipu Isai’n ama thu a ihrilna a ni khomin Mesîa ihril ni angin an lang. A omzia chu-

- 1) Mesîa khom ni ri se mihriam nina lama chu mani iriam zoi loiin Pathian a irngatna an thang.
- 2) Mesîa khan Pathian chu irhnêl le irngatna takin a hmang. Messîa hin mihriam omzia a zuang irputa Pathian irngat a poimo zia a inlangtir a ni. Ama khom Pa Pathian irngata a om angin a urêng-

2:13 Nâipang a ni ipêk... Hi thu hih Isai.8:18-ah mi lâk a nia. A omzia chu Pa le Nâi chu thisen hmunkhat ata suak an nih sikin Reng Jisua le ama iamtuhai chu pumkhat a entirna a nia, Pa le nâihai kongkâra irzomna a ni (Joh.17:9, 12,24). Jisua Kristan, Ama iamtuhai hi a kuanga Pathianin a ipêk an ni thu a hrilna a ni.

2:14 Nâipang a ikoihai kha taksa le thisen nei:-”Nâipanghai” ti hin Pathian nâihai (*children of God*) a irkôk a ni. Naipanghai hi an pahai leh taksa le thisen hmun khata irzomna nei an ni angin, Krista le ama iamtuhai khom hmun khata irzomna nei an ni. Mihriam nina chu taksa le thisen nei a nia, Jisua khom mihriam saninzok hrangin taksa changin mihriamin a zuang inlang tâk a ni. Mihriam hi taksa mi ei nia, Jisua khom taksa changin a ni saninhring tâk a ni.

Thina chung a irchamneitu:- “Thina chung a irchamneitu” chu khohri ilhli (Diabola/Setân) a ni. Thina hi soal sika om a nia, soal chu Diabola/Setân sika hong om a ni nôka; khasikin, thina hong suakna bul tak chu ramilhli (Diabola/Setâna) a hong ni tâk a ni. Soal thuneina chu Diabola a nia, khasikin, Diabola chu “Thina chung a irchamneitu,” ti a ni ta.

Mitin hi soal boia intâng zit an nia, Jisua Krista thina khan thina chung a irchamneitu setân chu an hnê tâk a ni. Thina a inhnena chu ama ngei thina ata a thoinokna kha a ni (1 Kor. 15:23-26).

2: 15 Thi chia dam sũang suaka om murdihai:- Mi tin ichi tak chu “thina” hi a ni. Thina chi pumin ei leng mai a ni, mitin hi a ni sansuak tâk a ni. Lungkhamna sikin, Kristian a thina le thoinôkna’n thina le kha thina chung a irchamneitu Diabola chu a’nhne tâk a ni. Kha tak sika khan Krista iamtuhaiin, “O thina, ni tûr kha khon mo a i om tâk?” (1 Kor. 15:55) tiin hril tâk a ni. Kristan thina hnêa mi a sansuak dân chu hiang hin tarlang ei ti.

- 1) **Thi chitna chu an boi pai ta:-** Thina hi soal sika om a ni. Kristan mihriamhai an faia, thina kha a inhne tâk a ni. Krista iamtuhai mi irthiang tâk hai khan thi an ichi ta ngai loi a ni.
- 2) **Thina om ta loina rama hruai:-** Krista iamtuhai chu thina an ichi

3:8 Hi thu hih Israel-hai Sinai ramchara an om lai thu a ni. Anni ngeiin Pathian an fia sikin, kha an fiana kha ‘hlêmna ni’ ti a ni.

Pathianin Israelhai kha a ihlem ni maka, anni khomin Pathian kha thilsual tho hranga an ihlem ni ual maka, Pathian zaidotheina le satna an fia ngai sikin kha kha ‘hlemna ni,’ an ki ti ngai tak a ni.

Pathian an innuartir lai..... Sinai ramchara Israel-hai an om lai khan Pathian thu oi loiin an oma, Pathian an fia mai ngai le a sin irkhel thohai chung a khom lomna nei ual ngai mahaia, an innuartir tak a ni.

Hi taka ‘hlemna ni’ ti le ‘an innuartir lai’ ti hi ni khata thil le voi khat vaih ni maka, itik lai khomin Pathian nuam loi lama omin an innuartir ngai kha a ni. Pathian lungril an innatirna hai chu - Sin hmuna tuiinhrala an chiarna (Exod.17:1-7), Sinai tanga seherat irlim an biakna hai le Tabera hmuna an innuartirna hai le Kadesh-ah Kanan rama lut an hnôlna kha a ni. Hi taka thu buai siamtuhai le hruaitu Mosia ngei khom ram pêk chonginkung (*Promised Land*) chu an ilût thei ta loi ang khan, nangni Hebrai-hai khom om sa nin ti, tiin a ihril pehai tâk a ni.

Nin milung inngartir no roi: Ramchara khan Pathianin Mosia hmanga thil irkhêl tak tak a ithohai khom kha Israel-haiin ngaisak loiin, thuoina khom nei loiin an oma, an milung a ngar khaka, Pathian lua an ifia ngam a ni. Hi Hebrai Lekhathon ziaktu hin kha anga om loi hrangin a halirchuhai a ni.

3:9 Israel-hai kha Aigupta ram rengata Kanan ram pana an fe sêng kum chu 40 (sôm minli) a nia, kha ramchara an om sêng khan Pathian lungtungna roiinpui tamtak le a sintho irkhelhai an hmu mai sung khom khan Pathian an irheisan ngai a ni. Pathian kuang lomthu hril nêkin, Ama chung a chiar le an nuar ngaia, an fia sa ngai a ni; khasikin, an chung a Pathian a ning a nmur tâk a ni.

3:10 Kha irchihai chung a: Israel namhai tina a nia, ramchara chiartuhai kha an ni. Pathianin lung a thung hai zia, thil irkhel roiinpui tamtak hmanga a hruai suakzia hai inhriat thiam loiin an oma; khasikin, Pathianin Israelhai chung a lunghoi nona a hril inlang tak a ni.

An lungrilin inhre ta mahai: Israel namhai chu inhriat chaka Pathian Thu kha an loi pai ngai a ni. Lampui dik inhriat chaka thu dik kirsan an ni. An lungri la suak om saih inthotir a ni (Mat. 7:21).

Ki lampuihai: Lampui dik an inhriat loi ni maka, Pathian nuam lam an inhriat chak khomin zôm hrang le ngaisak hrang lungril pêk nuam viat loi an ni. Kha ang khan, tukullianna sika hin Pathian nuam lam chu inhriat loi angin an om ngai a ni.

3:11 Hi thu hih Num. 14:21-23;20:12; Deut. 12:9 ata lâk a ni. Pathianin, ‘Ki’r ngamna hrang rama’ ti hi Kanan ram a ni. Israel-hai chu kum 40 sêng

BUNG-3

6. Mosia neka Jisua Roiinpui ualzia (3:1-6)

Hi bung 3:1-6-ah a ihril tum bulpui tak chu Mosia nêka Jisua a roiinpuzia a ni. Hi taka a thupui chu:-

1. Mosia nêka Jisua a roiinpui ual.
2. Thuthung Luia Palai Mosia ninah le Thuthung Thara Pathian itir Jisua ninah khaikhinin Jisua a roiinpui ok a ni.
3. Pathian insûng mihai chung a Mosia nêkin Nâipa iam a omin, a roiinpui ok a ni.

3:1. Ei Kristian urêng, Pathianin a koihai:- “Kristian” ti chu Krista mihai tina a nia, a mihai ‘urêng hai’ tia irhming irput an ni ta. Nâipa, Jisua Krista zara Pathian ikoihai, an nia, “Vân Koina chang” le Urêng irthiang” ti khom hi Pathian mihai tina a ni.

Ei iamna lama Ochai Inlaltak...Pathian itir Jisua:- Ei iamna lama ti hi ‘thuiam’ (Thurin) a nia, hi taka ei iamna, thuiam chu Jisua Krista tina a ni. Ei iamna bulpui tak chu Reng Jisua kha ngaitua roi ti hril a inlang a ni.

Ochai Inlaltak le Pathian itir Jisua:- Thuthung Luia sinthona bulpui tak chu Pathian itir-Palai/Tirko le Ochai Inlaltak dinghmun chu a nia, kha dinghmun chi hni kha Thuthung Thara Jisua Krista hin a ilua irkiptir tâk a ni. Mosia chu Israelhai sansuaktu hrangin Pathian itir a ini angin (Exod. 3:10), rammual pumpui saninzôktu hrangin Pathianin a Nâipa Jisua krista chu tir a ni (Joh.3:17;20;21).

Ochai Inlaltak:- ‘Ochai’ hi itina mani? Ochai (English ‘Priest’) ti chongbai hi Latin chongin *Pontifex* a ni, a omzia chu irkal dôtu / leidâk dôtu/ siamtu (*bridge-builder*) tina a ni. Ochai’n hi Pathian le mihriam kongkâra irkal/leidâk siamtu a ni. Jisua chu Ochai Inlaltak famirkip a nia, asan chu mihriam famirkip le Pathian famirkip tak a ni sikin. Khasikin, Jisua zara mihriam chu Pathian kuang a fe thei tâka, Pathian khom mihriam kuang a zuang iom thei tâk a ni.

Hi taka hin Jisua nina hih inhni a om:

a) Ochai Inlaltak (*high priest*).

b) Pathian itir Tirko/Palai): - Jisua chu Tirko lian (*the great apostle*)

a ni. Grik chonga Tirko ti chu *apostolos* a ni, a omzia bul tak chu

“tirsuak mi” (*one who is sent forth*) tina a ni.

Jisua Krista chu Pathian itir suak, a tirtu thuneina irbel le a tirtu Pathian ihril ang taka tho hranga tirsuak a ni.

3:2. Pathian insûng mihai:- Thuthung Luia chu Israel nam hai hi Pathian insûng mihai an nia, Thuthung Thara chu Koiindang-hai, Irtha Irthianga mi suakinthar-hai hi Pathian sêngkua an ni (1Tim.3:15; 1 Pet. 4:17). Pathian insûng mihai kaihruaina khan Mosia hi iam- a om (Num.12:7) angin, Thuthung Thara hin Jisua Krista hi iam a om a ni ti a hril inlang a ni.

3:3. Pathian insûngkua indingtu le a in sintu chu Jisua Krista a ni. In sêngkua tina hin sêngkua lutak (puipa) ei nei chit ngai angin, Koiindang Lu khom Jisua Krista hi a ni.

Thuthung Luia Israel sêngkuaa lutak (puipa) chu Mosia a nia, Thuthung Thara chu Jisua hi Koiindang Lu tak a ni. Mosia hi sinthotu vai a nia, Jisua chu Pathian Nâipa sêngkua indingtu puipa tak a ni sikin, Mosia nêkin a roiinpui ual a ni.

3:4. In tin hihi thil tin reng chung a Pathian a ni:- Hi taka a omzia chu In tin hi a sintu a oma, sêngkua tinin hruaitu puipa an nei seng ngai a ni; khan, Pôl tin khomin hruaitu le indingtu an nei chit ngai an ni. Kha angin, Thuthung Lui le Thuthung Thara Pathian insûngkua indingtu chu Pathian Nâipa, mihriama zuang chang Jisua Krista a ni. Hi irchanga hin Jisua chu Pathian a nina le itin rêng chung a hruaitu tak le a lutak a nizia a inlang a ni.

3:5. Mosia kha iamom tak:- Mosia chu Pathianin Israel namhai (Pathian sêngkua) kuanga thuhritu/kaihruaitu'n a hmanga, iamom takin sinthotua a om a ni. Mosia hi Thuthung Thar la hong tung hranga sinthona lama sinthotu entirna mai a ni. Reng Jisua chu a mihai (koiindanghai) lu le a mihai ta hranga sêngkua neitu tak changtu a hong ni ta.

3:6. Krista rêk chu....iam a om:- Hi irchanga hin Mosia nêka Jisua a roiinpui ualzia a inlang nôk a ni. Thuthung Thara Pathian insûngmihai hi Koiindanghai an ni; kha chung a khan Nâipa, Jisua chu iam a om a ni. Mosia chu Israel namkhat chung a iam oma, Jisua Krista chu rammual pumpui, chitin nam tin ta hrangin iam a om mai a ni, mi ta hranga sinthotu (Mk.10:45) le a lutak a ni.

Jisua Krista chu Pathian Naipa a nia, Pathian insûng mihai laia Naipa chu iam a om a ni. Jisua Krista zara khan eini khom Pathian nai nina ei chang thei tak a ni.

A in sêng mihai chu ei nihai hi ei ni:- Pathian Nâipa Jisua Krista iamtu murdi chu Ama insûng mihai ei ni. Krista zara Pathian insûng mihai ei nia; khasikin, Krista chu ei hâina, ei irngatna bulpui tak a ni.

‘Ei ihâina’ ti hi zalenna le rammual ei ingamna a hrilna a ni. Paula khomin, “Ki iiam chu kin hriat” (2 Tim.1:12) tiin haitakin a om thei ta a ni.

7. Pathian mihai ta hranga irngamna (3:7-19):

Hi taka ichang 3:7-11 hi chu Sam 95:7-11-ah thu lâk a ni. Israel mi Aigupta rengata Kanan ram pana fehai chu mi inhni Joshua le Kaleba hai vaih an tung, a dang chu Pathian an iam zoi nona sik le an tukullianna sikin Kanan ram tung phâk ta loiin an thi zit tak a ni (1Kor.10:1-5). Mosia hruaina hnuaia mihai'n thuôiloina sikin Kanan ram tung phak loiin an thi zit in teh, Messia thu oi loi len vang chu sabeina omloi a intungtir hrang a ni. Thuthung Thara Pathianin Kristaa irngamna a inkungg chu iamna le thuôina neia chang thei a ni.

Hi irchang 3:7-19 sênga thupuihai chu: -

- i) Aigupta suaka om Israelhai suak tâkhai khan Pathian Thu inhriat sêngin thilsual an tho zêl anga tho loi irchuna a ni.
- ii) Pathian iam loina lungril irput ichi a oma; khasikin, irdin hrang a ni.
- iii) Pathian irngamna siama irngam theiloina san chu thilsual sika, iamloina sika, thuoiloina sika, lungrila tukullianna sika a ni.
- iv) Pathian lungchuknona san chu thilsual thoa irsirloia, irletloi hi a ni.

3: 7 Khasikin: Krista chu Mosia nêka roiinpui ual sika le insungkua roiinpui taka laia mihai eini sika khan a ni.

Irtha Irthiingin: Sam. 95: 7-11-ah thu a nia, Irtha itira hril vaih a ni angin hi Hebrai bu irziaktu hin, ‘Irtha Irthiingin,’ a iti a ni. Irtha Irthiingin, Israel naihai kuanga thu a ihril a ni. Hi taka hin Pathian Lekha bu hi Pathian phûk mutkhum a entir.

Avuan sên Pathian hnukirhai “Avuan” ti chu ‘atun hin,’ ti ang a ni. Atun hin Pathian hi nin inhriat tak a ni'n chu lungril irngar chi ni ta mah.

Pathian hnukirhâi nin inhriatin chu: Pathian hnukirhâi (hê) inhriat dan chu hiang hin ni a ti. (i) Thuhril irngaiin, (ii) A Lekha bu tep. (iii) Mani lungril ngeta irpêkna (iv) Rammual thil hong tung haia hin le (v) Mani raulhai ata le ei urenghai nir chutirna ata hin hriat thei a ni.

4:2. An inhriat ang takin Thurchi Sa chuei inhriat:

Hi taka “Thurchi Sa” a ti hih, irngamna chonginkung chu a ni. Israel-hai ta hranga thurchi sa lomom tak chu Kanan ram, irngamna hmun kha a ni.

Tianlai Israel nâihai kuanga an ram lua hrang, an irngamna hrang Pathian inkung saih, Kanan ram thurchi a hoina le a hlutna tinrenghai kha inhriattir an ni taka; khannisian, Pathiana tehel an zongna sik le iam loina sikin an chang thei ta loi a ni ti inhriat a ni. Israelhai kuanga hril tâk ang khan a tuna iamtuhai kuanga hin irngamna chong inkung, Van Ram, taituan ram hoi tak chu ei kuang inhriattir a ni tâk hi a ni inhriat ta a ni.

An thu inhriathai khan ite ar fêna hmu mahai:

Israel-hai khan Kanan ram inkung saih a om ti chu an inhriat maia; khannisian, sualna lama an lûta, Pathian iamna nei loiin an om sikin, thu an inhriat chu ite a’rfêna an ihmu ta loi a ni. An iam nona khan thu an inhriathai khan anmani thiam loi inchangtirtu vaih a ini tâk a ni. Kha ang khan ei ni (Kristianhai) khom iamna boiin chu ei inhriathai hi ite a’rfêna om no nih ti hi a ni inhriat a ni.

Pathian Thu irngaia, mikuara inhriata, iam tak tak tuhain anni ta hrangin omzia poimo tak a itung ngai a ni. Koiindang mi khomin iamna neia irngai tak tak ni loi chu Israelhai angin thu ei inhriat kha ite a’rfêna om no ni. Khasikin, eini khomin irdin a nang a ni.

4:3 Ei ni a iamhai chu..... irngamnaa khan ei ilût mai a ni:

Tianlaia irngamna ram chonginkung Kanan chu atuna iamtuhai irngamna entirna a ni. Hi irngamna hi iamtuhai lungrila irngamna a nia; atuna Jisua Krista iamtu murdihai chu kha irngamna kha an ilût mai a ni. Ei irtha le lungril chu Krista-ah khan irtharngam takin a irngam mai a ni.

Iamtuhai irngamna hi lampui chi hnin hrilfia thei a ni:

1. Jisua Krista-ah iamtuhai lungril irngamna a ni. Mihriam lungrila irtharngamna le sôlchanna nei ngai loi chu Reng Jisua a hong iam tena chu Krista-ah khan irngam taka irtharngamna a hong ichang thei ngai a ni.
2. Vana roipuina hmuna irngamna a ni. Kha kha Van Kanan ram ei ti ngai kha a ni. Jisua Krista iamtuhai vai hin an chang theia, Ama iamtu-

sintho ngaisak mahai, an tukullianna le thuoinona sikin Kanan ram lutna hranga an ilût hei ta loi a ni. Kha ang khan, atuna hin Pathian Thu ngaiksakloihai chu Van Kanan rama khan lût thei no ni hai.

3:12 Pathian hring kha hnungsong hrangin: Bible-in Pathian chu a hring a ni ti inhriat theina hrangin lampui tamtakin inhriattirna pêk a ni (Joh.3:10; Jer. 10:10). Israel-hai Pathian hring kut hnuiaia om an nih ti a inhriattir nôk a ni.

Iamlaina lungril sual: Israel-hai khan Pathian lungthungna le a sintho murdi kha an iam nuam no sikin, an irngamna hrang Kanan ram an ilut thei ta loi a ni. Iam loina hi sual tinreng bul a ni, a ra chu hlosamna a ni. Pathian hring maksana iam nuam loina hi ‘lungril sual’ a iti chu a ni. Eini iamtuhai ta hranga irdinna a ni.

3:13 ‘Avuan sôn’ ti hi ‘atun dam sùng’ nin la hman thei sùng irthorir-sak mai hrang tina a ni. Kha khela, a omzia dang nôk chu Pathian hê inhriat thei a ni sùng, a nuamtuhain lampui a’rhong mai tina a ni.

Ni tina irthor irhlôm mai roi: Irthor irhlôm hi Kristianhai mason theina tak inkhat chu a ni. Koiindanga hin hi irthorna hih tho mai ngai hrangin Pathianin a inkung a ni.

Sual huangna sika: Sual huangnaa ti hi Pathian Thu inhriat chaka hnung tianga la kira, zôm nuam loina hi a ni. Pathian hring kirsan tiang fena a’rkok sa a ni. Pathian hringa iamna bul det nei loihai ta hrangin chu sakhuana miluia kir nôkna a tam thei; khasikin, kha anga mihai laia khan irdinna hrangin a ihriat a ni.

3:14 A mong dena intûk indet: Hi taka ‘a mong dênâ’ ti hih ei hringna mong ten, manih; ei hring sùng, ti manih; zoro la hong om hrang manih, tina a ni. Israel-haiin Tuipui sen an irkana khan chu an tho insa oka, Pathian saninzokna an chang sikin a san an lôm; khasikin, Pathian inpakna hla khom an sak (Exod. 15:21). Khannisian, intakna, tuiinhralna le phingchamna an tokin chu Pathian le an hruaitu Mosia chungna an nuar ngai a ni. A mong dênin Pathian Thu an oino sikin, irngamna ram Kanan ram chu an itung phâk ta loi a ni.

Krista le Pathian satvurna dong hranghai ei ni ta: Hi thua hin iamnaa Krista leh ei rizomna, pumkhata siam ei nizia thu a hril inlang a ni. A thu omzia chu Pathian hê inhriat maia a Thu zôm nuam loi hrang ang ni ta mak me ah, Krista neituhai, zomtuhai ei ni ta, tina a ni. Kha angin, Ksrista leh irzomna neia pumkhat eini takin chu, Krista hringna kha ei nia hi a inlang mai hrang a ni.

3:15 Avuan sùnnin milung inngar no roi: Hi thu hih Sinai ramchara Israel-hai an om laia thuhriina kha a ni. Kha lai khan, Pathianin an kuanga lungthungna roinpui inlangin, thil irkhel tinreng a tho khomin, Pathian hring ngaisak mahaia, a hê an inhriat mai khomin oi nuam ngai ma haia; khasikin, Pathian khom an innuartir a ni. An milung khom a ngar khak a ni. Hi Israel-hai lungril irput angin ei om lolina hranga irdîn hrangin Hebrai lekhathon ziaktu hi a ihril a ni.

3:16 Inhriat hnunga tehel zong: Mosia hruaina hnuiaia Israel-hai khan Pathian Thu an inhriat hnunga khom khan a Thu oi nuam loiin, an lungriila su-alna a om maia, Pathian le an hruaitu makunga tehel an zong ngai a ni. Pathian lungthungna roinpui an inhriata, Pathian nuam lam le nuamloi lam an inhriat tak hnung khomin Ama nuam loi lam an tho maina hih an innuartirna a ni. Kha ang khan, Hebrai mihai khom Kristian an ni taka, itinreng inhriat tak an nia, an lungril hi sualna tiang a la oma, Pathian an la irheisanin chu Sinai ramchara Israelhai ang dên khan an la iom hrang a ni.

3:17 Kum somminli sùnga Paathian ning a inmur: Saltangna ram Aigupta ata suak Israel-hai kha kum 40 (somminli) sùng Sinai ramchara an om lai khan Pathian Thu oi loiin a chung a nuar tak sikin, Pathian a ning an mura, Kanan ram tung phâk ta loiin ramchara an thi tak a ni. Kha ang khan, Pathian Thu oi nuam loi hai ta hrangin chu an maton kha irhmangna a ni.

3:18 Hi irchang khom hih saltang suak nget kha an la ni. Anni hi Pathian Thu oi nuam loi an nia, thuoi nuam loi hih an sualna bul inkhat a ni. Irgamna hranga Pathian chong inkung chu Kanan ram ni. Khannisianlan, Israel-hai khan Pathian Thu an oi nuam no sikin, Kanan ram kha lût thei ta loiin an om ta. Hi taka hin inhriat chaka Pathian Thu oi nuam lolina hih tinreng inchnâna a ni, ti an lang.

3:19 Iamnona sikin: Pathian iamna hi a poimo tak le a hlu tak a ni. Pathian iamnona hi soal tinreng bul a ni, ti Israel-hai dinghmuna hmu thei a ni. Pathian an iam no sikin, a Thu khom oi nuam ma haia, thuoiloina kha soal tinreng bul a hong nia, soal man chu thina a hong ni tak a ni (Rom. 6:23). Israel-hai khan Pathian an iam no sikin, ramchara khan an thi zoi taka, A chong inkungna hmun (Kanan ram) chu an ilut phak loi a ni. Kha angin, Van ram tung theina lam chu Jisua Kristaa hin a nia, Ama iam no chu Van ram lût thei lolina a ni, ti

BUNG-4

8. Irgamna chu Pathian chonginkung a ni (4:1-11).

Hi taka irchâng hlop hih ramchara Israelhai khan thu zômnona sikin chonginkung irgamna an lût ta loi thu a hrila, kha Israelhai ngirhmun ata atuna iamtuhaia hin Pathian Ram lûtna hranga hril irkhina a ni ual tak a ni. Iamtuhaia irgamna thu a hril hi kuta siam loi vân rama irgamna thu a nia; Krista kuanga irpekhetna hih a tun damsung ngeta Ama-ah irgamna a irkôk a ni.

Irchang 1-11 sùnga thupui chu:-

- i) Pathian mihai ta hrangin irgamna chonginkung a oma, kha irgamna hmuna lût hrangin irdin a nang.
- ii) Pathian iamna nei loi mi chu Thu ringot irgaiin omzia nei mah.
- iii) Irgamna rama Kanan rama lût hnunga khom Pathian mihai ta hrangin irgamna hmun a la om mai a ni.
- iv) Irgamna nia irgam tak-hai ta hrang khom irgamna hrang a la om.

4:1 Irgamnaa: Hebrai ziaktu'n Grik chongbai (*katapausis*) hih a hmanga, hi chongbai (*katapausis*) ti hih omzia chi thum a om.

- 1) Pathian ata lungirgamna: Pathian ata lungirgamna nei hi a lian ual tak a ni.
- 2) Irgamna ram chonginkung (*the promised land*) Israel nâihai ta hrangin ramchar ata Kanan ram lût kha a irkôk na a ni.
- 3) Pathian irgam ni (*sabbath rest*): Pathian thilsiam tinreng a siam irfûk zoi tena sun ruk nikhuua a irgam kha a ni.

Kanan rama Josua haiin an lûta an irgamna ni loi irgamna dang inkung dang a om angin hril a nih; tianlai Koiindang masa haiin chu Josuan a hrualûta, irgamna Kanan ram chu an chang zoi taka, kha hnunga khom khan irgamna chonginkung a la om, kha iam lolina sikin chang phak loi hrang ichiom zia a ni ti a'n lang a ni. Khasikin, Pathian iamtuhaia hrangin chu irgamna ram a om maia, ei lut theino duaian ti hi irdinna hranga a ni.

Khasikin:- Israel nâihai kha Kanan ram (chonginkung ram) kha iam-lolina

Lungril ngaituana le tumnahai:- Pathian Thu chu tinreng inhriat zittu, lungril ngaituana murdi le tumnahai inhriat zittu a ni.

Hiang dora sinthothei a ni sikin, Thu zômloihai chu irngamna ram lût thei viat ngai ma hai.

4:13 Pathian chu tinreng siamtu a nia, thil tinreng a hmu zita, a'nhriat zita, a makunga ite thup thei ni mah. Pathian makunga chu tinreng an lang zita, tuten thu nei thei ngai ma hai. Khasikin, Ama kuanga ite thup thei ngai ni mah.

Pathian kuanga vaih hin ei thurchi intungna a nia, ei sik senga mani thurchi ei la insir hrang a nia; khasikin, Ama irnghata a thu ôi le iam hi ei thotum a ni.

10. Jisua- Ochai Inlal tak (4:14-16)

Jisua hi Pathian Nâipa a nina le a roiinpuina thu 1:1-5-ah ei hmu-a Ochai a nina chu bung 2:17 le 3:1-ah haia khan hmu thei a ni.

Hi irchang 4:14-16 sunga hin Jisua Ochai Inlaltak le roiinpu tak a ni zia inlang a ni. A tangpuia thupui chu:

- i) Jisua chu Ochai roiinpu le Inlal tak a ni.
- ii) Jisua Ochai Inlal tak a nina hi a danglam, midang changpuitu, sualna nei loi a ni.
- iii) Zarngaina le changpuina dong theina hrangin Jisua pan a nang.

'Ochai' ti omzia chu bung 3:1-na hrilfiana kha en ro. Jisua Ochai Inlal tak le roiinpu tak omzia chu-Tianlai ata Ochai inlal tak chu an oma; khannisian, Jisua nêka Inlal le roiinpu tak om mahai, ti a hrilna a ni. Inlaltak le roiinpu tak ti hi tinreng thothei, saninhringna pêk thei, sualna nei loi tina a ni.

4:14 Irvân fe tâk, Ochai Reng roiinpu tak:- Hi taka hin Judahai Ochai Inlal tak nêka Jisua Ochai Inlal tak a nina a hril inlang a ni.

Juda-hai ngaidanin irvân khi irchuan tam tak omin an be a. An pom dân tangpu chu-irvân khi irchuan thum le irchuan sari niin an iam a ni. Paula khomin irchuan thumna chu a hril (2 Kor. 12:2). Ei chung zela boiruak irzat tak khi Vân inkhatna an tia; Nisa, thahai le arsihai vârna hmun khi van inhnina an tia; vân inthumna khi Pathian omna hmun, tiin an iam a ni. Jisua chu irvân murdia lei fê tâk ti a ni sikin, irngai inhlu ôm tak a ni.

Juda-hai sakhua biak dana Ochai Inlal takin kumtin ran thisen choiin Temple-ah Hmun irthiang tak a lût ngaia; Jisua, Ochai Inlal tak rêk chu irvânhai

Ki ningmurna....Heb. 3:11-ah hrilfia a ni. Israel-hai khan ram chara an om lai khan Pathian an iamzoino sikin Pathian chu a ning a'nmur tâk a ni. Khasikin, Israel-hai chu Kanan ram irngamna an ilût ta loi a ni, atuna iamtu hai chu Jisua Krista iamna sikin Rengpa-ah khan irngamna hmuna ei irngam mai a ni.

Irngeng le irvan irsiang phutaa izoi tâk...

Hi thu omzia chu iamtu hai irngamna hrang chu irngeng le irvan irsiang phut ata Rengpa'n a siam zoi zit tak a ni. Khannisian Israel-hai chu iamnona sikin irngamna ram tung phak thei loiin an om ti a hrilna a ni.

4:4 Kho hmuna mani sîn sari ni'n chu: Hi thu hih Genesis 2:2-ah irngamna thu kha a ni. Pathiannin sîn ruk sînga sin a tho zoia, sîn sari ni (Sabbath) irngamna thu hrilna a ni. Khannisian, hi taka irngamni hi chu Pathianin "ki irngamnaah khan lûtno nihai", a ti hi chu ni mah.

'Ki irngamna' a ti hi chu iamtu hai irngamna a ni, Pathian an iam sika a lungril irngamna hrang a ni. Gen, 2:2-ah Pathian irngamna ti khan iamtu hai irngamna hrang hi a entirna vaih a ni, iamtu diktak chu taituana irngamna tak a ni.

Pathianina sintho murdi a'r ngam ta: Gen. 2:2-ah Pathian irngamna ti hin a thilsiam sinthona bulpui tak a zoia, a enkola, sîn sari ni arngama, a lomna thu a ni (Gen,1:31) A omzia chu Pathian chu a sôl sika a'rngam ni loiin, iamtu hai irngamna thu hi Pathianina a phut ata a inkung sai a nia, Pathian ngei a irngam angin a mihai ta hrangin irngamna a inkung a ni. Hi taka Nisari (*seventh Day*) poimona ni loiin, irngamna chonginkung om chu a dikzia entirna a ni. Hebrai ziaktu'n Kristianhai lungril irngamna, hi rammual

4:5 Ki'rngamtirna hrang rama khan lût viat no ni:

Pathianin rammual le thilsiam murdi a siam zoia, sîn sari nia a sinthona ata a'rngama. Kanan ram irngamna thu a inhritir na a ni. Kha ram inkung Kanan ram kha Israel nâihaiin an lua hnunga irngamna dang a la iti hi chu irngamna chonginkung dang a la om ti inhriat thei a ni. Reng Jisua Krista iamtu hai ta hranga kumtuanga irngamna Vana irngamna chu a ni. Khasikin, iamnotuhaiin chu kha irngamna khan lût viatnonihai ti thu a hrilna a ni.

4:6. Mi dang la lût... a la i-om a ni.

Tianlaia Israel mi tamtak haiin thu iamloina sikin irngamna ram inkung Kanan ram lût thei loiin, ramchara khan an thi zoi tak a ni. Mi dang senkhat thu ôihai ta hrangin chu irngamna chonginkunga khan lût theina hrangin a la om mai a ni. Tianlaia mihai khan thu ôiloina sikin irngamna ram lût thei ma haia chu thu ôihai ta hrangin chu lutna hrang a la om mai, ti a ni inhril a ni.

4:7 Davida hmangin.... Hi irchâng hi Sam. 95:7,8 ata lak a ni.

Israel-haiin Kanan ram irngamna an lût hnunga kum 500 vêl zoia, reng Davida khan irngamna thu hi a la hril mai sika hin hnuai Kanan ram ni loi, taituan irngamna ram chu thuzômhai ta hrangin a om ti inhriat thei a ni. Kha taituan irngamna ram kha Van ram a ni thei sa a ni.

Kum tam tak hnunga: a ti hi Mosia hun ata reng Davida hun ten kha, Kum 500 vêl hunga tina a ni.

4:8. Josua'n mipuihai kha irngamna a lei i pêk: Josua'n Israel mihai a hruai inlutna Kanan ram kha irngamna famirkip ni mak ti a'n lang. Kanan ram vaih hi Pathianin irngamna chonginkungna ram ni sianlan chu, Josua hnunga reng Davida hmanga irngamna thu hi a ihril loi hrang a ni. Khasikin, Davida hun laia Pathianin irngamna chonginkung chu ' avuan sîn' tiin a lei ihril tak a ni. Kanan ram chu entirna-a lâk a nia, Van Kanan ram, taituana irngamna ram chu Pathian inkung saihi a om mai ti irhmutir a itum a ni.

Sam 95-ah Irngamna ti hi Hebrai chonga '*memuha*' a nia; Gen. 2:2-ah irngamna ti chu Sabbath a ni. Hi taka irngamna a ihril tum tak chu 'Kanan ram' ni loiin kumtuang ei irngamna *memuha* a ni.

4:9. Pathian mihai ta hrangin ...irngamna kha a la i-om mai a ni.

Juda-hai irngamni (*Sabbath*) Sun sari ni hi chu a ni. Kha Sabbath kha Pathian chonginkung irngamna chu ni ual mah. "Pathian mihai" irngamna a la om mai ti hih, Rengpa Jisua Krista om, Irtharngamna sip Van hmun a omzia a entir a ni.

4:10 Irngamna-ah lût chu ... irngam a ti: Genesis-ah zia angin Pathiannin a thilsiamhai chu sun ruk sungin a zoia, sîn sari ni chu a'rngam ang kha a tuna iamtuha khom hi ei sinthona le ei buainahai maksanin ei la irngam hrang a ni.

Kha irngamna kha Pathianin rammual le a sunga thil omhai a siam zoia a irngam ang kha ni a ta, hiang hin tarlang ei ti.

1. Taksa sinthona le sôlnahai ata irngamna a ni. Mi tukhom Pathian irngamna a chang takin chu taksa sinthona le sôlna buaina tinreng a irngam san ta hrang a ni.

2. Pathian irngamna chu Vana irngamna ang kha a ni. Mihriam lungril buainahai, lungkangna hai ata irngamna a ni. Khasikin, Pathian iamtuhaian hi hnuai rama sinthona an maksan zoia, 'Van Kanan ram' Pathian irngamna an lût hrang a ni. Kha, taituan irngamna kha Thup. 14:13-ah a hril ang kha a ni.

4:11 Hebrai lekhaton ziaktu hin iamtuha chu irngamna rama lût hrangin a san irnak song hranga a inthona thu a ni. Israel nâihai kha irngamna (Kanan ram) lût hranga chonginkungna nei saihi kha thu zômloina sik le Pathiana tehel an zong sikan an ilût thei loi chungchang kha entirna a pek a ni. Khasikin, Pathian iamtuha chu taituana irngamna rama lut hrangin sa taka irnak song hranga fuina a ni.

9. Pathian Thu hring zia le sinthotheizia (4:12-13)

Irchâng 12 le 13 sunga thupui chu:-

i) Pathian Thu chu a Hring a ni.

ii) Pathian Thu chu sin a tho thei.

iii) Pathian Thu chu a ngaia, lungrila ngaituana le tumna hai a'n hriat

zit

thei.

iv) Thil tinreng hi Pathian makunga thup ite omthei mah, inlang phar a

ni.

4:12. Pathian Thu:-Hebrai mihaiin "Thu" hi a sân a irngaiinhlu ngai a ni. Asan chu Pathinin a Thuin rammual le thil tinreng siam a ni (Gen 1). "Pathian Thu" ti hin a hriltu mizia, nina, omdan le nun dan tinreng a irkok zit a ni. Khasikin, Pathian Thu ti hin a nuam dan, a thiltum le a lungril a irkok zit a ni. Thuthung Lui lai kha, Pathian hmel hmu thei no hai khom sian a 'Thu' khah sinthotu a ni.

Thuthung Thara hin 'Thu' chu Grik chongin '*Logos*' ti a ni. Grik mivâr Philo-a kha Pathian Thu (Gk. *Logos*) chu thil siamtu/inomtirtu angin a hrila; Philo ngaidan leh khom hin a irmil a ni. Thu Grik chonga (*Logos*) ti hi, Jisua Krista a hrilna a hong ni ta. Thuthung Luia Pathian Thu kha Thuthung Thara chu Taksa a hong ichang tak a ni. Pathian Thu Taksa zuang chang ei laia om Jisua Krista kha a hong ni tak a ni (Joh. 1:1-14) en roh.

Pathian Thu a hringa:- Pathian Thu chu hring mai le om mai a ni, tiin Peteran a hril (1 Pet. 1:23). Pathian Thu hringna neiin, Thuthung Luia thil siamtu a nia (Gen. 1:1-31), Israel irchihai kuang thu a hrila, a tun ten hin ei kuang thu hriltu a la ni maia, hi rammuala ei laia Thu chu Jisua Krista-a a zuang inlang a ni (Joh. 1:14).

Thu chu sin a thotheia:-A omzia chu 'Thu' hi mi hring anga sinthei a ni. A thiltum le a ihrilhai puihlingtir hrangin a hrat mai a ni. Deipu Isaia hmangin Pathianin hiang hin Thu a hril. "Ki baia thusuak khom chanlamboiin kîr nôk thei ni mah, ki nuam lam chu a tho mai ngai, ki itirna kipa hlochuk a ti?" (Isai. 55:11; Jer. 23:29).

Khandaih hriam ngai tak: Pathian Thu sinthothei zia hrilfia nân khandaih hriam ngaih tak, a le tiang a chang tianga ngaih tak ang hin Pathian Thu chu a ngaih zia le sinthothei tak a ni zia a inlangtir a ni. Hringna le irtha

44 THUTHUNG THAR HRILFIANA

Irchang 5-10 sunga hin Kristianhai Ochai Inlaltak-reng Jisua a ni dan lampui chi hni'n a hril:-

- 1) Pathian inkung nget, Pathian Nâipa Jisua Krista hi Ochai Inlaltak nina cheltu a ni.
- 2) Mihriam dinghmun inhriatpui hrangin Ama nget hi mihriama a irzir a ni.

5:5 Krista khomin choiindomna kha ama ta hrangin la mah:-

Thuthung Lui ata Arona irchia Ochai Inlaltak sin chu miin manih nuam sika chang thei ngai ni maka, Pathian inkunghai vaiin an chang thei ngai a ni. Khaang khan, Jisua Krista Ochai Inlaltak nina khom hi ama nuam sika a irbel ni maka, Arona angin Pathian inkung a ni ti a hrilna a ni.

Nangma ki Nâipa ni ni...ni Pa ki hong ni tak:- Sam 2:7 ata lâk suak a nia, Messia chungchang a hril a ni. Pathianin “Nangma Ki Nâipa ni nih” titu nget khan Jisua Krista hi Ochai Inlaltakin a siam tak a ni. Hi irchang 5 le Sam 2:7-ah hin Pathian Nâipa Jisua chu Ochai Inlaltak a nina le Messia a ni zia a hril inlang uar a ni.

5:6 Hi thu hih Sam 110:4-ah lak suak a ni. “Melkisedeka” chu Bible-ah hin voi thum inlang a ni (Gen.14:18; Sam. 110:4; Heb. 5:6) “Melkisedeka” irhming omzia chu “Salem reng” tina a ni. (Heb. 7:1-ah Hril fiana en ro). Melkisedeka chu Pathian inchung tak Ochai a ni (Gen.14:18).

Hi taka hin Thuthung Thara Ochai Inlaltak Jisua Krista chu Arona irchihai anga Ochai ni loi, Pathian inkung a nia, Melkisedeka Ochai nina ang a nizia, a hril. Ama (Jisua) chu taituana Ochai famirkip a ni.

Juda-haiin Messia an sakei dan chi hni a nei:-

- 1) Israel-hai Messia, a omzia chu Messia Reng, le
 - 2) Arona irchia Messia, a omzia chu Messia Ochai Inlal a ni.
- Juda-hai laia hin Messia sabeituhai chi hni an om ti inhriatin, Hebrai ziaktu hin Jisua Krista chu Ochai Inlaltak le Reng famirkip a ni zia a hril tak a ni.
- Hebrai ziaktu hin Melkisedeka Ochai nina a'n langtirna san chu-
- a) Melkisedeka Ochai nina chu Arona irchi ata ni maka, a bing piala om a ni, a hmun lua noktu khom om mahai sikin “taituan Ochai” ti thei a ni.
 - b) Melkisedeka chu reng nina le Ochai nina famirkip a ni.
- Hebrai mihaiin Melkisedeka chu an ngaisang tak tak a ni. Jisua

HEBRAI HRILFIANA

Ei thurin hi intûk indet:- Hi taka ‘thurin’ ti hih imani? Thurin bulpui tak chu-Jisua Krista, Pathian Nâipa, Ochai Inlal tak, Irtanna hranga Hringa petu hi a ni. Jisua Krista iam hi kristianhai thurin bulpui tak chu a ni. Judahai sakhuaa biak le serna lama hin ite poimo ta mah, Jisua Krista hi ei ta hrangin a hlu tak le ei irngatna bulpui tak a ni, tiin Hebrai ziaktu hin a hril inlang a ni.

4:15 Hi irchanga hin Jisua, ei Ochai inlal tak hi Thurin bulpui le ei irngatna hnâr a nizia hiang hin a hril

- a) Ei hratonahai dem le hrem ni loiin, hriatpuitu le changpuitu a ni.
- b) Jisua hi eini mihriam anga irzir a nia, intakna le thêmna a tok tâka, ei innanghai murdi a'nhriat zit a ni.
- c) Sual ngaidam theitu le changpui theitu a nizia chu sualna nei loi hi a ni.

Thuthung Luia Ochai Inlal hai chu sualna nei an ni sikin, anmani sual thupha an choi ngaia, famirkip loi an ni. Pathian Nâipa Jisua chu sualna nei loi Ochai Inlal tak a nia, famirkip Ochai a ni, tarlang a ni.

4:16 Lungkhamna rengtoihmun:- Hi hi Pathian rengtoihmun chu a nia, a chung a toi chu lungkhamna neitu a ni sikin “Lungkhamna Rengtoihmun” ti a nia. Changpui innanghai changpuitu chu Reng Jisua hi lungkhamna Rengtoihmun toitu hi a nia, mi murdi hin pan thei a ni.

Hai takin pan ei ti:- Hai' takin ti hih Judahai sakhua biak dan milui sia le sâng maksan ngama, Krista tianga fe na a irkôk a ni.

Kha ang khan, Kristianhai khom sakhua milui maksan ngam le sual maksan ngama. Jisua Krista tiang vaih pan a nang zia hrilna a ni.

Reng Jisua Krista vaih pan a nang zia chu hiang hin tarlang a ni:-

- a) Pathian lungkhamna, zarngai le ngaidamna ei innang a ni.
- b) Changpuitu boiin hringthei ni mah. Jisua hi changpuitu nai tak a ni.
- c) Mihriam hi suala sip ei nia (Rom 3:9-12); ngaidamna le lungkhamna ei innang a ni.

BUNG - 5

11. Jisuan Ochai Inlal tak sin a changna (5:1-10)

Hi irchanga hin Ochai Inlal tak sinthona thu a ni. Juda Sakhua (*Judaism*)-ah Ochai Inlal sintho hi Judahaiin a san an irngai inhlu ngai a ni. Ochai boia sakhua chu sakhua dika an ibe ngailoi a ni. Hi taka hin Kristian biak dana Ochai Inlal tak Jisua Krista ei neizia le Juda sakhuaa Ochai inlal tak neka a roiinpui zia hi Hebrai kristianhaiin an inhriat theina hrangin a ihril a ni.

Bung 5:1-10 sunga thupui om chu:-

- i) Ochai Inlal murdi hi mihriam ta hranga inkung a ni.
- ii) Juda sakhua Ochai Inlal tak chu سوالنا nei anni sikin famirkip loi an ni.
- iii) Jisua Krista chu Ochai Inlal tak famirkip a ni.
- iv) Jisua chu Ochai Inlal tak hranga Dân thua inkung ni loiin, Pathian inkung.
- v) Juda Ochai thurchi chu:-
-Mihriam سوالhai sika irbolna le thilpekhai inhlan tu hranga inkung an ni.
-Ochai inlal tak khan ama ta hrang le mihai ta hrangin irbolna a'n hlan ngai a ni.
-Ochai inlal tak nina chu Pathian inkunghai vaiin an chang thei ngai a ni.
- vi) Jisua Ochai Inlal tak a changna hi mania a ichang ni maka, Pathian inkung a ni.
- vii) Reng Jisua Ochai Inlal tak chu thu zomna neiin, mani thisen hmanga irbolna neiin, Kros-ah thi rakin Ochai sin a tho tak a ni.
Hi irchang 1-10 sunga hin hlop hni'n thupui sen thei a ni-
1) Juda Ochaihai (Ch. 1-4).
2) Kristianhai Ochai Inlal tak (Ch. 5-10).

5:1. Ochai Inlal tak murdi:-

Dân taka chu Juda sakhua Ochai Inlal tak chu Arona irchi ata mi a ini nget hrang a ni. (Exod.29:9). PathianinArona chu Ochai Inlaltak ni hranga a'n kunga, ama irchihai khomin an dam sungin Ochai an hong ini mai hrang a ni. Khannisian, inhnunga chu Mosia dân ngaisak loina hun a hong oma; Rom sorkar thuneina hnuai a om laiin sum-puan hai leh khomin kha Ochai dinghmun kha an irchôk

tâk a ni (II Mak. 4:7; Josh. Ant. 15:3.1) Rom sorkar lam tianga kop ualhai len vanghaiin chu Ochai Inlal nina an irnghil a nia, ding hmun irsâng le mi lian changtum angin an irngai a ni. Reng Jisua an chel laia khom khan Ochai Inlal

Irbôlna le thilpêkhai:- Irbôlna le thilpêkhai hi-ran le fâk chi nei-nun a nia, kha kha, irbôlna hranga an ihmang ngai a ni. Lomthu hrlina irbôlna chi dang dang le ran le soal irbôlna thil irhlan an ni. Khan, Irtanna Ni (*Day of Atonement*) hranga an hmang irkop sa ngai a ni.

Sualhai sika:- Sualhai sika ti hi a huap irzat ok a ni. Thu zômloina, dân insiatna, sin insiat thona, Pathiana tehel zongna, uirena le a dang dang ti huap a ni.

Mihriamhai laia irthoka phun an ni:- Pathian sin hi sa tak le dik taka sin thei hrangin mihriamhai laia ata phun an ni ngai a ni. Ochai Inlaltak chu Pathian le Mihriam kongkara palai ni hranga Pathian inkung a nia, mihriam laia serhran bik phunindet an ni ngai.

5:2. He inhre loihai le an سوالhai chungha....:- Mihriamhai lai ata Ochai Inlal changtuhaiin mi intohai, ite inhre loi mihai, mi سوالhai, lampui chaninvaihai an inrenhai ngai a ni. Anni nget khom mihring hratrona nei an ni sikin, mi سوالhai le mi hlosamhai chungha za'rngaitheina an nei ngai a ni. Khaang khan, Jisua Krista khom a mihai dinghmun le hratronahai a'n hriata, a lungin khamhai ngai a ni.

5:3. Khasikin:- Ochai Inlaltakhai hi mihriam an nia, famirkip loi an ni sikin tina a ni.

Sual irbôlna ...an mâni ta hrang khomin an inhlan nget hrang:- Mihriamhai laia inthang suak Ochai Inlaltakhai hi mi famirkip loi سوالنا nei mi an ni sikin mipuihai soal le an mani سوالنا sika khan irbôlna an irhlan nget ngai a ni. An manih hi سوالنا nei an ni sikin mihai ta hrangin soal irbôlna an inhlan laiin anni ta hrang khom an inhlan sa ngai a ni, kha kha danin a inphut a ni (Lev.15:6,11).

5:4. Choiindomna dong nuamin tute Ochai Inlaltak chang thei ngai mah:- Ochai sin chu Arona hun rengata a tun tenah hin sin irsa'ng le choiindomna anga irngai mai a ni. Kha sin kha tute'n mani thua sin thei ngai ni mah. Pathian inkung le a ikoihai mi vaiin kêng an chang thei ngai a ni.

Arona anga Pathian inkung le koina dongtuhai ta hrang vaiin Ochai sin hi chel thei a ni. Arona thi hnunga a hmun lua hrang khom Pathian inkung laia mihriamin an inthang ngai a ni. Khan, inhnunga Rom sorkar thuneina hnuai a om laiin, sorkarin a nuamtuhai chungha hi Ochai sin hi pêk thei ni khom sian, Mosia Dânin chu a ihril loi a ni. Hebrai ziaktu'n sakhua dân hrlin lam angin a irngai a ni.

BUNG - 6

13. Puihling lam pan thu (6:1-12)

Bung-6-ah hin Kristianhai inthorna thu a ni. Hebraihai hi Thurchi Sa lei inhriat tâk an nina rengata puihling lam pan hranga fuina a ni. Hi taka hin iamna maksana hnung tiang kirnôk ichiom zia a hrila, Pathian changpuina'n malam pan zêl hrangin an ta hrangin sabeina irsang tak a inlang a ni.

Hi irchang 6:1-12 sunga thupui chu:-

- i) Pathian Thu bul A.B.Ch.-ah om mai ta loa, puihling panna (Ch 1-3).
- ii) Pathian Thu inhriat takhai ta hrangin hnungkirnok chu ichiom tak a ni (ch. 4-6).
- iii) Loimân thu leh irkhekin satna nei loi chu hâl irhmang ni a ti (ch. 7-8)
- iv) Pathian sin thona lama tak irtaina insua, iamna le tuangdiarna nei hranga hrilna (ch. 9-12).

6: 1-2 Krista thu bul: Krista thu bul omzia chu 'Krista nina' (Messia Thurchi) Thuthung Luia lei hril tak Krista entirna zit kha a ni. "Krista thu bul" ti hi English chongin chu - "*The Principles of the Doctrines of Christ*" A omzia chu "Krista chungchanga Kristian thuiam bulpui tak" tina ni.

"Krista thu bul hi Hebrai ziaktu'n 6 (Kiruk) a hrila, hi a hnuaihai hih an ni:-

- 1) Thina intung ngai ata irletna.
- 2) Pathian tianga iamna.
- 3) Baptisma
- 4) Kut irngatna.
- 5) Mithi thoinâkna.
- 6) Kumtuang roirêlna, an ni.

Hi hai hih Kristianna lungphum (*foundation of Christianity*) an ni sikin a poimo tak tak a ni. Hi point kirukhai hi Thuthung Lui-ah khom a poimoa, Thuthung Thara chu Kristaa khan a famirkip zit tak a ni. Khasikin ngainêp hrang ni mah.

Thu bul insir ta loiin:- Thuthung Luia lei hril takhai-sual irbolna, Ochai sinthonahai, Biak buk Irthiang takhai le deipu sin murdi hai kha "Krista thu bu" Krista (*Messia*) entirna zit a nia. Atun chu a takin Krista a

5:7 A taksa irput lai sînhaia:- Hi taka a hril hi Reng Jisua Krista a ni Jisua dam lai zoro, Krosa hembea a om mâna thu a hril a ni.

Jisua thina irthoka...khekin le ngena hai a neia: Hi irchang a hin Reng Jisua tuangna hai a irpêkna hai, Pa thu ôina a neizia le Ochai Inlaltak a nizia a hril inlang a ni. Pathian Nâipa a nia chu, thina khel thei loiin a oma, mania saninzok nêkin a Pa kuanga mittuin taka chongchai le khekin a ingen a ni. Jisuan 'A sân ki milung dûk a tong hraia thi hrang ang dorin kêng ki i om' (Mk.14:34). Kha khela, "Abba ka pa ! "... hi tuangna khilat hi ki kuanga irthokin ni khaipai pe roh...nangma ircham ni ri se" (Mk.14:36). Hi taka hin Jisua mihriam a nina le beidong tuangin Pa kuang a irpêk zia tarlang a ni.

A'rpekna sikin irngai pe'n a om:- Getsehmani irhuana Jisua chongchaina chu Pathian a chi sika irngai pek a ni angin an lang. Taksa thina hi loipai thei nimaka, Pathian nuam dan hi a irngai poimo tak a ni sikin "Keima ircham ni loiin, nangma ircham ni ri se (Mk. 14:36) tiin a hril. A ngenna hin ' Ki thu nir ngaitua ngai ti khom kin hriat, (John.11:42)" ti khom Jisuan a'n hriat. Pathian Thu ôiin a pa kuang hnina a ingen a ni. A chongchai hlochukna bul tak chu a pa ircham inneitira chongchaina neia hnena a ichang hih a ni.

5:8 Pathian Nâipa tak ni khom sianlan...thuzôm a irchu a ni: Jisua Krista chu Pathian Nâipa tak ni khom sian, inlal le roinpui takin om ual loiin, dengtheina tinreng tuangin, midanghai saninhring hrangin Kros-ah a thi tak a ni. Ama chu thi denin Pa pathian thu zômin a nun a hmang a ni.

Pathian Nâipa thu zômna a irchu dan eini ta hranga entonrua tak a ni. (Lk.2:40, 52)-ah ziaka khan Jisua chu a nâipangte rengata Pathian le mihriam inditin a om. A nu le pa thu khom a zôm mai ngai a ni (Lk.2:51). Jisua'n, "A ni tirtu nuamlam sin le a sintho zoi hi ki bu a ni" (John.4:34). Jisua Krista nuna irchuna a nang zia tarlang a ni.

5:9 Irkiptir a hong ni tena chu:- Jisua Krista chu mi sualhai saninhringna hrangin a tuanga, thi dena thu zômna khan a famirkiptir a ni. Pathian Nâipa Jisua hi mihriama zuang changin (Joh.1:14), dengtheina tinreng tuangin a oma, Krosa a thia, roinpui takin kaithoiin a om nokna kha a famirkiptirna tak chu a ni.

Saninhringna hnâr:- Reng Jisua nun, tuangna, thina le thoinokna famirkipna sika mihriamhai saninhringna a ni. Saninhringna hnâr chu Thuthung Thar irchutirna a nia, Jisua Krista a hin taituana Saninhringna hnâr a hong inlang tak a ni.

5:10 Melkisedeka anga kumtuanga ochai:- Melkisedeka thurchi inlangna bul tak chu Gen. 14:18-ah ei hmua, ìnchungtaka Pathian Ochai”ti ringotin a thurchi irziak a ni. Pathian Nâipa Jisua Ochai nina hih Arona irchia Ochaihai nêkin a’rsangzia hril na’n Melkisedeka om dan hi irkhina a hmang a ni. Melkisedeka thurchi hi bung 7-ah hrilfiana en roh.

12. Tûkna ata irdinna (5.11-14)

Hi irchang sunga thupui om chu-

i) Hebrai Kristian haiin puihling lungril irput mahai.

ii) Zoro sot tak hi Pathian Thuthung hnuaiâ lei om tak khom sian a bul

rêta (A B Ch) irchutir nang mai Kristian an la ni mai.

iii) Reng Krista felna thu hi dong zel hrangin hriatna le lomnaa irsepna a nang mai ngai.

5:11. Hi thua hin... Melkisedeka chungchang thu tina a ni, iam an oma, khannisian, Melkisedeka anga Krista Ochai Inlaltak a nina hrilfia chungchang thu a ni sikin Jisua chungchang thu kha a ni.

Hebrai lekhaton ziaktu hin Jisua chungchang thua hril hrang tam tak a neia; khannisian, Hebrai Kristian haiin irngaina tiang tuina nei mahai. Reng Jisua Ochai Inlaltak a ni dân khom inhrethei mahai, hrilfia an tak tiin a hril.

5:12. A zoro ngaitua’n chu:.. Hebrai Kristianhai hih iamthar mi ang ni ma haia, zoro sôt tak sakhua mi lei ni taka, iamtu an nina khom zoro sôt tak an lei ni taka, irchutirtu inruk an ni taka; khannisian, nâipangte angin an la om mai a ni. Kristian an ni rengata sûtin irchutirtu changthei an ni taka; khannisian, Pathian Thu bul rêt A.B.Ch. irchu dora nâipang kêng an la ini.

Pathian Thu bul rêt A. B. Ch. : - Lekha irchuna bul phutna tak chu *Alphabeth*-ah, A.B.Ch-ah bul ei phut ang hin Pathian Thua khom a bul rêt rengata irchutir nôk innang an nia, Iamna lama khom an duai ok a ni. Iamtu (Kristian) chu Jisua Krista a hong iamin, baptisma an chang takin chu chang nok ngai ta mahai, inhriatna le vârna lama a hong irsônin /a hong puihling mai hrang a ni.

Hebrai Kristianhai hi hrat loa hnungtiang an la om na san chu tam tak om thei a ta, a tangpuiin hihai hi ni a ti.

a) An hruaitu milui-hai an thi taka, hruaitu iamom an irsam a ni (Heb 13:7).

b) Kristian an ni sika hmusitna le dengthaina an tong (Heb 12: 7, 11).

c) An sakhua biak dân milui an la ngai sang nok a ni (10:26). Inkhôm khom

an maksan sa ngai.

Bu’nhrum:- Bu’nhrum chu mi puihling nêk ngai a ni angin. Pathian iamtuhai bu chu Thurchi Sa, Reng Jisua Thu hi a ni.

Irhnutui la’n nang keng nin ni:- ‘Irhnutui’ hi naitesenhai bu a nia, hi hih iamna lama la naipang ualhai le Kristian thu bul tak tak a entirna a ni. Naitesen hi an hong puihlinga an hong lianin chu irhnutui an maka, ulian a hong ni tika chu bu’nhrum hai an hong nêk thei tak angin-iamtu chu inhriatna lama, vârna le iamna lama hin a hong puihling zêl hrang a ni. Khannisian, Hebrai Kristian hai chu puihling pan thei mahai a tina a ni.

Paula’n Korinth Koiindang hai a demna chu... Irhnutuini nangni kin fâ inliana; atun ten khom bu’nhrum la fa thei mak chêi” (1 Korinth 3:2). A ihiril omzia chu Korinth Kristianhai kha irtha tianga hring ni loiin taksa mi tak takin an la om maia, an ngaidan le an nuam lam khom taksa lam thil a la ni mai tina a ni. Kristian nun chu a phut rengata irsôn zêl hranga hrilna a ni.

5:13 Tukhom irhnutui la’n nang chu ...nâite a ni:

Nâitesen irhnutui nêklai sia le sâ reng reng an la inhriat thei loi ang hin Hebrai Kristianhaiin Pathian Thu hring le thu ngâr la’n hre loi an nia; kha khela Pathian Thu le Mihriam Thu khom la theithak loi , inhre loi an ni.

Khan, Reng Jisua Ochai Inlal a nina khom inhre thei loi an ni. Thuthung Luia Ochai sin an lei pom taka; khannisian, Jisua tho dan chu inhre thei ngai mahai. Khasikin, Thuthung Thara Jisua Ochai nina pom thei loi chu mi puihling loi, irhnutui la nêk lai an la ni.

5: 14 Bu’nhrum chu ulianhai...hrang a ni: Ulianhai bu chu bu’nhrum hi a ni ual ngai a nia, kha bu khan hriatna a pêk ngai a ni. Kristian puihlinghai chu itinrenga det tak le hrat takin- lungril le ngaituana lama, iamna lam, inhriatna lama, insumtheina lama, sinthona lam tina dêt takin an om hrang a ni. Intakna le dengtheina laia khom Kristaa puihling mi chu Pathiana an iamna huap sûnga an in omtir zit thei ngai a ni. Kha anga mi kha bu’nhrum nek thei mi hai an ni.

thotuhaio, nangni inhre ngai ma ung, Ki kuang ata rot pat roi' a ti a n i (Mat.7:22,23). Krista iamtu laia hin hiang mihai hih an om thei ania, anni hai ta hrangin kir nokna zoro pek ni ta no nih.

6:6 An iamna mâk nôkhai chu....Pathian Nâipa...mualphoi an sak sikin: Maton tianga mihai ang kha iamtuhai laia om ta sian lan, Judahaiin Jisua Krista an hembe anga hembe noktuhai ning an ti. Kha anga mihai ta hrangin simna hrangin lampui om ta noni, tina a ni.

6:7 Irneng, a chung a rotui tâk ngai lei donga...: Kristian tak lungril chu irneng sa leh hin chongirkhek a ni. Irnenga hin van ruatuihai a dong hnungin râ sa an sua'n chu irneng sa a ni ti a'nlanga, irngaiinhlutna a chang ngai a ni.

Khaang khan, Kristian khomin van thilpek tam tak an dong hnunga ra sa insua chu Kristian diktak a ni ti inhriat thei a ni. Ra sa insua loi chu a tak a ni loi zia a'nlanga, irhmang ang a ni.

6:8 Irling le hloi a'n suaktirin...: Irneng hin ruatui tam tak a dong hnunga khom thil sa insua loaia, irhling le hloi sülhai vai a'n sua'n chu a satloizia a inlang a nia, paiin a om mai ngai ani.

Kha ang khan, Kristianhai khom van thilpek tam tak irtema, an dong hnunga ra sa an insua no'n chu, an tak loizaa'nlanga, chanlamboi a ni. Kha ang mihai chang tum hrang chu khomak sâm in om an ti, inhnunga chu hâl irhmangin om an ti.

6:9 Khannisianlan, rual lungthunghai:- Irchang 4:8-ah khan iamna maksan ichi a omzia a hrila; hi taka irchanga hin chu iamtu hnung tianga kirhai, iamna maksanhai ang an nia, iamno thurin abul a hong phut thar nok tâk a ni.

Nangni chu satvarna sa... Pathiana iamna maksan ichi a omzia thu hril khom inlan, nangni chu a thi laia khan omin iamna neia, dinghmun sa uala ngira, satvarna donga, saninhing nin nih hi kin iam nget a nia, hi thu hih irdinna hranga fuina a ni.

6:10 Pathian chu felloi ni mah, Ama ta hrang sin nin ithohai... Hi irchanga hin Hebrai Kristianhai chu an sintho sa le mi danghai chung a lungthungna an inlangtir sikin a'n pakhai a ni. An sintho sa le lungthungna a an Kritian chanpui (tianlai chu 'Kristianhai' hi mi irthianghai an ti ngai) hmun danga mihai ta hranga an sintho Pathian irhminga an itho a ni. Kristian inrianghai an changpui maiin, Krisatian dengthei tuanghai an

Puihling lam pan ta ei ti: Hi irchanga a omzia tak chu Hebrai Kristianhaiin, Thuthung Luia deipuhai lei ihril ngai Messia Thurchi kha an lei inhriat zit taka. Thuthung Luia Sual irbolnahai; Ochai sinthona le a dang dang kha Jisua Krista hin a famirkip zit tak a ni sikin, kha, thu milui hai kha nang ta mah. Jisua Krista hi famirkipna (*perfection*) a ni ti ei hmu tak sikin ma lam pan maiin ei lungril tin reng Krista-ah puihling lam pan ei ti, ti na a ni.

Puihling lam pan hi lampui inhni a om thei a ni:

a) Iamnaa puihlingna:

Jisua Krista irnghata iam hletna a irkôk ual a ni. Krista satzia, lungthungzia, Van khua le tuia ni siamtu inhriat theia Ama iam

indetna a ni.

b) Sinthoa puihling: Koiindang satna hranga sinthona, takirtaina iamomna, Thilpekna midang lungthungna,

le ra

insua, hai hi a ni.

Krista thu bul a ti hi kiruk a hrila kha thu kha hiang hinhrilfiana a ni:-

- 1) Sinthona thi ata irletna
- 2) Pathian iamna,
- 3) Baptisma
- 4) Kut irnghatna
- 5) Mithi thoinôknahai,
- 6) Kumtuang roirêlna.

Krista thu bula la om mai irchutir nok nang chu (5:12)na hin ei ihmu puihling nina a ni sikin, Hebrai irchihai chu malam pan mai hranga fuina a ni. Hi taka Krista thu bul kirukhai hrilfiana chu a ni.

1) Sinthona thi ata irletna:- Sinthona thi ti hi, sintho mai, a mongna chu irhmangna la ni hrang ang kha a ni. Sintho soal ata irlet chu a poimo tak a nia. Thuthung Luia irchuna-a khom lei inlang tak a ni. Sintho ata irlet hranga irchutirna hi Kristian laia zoro sot tak irchutirna lei pek a ni ta, kha kha, A.B.Ch. thu a ni. Simna intungtirtu chu Krista a nia, Amaa Pathianin lungphum thar a ni pek tak a ni. Kristian puihlinghai ta hrangin chu irletna thu hi irchutir nang ual ta mah tina a ni.

Khan, Sintho thi a ti tak hi pentianga sinthona takna nei loi angin an langa, kha sinthona ata irletna chu Pathian Thu iamhai hi an ini hrang a ni.

2) Pathiana iam na: Pathiana iamna chu mani soalna maksana Pathiana irnghatna tak hi a ni. A bikin, iamnohai kuanga khan Pathian iamna thu hi irchutir a ni ngai (Sin. 20:21). **"Iamna"** hi Pathian Thu ôi hi a nia, miin iamna nei loiin chu Pathian Thu zômthei ngai mahai. Thuthung Luia khom hin

‘Mifel chu iamna’n hring a ti’(Heb 2:4) ah ei hmu.

Pathiana iamna ti hi A thu inpuangtu a Nâpa Jisua iam hi a huap a ni. Saninhringna bulpui chu Pathian iam hi a ni ti a’n langtir a ni.

3) Baptisma-hai: “Baptisma” chu Grik chong ata lak a nia, a omzia chu “irsilinfai” tina a ni. Hi baptisma hih Juda dâna a oma, Kristian dâna khom a om. Hi taka a ti chu Kristian baptisma thu a nia, iamnaa hringna neitu chu Kristaa irsilinfaia, irphumlutna inlangin baptisma a ichang a ni (Rom. 6:3-5).

Kristian puihling ni hnungin Baptisma nang zia irchutir mai mai chu a bul lam a la nia, Krista thina le thoinokna chu Jisua Krista-a khan Baptis-in ei i om zit tak tina a ni. Hi anga entirma nekin a i entir tak Jisua Krista chu pan le irngat hrang tak a ni.

4) Kut irngat:- Kut irngat hih Judahaiin a sân an irngai inhlu tak tak ngai a ni. Tian lai Kristianhai khomin an ngai poimo a ni. Kut irngat hi chithum an hmang ngai a ni.

- i) Damloi an changpuinaa kut irngat le soal irhlan le irbolnaa irsinsiana’n an hmang (Lev. 1:4; 3:2; 3:12, 13; 4:4).
- ii) Mi sat an vurna chung a kut irngat (Mk. 10:16).
- iii) Hruaitu hranga namindethai chung a kut irngat a ni (Num.27:18,23; Deut. 34:4).

Kha anga dân kha Reng Jisua le Apostle-hai khomin an uar ngai a ni. Khannisian lan, Jisuan baptisma a irchutir ang khan irchutirna pek mah

Hi kut irngat tho dân ni khom sian, hi vaih hi Pathian Thu-a ei irson-lianna lampui chu ni ual mah

5) Mithi Thoinokna:- Thoinokna hi Kristian sakhua thupui inlar tak a nia, Reng Jisua irchutirna a ni (Joh. 5:28,29). Thuthung Luia khom an-lang a ni (Isai.26:19; Dan.12:B) Judaha’n mithi thoinokna hi iam tak tak ma hai. Sadukai-haiin thoinokna hi iam ma hai. Mithi thoinokna hi Kristian irchutirna poimo tak a ni.

6) Kumtuanga roirêlna:- Taituana roirêlna. A omzia chu- “roirêlna, kumtuang khoma danglam nok ta loi hrang,” tina a ni. Thuthung Luia Juda-hai ngai dana khom thoinokna le roirêlna hih thil irzom a ni (Gen.18:25; Isai.33:2). Thuthung Thara irchutirna khan Kristaa Pathianin roi ni rêl peti ti hi a irchutirna lian chu a ni. Daniela 7-ah taituana roirêlta hrang a hril kha ei Rengpa Jisua Krista chung a irbel a ni (Mat. 25:31; Joh. 5:22,27).

Hi thuhai hi ei pom indetin chu a iruk tôk a nia, hril inliana a danglama fe pui loi hrang a ni.

6:3 Pathianin sa a tiin chu:- Hi chongbai hih Kristian lungril irput dân chongbai sa tak a ni. Sin ei tho tin reng hi Pathian nuam dân le a sa a ti dân ngaitua ngai hrang a ni. Ei sintho tum murdi hi “Pathianin sa a ti’n chu ti hih zoro tina hmang thei inlan, chongbai sa tak a ni. Jakoba khomin “Rengpan sa a tiin chu” a ti angin (Jak. 4:15).

6:4-6 Iamna maksan chungchang a ni:-Hi irchanga a hril hih mihriam dinghmun dang dang, iamna makhai chungchang a hril. Hebrai ziaktu hin iamtu hai nun chu hiang hin a tarlang:-

- i) Iamtu nun chu hnungtôl loa maton tiang fe mai hrang a ni.
- ii) Iamtu nun chu malam a pan zel nôn chu ata hrangin siaminsatna zoro om no nih.
- iii) Hnungtôl-haiin intakna an tok chu-an lungril invâr a nia, Van thilpek an irtema, Irthiang an chang taka, Pathian sinthotheizia khom an inhriat tah.

Kha mihai chungchang thu a hrilfiana chu-kanaan ram entuhai Josua le Kaleba vaiin an luta, mi danghai chu a ram satzia an lei inhriat khomin, an ilut ngam loi a ni. Pathian satna voi khat an lei ichang takhai thu hi toite’n hiang hin hrilfia ei ti.

1) Voi khat chu Pathian vâra om tak (ch.4):- Hi hih Thurchi Sa’n a invar takhai hrilna a ni. Hi thu hih baptisma leh khom a irang a ni. Miin baptisma a chang takin chu chang nôk hrang a ni ta no angin, Thurchi Sa invara om takhai hin an maksan ta loi hrang a ni, tina a ni.

2) Irvan thilpek irtem tak (Ch. 4):- A omzia chu Baptisma changtu le Rengpa Zan Bu Sakrament thua Jisua Krista irpêkna a taka chang-tuhai hrilna niin an lang. Kha vai khah ni loiin van thilpek dang - Simnahai, ngaidamna hai, Irthiang na hai, Iamna hai le Saninhringna hai a huam sa zit a ni.

3) Irtha Irthiang khom dongtak (Ch. 4):- Miin Irtha Irthiang ata sinthotheina le irlapna tinreng a dong ngai ang kha a ni. Kha anga Irtha dong takhai khah an siat nokin chu, sim nok thei ni ta mahai.

4) Pathian thu satzia le zoro la hong hrang...inhriat tak (Ch.5):- Pathian Thu chu itinrenga asa, a hring mai a ni (4:12).Kha thu satzia le dikzia inhriata, hmu infel tâkhai kha a ni.

“Zoro la hong hrang” ti hi a tun lai huna Thurchi Sa hun sung a ni theia, van tung denah hun hrang khom a ni thei sa a ni.

Hi a hnuai mihai ang hi ni ngeiin an lang “ei Reng Jisuan, Rengpa! Nirhmingin thu kin insira, nirhmingin ramirhlihai kin inhnot suak ngai, nirhmingin sinirkhelhai kin itho ngai loi ma ni?” la ti an ti. Kha zoiin chu, ‘Nangni thil soal

6:20 Jisua ei irthulin ei matona a lei lût taka:- Jisua Krista chu Vâna khom ei Ochai Inlaltak a nia, ei mahruaitu niin Vân hmun Irthianga a lei lût tak a ni. Taituana Ochai Inlaltak a nia, ei ta hrangin Jisua chu ei mahruaitu a ni.

Melkisedeka angin:- Reng Jisua chu Pathian a ni dan hrilna a ni. Jisua chu Melkisedeka om dan anga taituana Pathian a ni. Ama chu iamtuhai ta hranga taituan Ochai a nia, iamtuhai mahruaitu a ni.

BUNG - 7

15. Ochai Melkisedeka thurchi (7:1-28)

Bung 7-ah hin irchuna buk thumin sensai thei a ni.

- a) **Melkisedeka chu rêng le Ochai a ni (Ch.1-3).**
- b) **Melkisedeka roiinpuizia le danglamna (Ch.4-10).**
- c) **Arona Ochai nina famirkiplai (Ch. 11-19)**
- d) **Jisua, Ochai nina roiinpui bikzia (Ch.20-28).**

a) **Melkisedeka chu rêng le Ochai a ni (Ch.1-3).**

Bung 7:1-3 sunga thupui bik chu:-

- i) Melkisedeka chu Pathian Inchungtak Ochai a ni.
- ii) Iamnaa Pa Abrahamama lua khomin soma inkhat a pek.
- iii) Melkisedeka irhming omzia ata hin Rêng Jisua Ochai entirtu a ni.
- iv) Melkisedeka chu Jisua Krista entirna a ni.

7:1 Melkisedeka:- ‘Melkisedeka’ irhming omzia chu ‘**Felna rêng**’ (*king of righteousness*) ti a ni. Melkisedeka hi “**Salem khua rêng**”; tianlai Jerusalem khua irhming hi Salem a ni. (Salem chu Hebrai-hai chubai irbukna chongbai hoi ‘**Salom**’ (*Peace*)-irngeina, irtharngamna ti leh hin irkop a ni. Khasikin, ‘Melkisedeka’ irhming omzia chu ‘Felna rêng’ a nia, “Salem rêng” khom ti a ni (kha khah “Irngeina rêng”) tina a ni.

Melkisedeka irhming hi ei Bible-ah hin hmun thuma ei hmua:- Gen.14:17-24; Sam. 110:4 le Hebrai bu sênga hmu thei a ni.

Melkisedeka mihriam danglam tak a nia, ar-chi le nu-le pa khom a hril no sikin mihriam ni loi mani ti khom a ol a ni. Gen 14:18-20-ah khan a thurchi tômta a’nglang reng le Ochai chu a ni; ama neitu, a nu le pa, a hong irzirna le a thina hai khom ite inhriat ni mah. Bible-in a nu le pa’ a hril no sikin

ichangpuina chung a Pathianin an hriat mai ti a hril.. Mi dang chung a an sintho satna le lungthungna an inlangtir chu Pathian chung a tho a ni ti a’ n lang tak a ni. Mat. 25:40-ah khan Jisuan “Hi ki ureng chintehai laia inkhat chung a nin itho hi, ki chung a nin itho a ni,” tiin a hril.

Pathian chu felloi ni mah: Pathian chu mi fel a ni sikin, mihriamin mi dang chung a satna le lungthungna a’ n inlangtir reng reng hai kha Pathianin a’ n hriat zit a ni. An sintho satna le lungthungna chu an suirzom zit a ni. Kha an sintho satna chu inhriat maiin Pathianin lomman a ipek hrang a ni.

Pathian chu mihai sintho insa hi irnghil ngai loi a nia, lomman khom Pathian ata an idong hrang a ni. “Mitin an sintho ang zela pek hrangin ki loman ki kuanga a om (Thup. 22:12).

6:11 Nin itung a hong tung indik:- ‘Tungna’ hi iamna leh irkop khak a ni. A mong dena tungna famirkip nei hranga hrilna a nia, kha kha dam-sung hi a irkok a ni. Iamtu chu tungna le sabeina nei hi maksan loi hrang a nia, damsungna hranga a nia, takirtai taka om hranga inthorna a ni.

6:12 Iamna le tuangdiarna sika Pathian inkung hmuhai om dân:- Hebrai mihai hih takirtai taka om mai hrangin, tianlaia mi iamna le tuangdiarna sika Pathian chonginkunghai lei chang tâhai omdan a irhmu tir a ni. Kha mihai khah Hebrai bung 11-ah mi tam tak iamna sika inpâk hlô tâkhai irhming irziakhai kha an nia; kha iamna neihai ang khan Hebrai mihai khom omhai sian lan, Pathian chonginkunghai khah an la idong hrang a ni, a tina a ni.

14. Pathian chonginkung iam om zia (6:13-20)

Hi irchang sunga thupui chu:-

- i) Pathian chonginkung chu a puihling nget ngai.
- ii) Pathian chonginkung chu a zuang tung nget ngai sikin, a chonginkung dongtuhai kuang namindetna chongirkhamna a ti ngai a ni.
- iii) Jisua Krista chu ei ta hranga mahruaitu a ni.

6:13-15 Pathianin Abrahamama kuanga chong an kung:- Pathianin Abrahamama kuanga a chong inkung hi ama irchihai inpung hrang thu Gen 22:16-18-ah khan ei hmua. Pathian a iam indet khak sikin ama chu iamtu murdihai pa, ti a hong nita. Hi taka hin Pathian chu a chonginkunga a iamomzia entirnân Hebrai lekhaton ziaktu hin Kum B.C 1850 laia thurchi khah a ilak suak tak a ni. Abrahamama khan Pathian a iam indet sikin a iamna khan hlo chukin a om tak a ni.

Ama neka roinpui ualhai irhming:- Pathian roinpuihia hrilna a ni. Pathian chu a roinpuihia, chong a inkung chu a deta, ama neka roinpui ual tute an om no sika, Ama le Ama irkôkin chong an kung tâk a ni. A san chu ama neka roinpui ual an om no sika a ni.

Abrahaman Pathian thu inkung chu a iam indet khak angin Hebrai mihai khom Abrahamana ang khan Pathian satvurna an la idong hrang a ni.

6:14 Sat nang vur ki ta, irchi tam tak nang pe ki ti:- Pathian iamomzia ei hmu. Hi taka satvurna chonginkung chu-Abrahamana chu Putar ni ta khom sian, irchi nget la nei hrangin Pathianin chong an kunga, a chong inkung lam ang takin a hong tung tak a ni.

Irchi tam tak nang pe ki ti:- Gen. 22:17-ah khan “vana arsi zât le tuaia chiaï tam nekin nirchihai la`n pung ngêt ki ti.” a tia. Hi hih Abrahamana irchihai la hong tam hrang dan a hrilna a ni.

6:15 Abrahamana`n a tuang diar sikin Pathian inkung kha a ihmu a ni:- Abrahamana hi iamna nei tak a nia, hi taka hin a iam indetna sikin chong inkung chu a dong tak a ni. Abrahamana iamna a hrat dan le a hlochukzia chu hiang hin a ni.

1) Pathianin ram a la entir hrang lam pan hranga a koi lai khan Haran-

ah a oma, ama chu kum 75 mi a ni (Gen.12:1-5).

2) Khan Haran ram ata a suak hnungin kum 24 vêt chu ram bik khom

nei loiin a`rvak a`rvak maia. Kha hun sung khom khan Pathian

a

iam indet khak a ni (Gen. 17:1-6).

3) Abrahamana chu kum 100 mi a nia, a dongma Sari khom kum 90 mi a ni laiin Pathianin chonginkung chu a zuang fel thiai tak a ni. Mihriam sût danin chu nâi nei thei ta loi hrang a ni.(Gen.17:17-19). Khan, Abrahamana chu kum 100 mi a hong ni laiin nâipa Isaaka chu an hong nei tâk a ni. Ama ata irchi hong pungna omzia chu a hong inlang suak tak a ni.

4) A nâipa Isaaka suaknaa khan Pathianin a chonginkung danghai khom a tung mai ti a hong inhriat suak taka, Abrahamana irchi ata Messia a hong suak hrang thu a hong itûng a ni, kha sika vai khan a lôm ngai (Joh.8:56).

5) A nâipa Isaak chu hâlrivom thilirhlana hmang hrangin a tia (Gen.22:2). Pathian ihiril angin a nâipa irhlan hrangin a fea; khannisian, Pathianin a Nâipa Isaaka irthulin belrachal a pek tak a ni (Gen.22:13).

Hi taka hin Kristianhaiin enton hrang ei nei a ni. Pathian inhriatirna hnungkhôntak chu a Nâipa , Jisua Krista chu iam indet ngit hrangin ei nei tak a ni.

6:16,17 Khomâk irsâm:- Khomâk irsâm hi namtin laia a om a ni. Pathian ngei khomin Abrahamana chung a sintho tum chu a detzia inlangtir nân ama le ama irhmingin khomâk a irsâm a ni. Ei Reng Jisua`n mihriam haiin khomâk an irsâm ngai khom pom mah.Irvan salin sam no roi, irneng salin irsâm sa no roi (Mat.5:34-37). Kha anga khomâk irsâm kha a ipom loi a ni.

Thuthung Lui zoroa chu khomâk irsâm hi an tho ngai ti ei hmu (Gen.14:22; 21:23ff; 24:3). Khannisianlan, Thuthung Thara irchutirna chu khomâk irsâm hi a iphal loi a ni, Kristianhai inhriattum poimo tak a ni.

6:17 Khomâk irsâmin a indet a ni:- Mihriamin khomâk ei irsâmna san chu, ei irselna thu-ah ei iti kha a dik a ni, ti a fel theina hrangin ei irsâm a ni. Thuthung Thara, Reng Jisua irchutirnaah khan, ei iti kha a dik ti le a dik loi ti kha a ni zel tak a ni. Ite khomâk irsâm zel nang mah.

6:18-20 Hi irchanghaia hin hrilfia hrang poimo irsinsiana om hai chu hiang hin tarlang a ni.

6: 18 Pathian thil inhni a chonginkung danglam loi:- Pathian hih doi chi a ni loizia a fel theina hrangin thil inhni danglam thei loi a ti chu hihai hih an ni.

1) Abrahamana kuanga satvurna pek hranga a chonginkungna.

2) A chonginkung indetna hrangin khomâk a`rsâm.

Pathianin Abrahamana chu satvur hrangin a tia, kha satvurna chonginkung kha a idet a ni. Pathian chonginkung chu Abrahamana`n hmu irkip zoi no khom sian, iamna`n ala hmu nget hrang ti a iam indet a ni.

6:19 Kha tûngna kha ei hringnun hrangin thilkuaikim:- Irkuang hih phaivuapui le tuiirsokin an siat le a`n hring theina hrangin a hnuai tiang thilkuaikim an thung ngai a ni. Irkuang kha tuiirsok le phaivuapuiin a nok khomin sa taka chela inomtirtu chu ‘thirkuaikim’ khah a nih.

Kha ang khan iamtuhai irngatna hrang a nia. Pathian an iamna chu irkuang mihaiin thirkuaikim an hmang angin an hmang hrang a ni. Abrahaman Pathian a i iam indet angin iamna nâihai khan an irngatna chu Pathian vaih a ni.

6:19 Irvân biak In puanzâr:- Israel-haiin an Pathian an biakna “Hmun Irthiang Tak” an neia. Kha hmun sûnga khan ‘Thuthung bom’ a oma, kha khan Pathian roinpuihia chu a om (Bung 9-ah hrilfia en ro). Hi taka hmun Irthiang hi chu irnenga thil ni maka, Vân hmun Irthiang a ni. Hi puanzâr sunga lut hi ei Reng Jisua a nia, Vanah fe tak, ei Ochai Rengtak a ni. Ei Reng Jisua Omna in (Vân) a ni. “Reng Jisua thina le thoinokna khan iamtuhai chu hmun irthianga lût theina lampui a irhong tak a ni.

7:5 Levia irchihai laia Ochai changhai:- Hi irchanga hin Levia irchia mi Ochai sin thotuhai roinpuizia a tarlang a ni. Judahai Ochai sin cheltu chu Levia irchi an nia. Levia pa chu Jakoba a nia, Jakoba pa chu Isaka a nia, Isaka pa chu Abraham a ni. Khasikin, Abraham irchihai laia Levia irchi hi Ochai an ni. Dân dungzuiin Levia irchihai khan an urenghai kuang ata soma inkhat an lâk ngai a ni. Grik mihai le Ram danghai chu irdoinaa an râl lak thil rengata soma inkhat chu an pathianhai kuang an irhlan ngai a ni. Israel-hai chu an chimu tharhai kha soma inkhat hi kumtin an pek ngai a ni. (Lev. 27:21). Khan, Ochaihain an ureng hai ata soma inkhat an idong rengata soma inkhat, Rengpa ta hrangin an ipek nok hrang a ni (Num.15:21). Kha kha Pathian dâna lei om saih a ni.

7:6 Melkisedeka kha Levia irchi ni mah:- Hi taka Melkisedeka chu Levia irchi Ochaihain laia mi ni mah ti inlang a ni. Melkisedeka roinpuizia hi taka hin an lang. Abraham a ni irchibul satvurtu a nia, a kuang ata soma inkhat a donga; Levia irchia Ochaihain an irchi chanpui Israel-hai kuang ata soma inkhat an lak ngaia, roinpui an irti'n chu Levi irchihai, irchi pektu kuang ata soma inkhat dongtu Melkisedeka chu a roinpui ual ok a ni.

Pathian chonginkung hmutu kha sat a ivur a ni: Abraham a ni hin Pathian chonginkung chu a iama, kha a iamna chu a felnaa inkung a ni. Kha angkhan, mi iamom Abraham a ni chu Melkisedek'n sat a ivur a ni.

7:7 Satvurna dongtu nêkin satvurtu a roinpui ual a ni. Satvurna dongtu chu Abraham a nia, satvurtu chu Melkisedeka a ni. Abraham a ni chu satvurna dongtu a ni sikin Melkisedeka nekin a ichin ual a ni. Kha ang tak khan, satvurtu Melkisedeka chu a roinpui ual a ni.

7:8 A thi thei mihriamhai hin soma inkhat an laka: Levia irchi Ochaihain khan an urenghai kuang ata soma inkhat dongtu an nia; khan-nisian an thi ngai a ni. Bung 7:23-ah "thina sikin an om thei ngai no sikin," tiin a hril. Levia irchi Ochaihain chu midanghai nêkin an roinpui loizia chu an thi nok mai ngai hi a ni.

A hring mai a titu'n... Melkisedeka Ochai nina chu taituan dena hrang a nia; mongni nei loi, hring mai a ni. Levi irchihai Ochai nina rek chu taituana ni maka, an ni aiotu an inkunghai khan an hmun an hong ilua ngai a ni. Abraham a ni soma inkhat a pekna rêk chu taituan hrang a ni. Kha kha hringmai Ochai, Melkisedeka a ni. Hi hih Rêng Jisua Ochai nina leh a'rang a ni. Hi thu

Bible-ah an lang dan tarlang ei ti-

Gen 14:18-20-ah khan Melkisedeka chu Salem reng, Pathian Inchungtaka Ochai a ni. Abraham a ni chu sat a vura, Abraham a ni chu itinrenga soma inkhat a pek a ni. Sam 110:4-ah khan "Nang chu Melkisedeka Ochai nina ata zuang suiin kumtuang Ochai ni nih" tiin irziak a ni.

Hebrai lekhathona hin ei tepin chu Melkisedeka hi Pathian mani ti thei angin an lang. Ei Bible-ah hin ama chu Salem rêng le Ochai a ni ti thei a nin hril. Salem rêng ti omzia chu Irngeina rêng tina a ni. Hebrai lekhathon ziaktu hin Melkisedeka Ochai a nina hi Rêng Jisua Ochai a nina leh chongirkheknân a hmanga. Thuthung Lui-a Levia irchia Ochai nina nêkin Thuthung Thara Ochai nina inchung ual le roinpui ual zia inlangnân Melkisedeka Thurchi hi a ihril a ni.

Melkisedeka roinpuina le Rêng Jisua Krista roinpuina chungchang thu-ah khan Abraham a ni soma inkhat chu Melkisedeka a peka. Khan, Melkisedeka'n Abraham a ni chu sat a vura, satvurtu chu satvura om nekin a roinpui ual a ni. Levia chu Abraham a ni la hong sui a nia, hi taka hin Rêng Jisua Ochai nina chu Levia irchihai Ochaina nêkin a roinpui ual a ni.

Salem rêng:- "Salem" hi khu a irhming a nia, a omzia chu irngeina (*Salom*) a ni. Khasikin Salem rêng chu irngeina rêng tina a ni. Senkhatin Salem hi Jerusalem khu a ni tiin an iama; senkhatin chu Sekem khu a ni kôla "Salem" khu a ni an iam a ni. Mi senkhatin Jerusalem chu Jebus ti ata an lak niin an iama; Jebusite namhai khu a irhming a ni. Khan, Jerome damlai huna khan Salem khu a ni Seythopolis khu a sim tianga khu a ni, an ti. Akhua chu kho a khom om sian lan, a omzia chu danglam ual mah. Ei nin chu hi taka "Salem" ti hi Jerusalem a tina angin ei pom tak a ni. Melkisedeka chu Jerusalem rêng a ni ti ei pom tak a ni.

Pathian Inchungtak Ochai:- Gen 14:18-ah khan hi irhming hi phua a ni. Tianlai khan insungkua khata Pa tak hin Ochai sin an tho ngai a ni. Kha ang khan Melkisedeka hi rêng a ni sikin, insungkua khata Pa tak a nia, rêng le Ochai sin hi a sin irkop a ni. Khan, Abraham a ni khah Kaldai rama a oma, kha laia khan Pathian Inchungtak inhriattu chu Abraham a ni vaih a niin a'ng lang. Khan, Kanan rama khom Melkisedeka hih Pathian inhriat mi, Pathian Inchungtak Ochai a oma; ama chu rêng le Ochai a ni. Insungkua hruaitu takin roirêltu nina le Ochai sin a sin irkop a ni. Kha sika khan Abraham a ni khomin soma inkhat a pek a ni.

Abraham... a hong tiang Melkesedeka, 'n artongpuia, sat a vur:

Abraham a ni le Melkisedeka an irhmu dan toitên inlang ei ti. Abraham a ni

chu sala an hruaihaia, Abrahamana tupa, Lota khom hruai a ni. Khalai khan Abrahamana, chu Hebron kola Mamre hmuna a om , khan Lota thurchi a lei inhraiatin chu a siahlo mi 318 leh an va irjul hai taka. Amasataka khua kola an va tok haia, an doia an in hne tak ani Kanan reng inthum haiin Abrahamana, chu an changpuia hnena an chang tak a ni. Khanchu, an rallak hai le sala an iman mi hai murdi chu an irchupui hai zit tak a ni. Kha rengatah an hong kir nok tiang Salem reng Melkisedeka hin a lei don taka, ama hi Pathian inchungtak Ochai a ni Hi taka ‘reng minli hai inhne zoia’ ti hi Shinar leh Amrafela khan reng dang irkoppui inthum a neia an rengin Abrahamana’n an hne hai zit sikin Abrahaman reng dang minli hai inhne ti in an hril a ni

Khan, Melkisedeka hi Abrahamana chu sat a vur tak a ni (Gen 14:19,20-ah kha en roh) Sam 104:14-ah Reng Jisua chungchang thu an hrila “Khan Rengpa khan Melkisedeka om dan anga taituana Ochai ni nih,” tiin a hril.

7:2 Abrahamana’n thil tinreng soma inkhat a pek :-

Abrahamana’n a ral hai chu Melkisedeka kuanga soma inkhat a pek. ahlo chukna-a a loma a lomna chu Pathian sika a ni ti an hriata a pek a ni. Hi taka hin a lomna chu Pathian sika ni ti an lang a ni. Abraham hi thil pek dana entonrua tak a ni soma inkhat pek hi Pathian lomna chong inhriat hai thilpek a nizia an langinfel a ni.

Melkisedeka chu Abraham khomin soma inkhat a pek Pathian angin a en ti an lang. Melkisedeka chu satvurtu a ni, Abraham satvurna a dong. Khan, hi taka hin Livia chi Ochaina a om manin “Soma inkhat pek hi a lei om taka; khasikin soma inkhat pek hi Livia irchi ata pek dan bik a ni mah ti an lang. Reng Jisua hi Melkisedeka irchi Ochaina ata hong irzir a ni uala; khasikin, soma inkhat pek khom hi Krista Ochaina hnuai a an om zit hrang a ni ti an lang infel a ni.

7:2 Felna Reng (King of Rightousness)

Melkisedeka irhming omzia chu Felna reng tina a ni. A’rhming om zia chu “Ki reng chu Sidia a ni, tina khom a ni. Sidia hi Pathian tina ni a ti. A’rhming om zia hi Krista leh hin a ir ang mai a ni Reng Jisua chu Melkisedeka om dan anga Ochai a ni hrang thu ei hmu Khasikin ei reng Jisua chu felna reng ani .

7:2 Irngeina Reng (King of Peace)

Melkisedeka chu ‘irngei na reng’ a nia Krista leh hin a irmil a ni. Deipu Isaia’n Reng Jisua hong suak man daiah irhming omzia a hril chu Irngeina Reng (Isai. 9:6) a lei iti kha Melkisedeka Ochai khom in a lei irput a ni. Ei Rengpa Jisua Krista chu Irngeina reng ani irngeina siamtu bulpui tak a ni.

7:3 Hi irchanga hin Melkisedeka nina chu danglam takin ei hmu. Melkisedeka chu a’rchisuina zel nei mah (*he has no genealogy*), Pa nei loi, a irchibul khom irziaka om loi, nu nei loi, a irchi bul khom irziaka om loi, a suak ni le thi ni khom irziak om mah. Khan Bible-ah ei hmu dan angin, Melkisedeka irchi suina reng reng hmu hrang om mah. Khasik taka khan, Hebrai ziaktu hin-Pa le nu nei loi, irchibul nei loi, mongna khom nei loi, tiin a hril a ni.

Khan, Levia irchi Ochaihahi khan an irchihai a sui ngaia, Arona irchi niin an sut ngai a ni. Khannisian, Melkisedeka chu kha anga suina hrang reng nei mah. Hitaka hin Jisua leh an irangna a ni. Reng Jisua chu Juda mi a nia, Ochai ni hranga sui theina, irchineitu inlang mah. Melkisedeka chu Ochai irchi (Levia) ata hong irzir a ini angin ei Rengpa Jisua khom hi Levia irchi ni mah, Ochai ata ni loiin, Juda irchia mi a ni (Ch.14).

Pathian Nâipa angin Ochaiin:- Melkisedeka hi Pathian Nâipa tak tak a ni tina ni mah. Sam 110:4-ah Davida’n ‘ki Rengpa’ a tia, Messia chu Melkisedeka a ni sikin Ochai a nizia hrilna angin Hebrai ziaktu hin an ir-angna a ihril a ni. An ir-angnahai chu:-

- (i) An irhminga
- (ii) An Ochai sinna.
- (iii) Taituan hranga Ochai.
- (iv) Reng le Ochai sin irkopa sintho an ni.

b) Melkisedeka roiinpuizia le danglamna (7:4-12).

Heb:7:4-10 sunga thupui chu:-

- i) Melkisedeka chu Abrahamana nekin a roiinpuia.
- ii) Abrahamana satvurtu chu Melkisedeka a nia; khasikin, Abrahamana nekin Melkisedeka a roiinpuia ual a ni.
- iii) Melkisedeka Ochaina chu a hring mai a ni.
- iv) Soma Inkhat dongtu chu a roiinpuia a ni.

7:4 Abrahamana’n...thil tinreng Soma inkhat a ipek kha:-

Abrahamana hi Juda-hai irchibul tak a ni sikin, Judahaiin an irngai inhlua, a roiinpuia a ni; khannisian, Melkisedeka kuanga hin soma inkhat a pek sikin, Melkisedeka hi satvurtu khom a ni sikin a roiinpuia ual a ni.

Melkisedeka chu Levia Ochaihahi neka a roiinpuina san chu hiang hin a ni:-

- 1) Abrahamkuang ata soma inkhat a dong.
- 2) Abrahamana chu sat a vura. Hi taka hin Levia irchi ata Ochaihahi neka a roiinpuina san chu hiang hin a ni:-

- i) Rêng Jisua Ochaina chu a roinpui bik a ni.
- ii) Rêng Jisua Ochaina chu taituana hrang a ni.
- iii) Rêng Jisua Ochaina chu mitin a saninhring.
- iv) Rêng Jisua voi khat irbôlna khan a irzoitir zit a ni.

7:20 Pathian khomâk irsamna khom a om sa ta:- Hi irchanga a hril tum tak chu- Pathian Nâipa, Jisua Krista Ochai nina chu Pathianin khomâk irsâmna neiin aphun indet a ni (Sam 110:4).

Mi danghai Ochai...khomâk irsâmna kha om ngai mah: Levia irchia Arona Ochaina dân chu Pathianin ite khomâk irsâmin phun indetna om mah. Mosia Dân hmangin inkungna nei a ni (Exod. 28:1-5). Arona Ochai nina chang dân chu a thi hnungin a'rchihaiin an hong suiirzom zel ngai a ni. Ochai hrang chu hriak polin an phunindet ngai a ni (Exod. 40:15,16). Khannisian, Jisua Ochaina chu Pathianin a phunindeta taituana Ochai a ni.

7:21 Hi irchang hi Sam.110:4-ah lak a nia, a hriltum chu Arona Ochaina dân nêkin Rêng Jisua Ochaina a det ual zia a inlangtir a ni. Jisua Ochai nina chu taituan hranga Pathian piphunindet a ni, a roinpuiina tak chu khomâk irsâma phun indet a nina hi a ni.

A milung inchong thûl ta no nih: Pathian a nia, Pathian chu danglam ngailoi Pathian a ni. A Nâipa, Rêng Jisua chung a Ochai nina a irbel hi thûl nôk ta no ni, a tina a ni. Rêng Jisua chu Sam 110:4-ah zia ang khan, Nang chu Melkisedeka Ochai ata zuang suiin kumtuang Ochai ni nih, tia khomâk irsâma chong inkungna kha thûl ni no nih, tiin taituana Ochai nina chu a phun indet tak a ni.

7:22 Jisua chu thuthung sa ual inkungtu:- “Thuthung sa ual” ti hi Thuthung Thar’ hi a nia, mitin sainhringna hranga Thuthung kha a ni. hi Thuthung (*Covenant*) hi Pathian le mihriam kongkara thuthung chu a ni.

Thuthung Lui Dâna chu mihriamin dân a zôm irkip vaiin Pathian mit hmuin mifel a ni theia; khannisian, mihriam laia hin Dân zôm famirkip thei tute om thei mahai. Khasikin, kha Dân milui kha paih a ni tak a ni.

Atun chu Thuthung Thar Dân hi Rêng Jisua sikin a zuang i om tak a ni. Kha Dân thar khah ‘Inrenna Dân’ (*Law of Grace*) a ni.

“Thuthung sa ual inkungtu” hi Thuthung Thar vaiah hin a' nlang. Inkungtu ti hi ‘indettu,’ Rêng Jisua’n a thisena a indet tina a ni. Dân miluia chu Levia irchi Ochaiin ran thisenin an nam indet a ni. Inrenna thuthung chu Rêng Jisuan Ama thisen ngei hmangin an det tak sikin, Ama zara mi sualhai hi saninhringna lam a irhong tak a ni.

7:9 Levia, soma inkhat lak ngaitu khomin a pêk sa:- Hi irchanga hin Levia chungchang hrilna a ni. Irchi suina inlang danin chu-Levia pa chu Jakoba a nia, Isaka pa chu Abraham a ni. Mihriam sui danin chu Levia chu Abraham a tupa-a nâipa a ni. Abraham a’n Melkisedka kuanga soma inkhat a pek lai khan Levia chu a la suak loi a nia, khannisian, Abraham a irchi an ni sikin Abraham a takpum irzomna khan an iom hrang a nia; khasikin an pa sintho chu an itho sa thei a ni. Levia chu Abraham a irchia suak a ni sikin, a pu Abraham a soma inkhat a lei ipek chu Levia khomin a pek sa ti mai theina hrangin, a pu takpum irzomna ata om a ni tina a ni.

7:10 Levia kha ar chibul Abraham a takpum irzoma a la om mai sikin:- Levia hi Abraham a tupa nâipa a nia, Melkisedeka’n Abraham a ar-tongpui lai khan Abraham a takpum irzoma la om mai a ni (la suak loi a ni); khasikin, Melkisedeka’n Abraham a ar-tongpui lai khan Levia chu a chang sa tak a ni. Arziaktu hin thil lei tung saih tak angin a hril.

Melkisedeka roinpuiina le irsângna ei hmu murdi hi Jisua roinpuiina le irsângna hrilna a ni. Hi taka hin Hebrai lekhathon ziaktu hin Hebrai Kristianhai, an sakhua milui (*Judaism*) le an irchibulhai irngai kir nok nuamhai kuanga hin an hnung milui an irngai murdihai nêka Jisua Krista roinpui ualzia le hlu ualzia a inhiattir nuam a ni. Khan, Judahai inhriat inlar tak Melkisedeka om dan ata lakin a hrilfia tak a ni.

c) Arona Ochai nina famirkiploi (7:11-19):

Hi irchang 7:11-19 sunga thupui chu:

- i) Irbôlna dan chu indanglam nget a nangta.
- ii) Ochai danglam a zuang tunga, Irbolna danglam a zuang lut ta a ni.
- iii) Ochai danglam le irbôlna danglamin sabeina thar a iaom tak a ni.

7:11 Levi-hai Ochai nina hnuaiâ Dân...a sa irkip a ni’n te:

Levia chi rengata Ochai nina ata irsuizom zêl kha Ochai nina famirkip ni thei mah. Thuthung Luia Levia Ochai nina chu Dân thupek a ni. Hi taka “Dân” ti hi Levia irchi -a dân, irbôlna danhai a ni. Thuthung Luia hin dan (Mosia Dan) chi dang dang lampui inthum a om-

- 1) Thu sômpek (*Moral Law*).
- 2) Roirêl dân (*Judicial Law*).
- 3) Irbôl dân (*Ceremonial Law*).

Hi dân miluihai hi famirkip loi a nia, “indanglam a hong inang tak a

a hong ihmang tak a ni.

Levia chi Ochaina nêkin Melkisedeka Ochaina chu a roinpui ual a ni. Thuthung Lui dâna Levيا Ochaina dan chu thûlpaiin Jisua Melkisedeka Ochai dan chu a hong ilak ta a ni. Levيا Ochaina dan le Reng Jisua Ochaina dân chu irang loi tak a ni. Levيا Ochaina dân hi famirkip ni sianlan chu, Melkisedeka om dân anga Ochaina dân hi nang no nih.

7:12 Ochai ninaa khan danglamna a hong omin chu:- Hi taka indanglam nang “Dân” ipek a ti hi irbôlna dân (*ceremonial law*) a ni. Khi a chung a irchang 11-ah danpui chi thum-thu sômpekhai, Roi rêl dânhai le Irbôlna dân (*ceremonial law*) hi indanglam nang a ni. Thu sôm pek dânhai chu Jisua indang ual hliak mah.

Dân indanglam a nangna san chu Levيا chia Ochaihaiin anni ngei hi sualna nei an ni sikin, mihai sual irbolna irhlan baka anni ta hrang irhlan an innang ngai a ni. Kha anga Ochai dân kha paiin, Melkisedeka Ochai nina chu a’inthang tak a ni. Levيا chi dânhai chu Jisua Krista ta hrangin ite poimona nei mah.

7:13 A thuhai insira om ei Rengpa chu. Hi hih Reng Jisua a ni. Jisua chu Levيا irchi sunga zuang irzir ni maka, Juda nama zuang irzir a ni. Juda nam laia hin tute Ochai sin tho om ngai mahai. Khasikin, Jisua chu nam dang a nia, tiin a hril, Reng Jisua chu taituana Ochai a ni.

7:14 Ei Rengpa chu Juda nam:- Reng Jisua chu Juda nama mi a ni ti hi a hnuai irchanghai hin fel tak inlang a ni. (Gen.49:10; Isai. 11:1; Mika 5:2) Messia Davida irchia mi a ni (Thup.5:5). Messia chu Juda nama zuang irzir hrang thu a hrila. Khan, Messia chu Sam 110:4-ah hin Melkisedeka om dân anga Ochai hrang a ni ti a hril sa a ni; khasikin, Jisua Ochai a ni dân khom hi dân dang rêng a ni, ti a’nglang infel a ni.

Mosian...hi nam hi sam mah: Mosia dâna hin Juda nama mi Ochai nina hrang thu a hrilna om mah.

7:15,16 Melkisedek anga Ochai dang:- Levيا irchia Ochai dân chu a famirkip no siki, Reng Jisua chu Melkisedeka anga Ochai a hong ni tak a ni. Ama (Jisua) chu mihriam dân balam anga inkung Ochai ni loiin taituana Ochai, Pathian inkung a ni. Jisua chu taituana Ochai inkung a nia, Melkisedeka Ochai nina ang a ni. Ama (Jisua) chu mongni nei loi, sinthotheina Ochai, taituana Ochai Inlaltak a ni, kha kha Pathian inkung a ni.

7:17 Melkisedeka omdan anga kum tuangin Ochai:- Hi thu hin Sam 104:4-ah lak a nia; Jisua Ochaina chu Melkisedeka om dân ang a nia, taituan Ochai hrang inkung a ni zia hrilna a ni.

Jisua Ochaina chu Levيا chi Ochaina ang ni loi, ‘Sakeibaknei’ Juda nama mi, Davida Bulpui khan (Thup. 5:5-ah) ei hmu ang khan itinreng inhnê zoiin Levيا irchi Ochaina chu a inmongtir pai tak a ni.

7:18 Balam milui kha a hrat no sik le a hmangna boi:- A omzia chu Levيا chihai Ochai dâna irbôlna dân (*ceremonial law*) kha balam milui a nia, an hmang dân chu irhlîm, Krista irbôlna entirna mai mai a ni sikin a tak tak Krista a zuang zoia chu kha balam milui kha hrat ta loi le a hmangna boi a ni (pai a ni ta). Kha Levيا irchia Ochai dân milui kha a tak tak entirna vaia om a ni.

Arona irchi ata Ochaina dân, Juda-haiin an lei ipom ngai kha, Hebrai ziaktu hin a famirkip loi zia a hril inlang a ni. Paula khomin hiang hin a hril, “Taksa hrat loina sika dânin a itho thei viat loi kha Pathianin a zuang tho taka; mihriam taksa sual anga irputin a Nâipa ngêt kha sual irbôlna’n a Pathianin a zuang itir a ni (Rom 8:3).

7:19 Mosia Dân khan ite satirkipa a siam thei no sikin. Hi taka Mosia Dân a ti hi ‘irbôlna dân (*ceremonial law*) kha a ni. Ochaihai hin kum tin mipuihai ta hrang le ama sual irbôlna hrangin Pathian kuang an irhlan ngai a ni, ama ta hrang khomin famirkip maka, mipui ta hrang khomin famirkip maka, saninhringna khom siam thei ual mah. Kha bana, Hmun Irthiang tak-ah Puanzâr pena khan Ochai Inlaltakin, sual irbôlna irhlan hrangin kum khata voi khat vaih a lut theia. Mi naranin kha puan zâr kha phênin lut thei ni ngai mah. Khannisian, Rêng Jisua chu voi khatin Krosa famirkipna a irzoitir a ni. Dân milui famirkip loi le Thuthung Thar Dân thar famirkipna chu Paula khomin Rom 6:7-ah le Galatia 3:-ah a hril. Dân thara chu mi murdi hin Krista-a Pathian ei nai thei tak a ni.

Tûngna sa ual (a better hope):- Thurchi Sa sika sabeina sa ual kha a ni. Mosia Dân-ah tûngna chu irtharngamna le saninhringna pek thei mah. Pathian nâi theina le sabeina sa ual ni pektu chu Jisua Krista irbôlna khan a inlang tak a ni.

Pathian ei nâi thei ta:- Thuthung Luia, Mosia Dâna irbôlna khan mihriamhai hi Pathian nâi theina tak tak siam thei mah. ThuthungThara Jisua Krista irbôlna khan mi tin ta hrangin zalênna tak tak a zuang irhong ta a ni.

BUNG - 8

Hi bung 8-na hin thupui chi hni a om:-

- 1) Jisua Ochai Inlaltak roinpuizia (8:1-6).
- 2) Thuthung inhni chongirkhekna (7-13)

16. **Jisua ei Ochai Inlaltak roinpuizia (8:1-5)**

Hi irchanga thupui chu-

- i) Levia irchi Ochaina nekin Jisua Ochaina chu a roinpui tak a ni.
- ii) Thuthung Luia sinthona le Ochaina chu a tak irangpui ni hranga irhlim a ni. Jisua sinthona chu Hmun Irthiang taka sinthona a ni.

8:1,2: Hi irchang inhnia a thupui poimo tak takhai chu-

- a) irvana Râng toihmun roinpuit tak (Pathian) kut chang tianga to chu
(Jisua), Ochai Inlaltak a ni.
- b) Mihriam kuta sinloi, Rêngpa isiam Biak buk, Hmun Irthiang tak taka
sinthotu a ni.

Hi irchang 1,2, thu omzia chu Reng Jisua Ochai nina hi Levia irchi Ochai nina ang ni loi, a omna hmun khom irvana, Pathian chang tianga om a ni. A sin thona hmun khom, mihriam isin ni loi, Pathian isin Biak buk tak tak, Hmun Irthiang tak a ni, a tina a ni.

Biakbuk tak tak le Hmun Irthiang tak: Thuthung Luia Levia irchia Ochaihai khan mihriam kuta isiam biakbuk le hmun irthianga sin an tho ngaia, kha khah Irvana Biak buk tak tak le Hmun Irthiang tak tak entirma vaih a ni. Hi hin Reng Jisua Ochai nina a poimo dân chu hiang hin a hril tak a ni- Irmenga an hmun serhna (*Sanctuary*) chu a famirkip no sikin lampui dang sa ual Jisuan a inhong tak a ni. Khan, ei Ochai Inlaltak, Reng Jisua chu vana Hmun Irthiang le Pathian lêngna Biakbuk (Kuta siam) ni loina hmuna sinthotu hrangin Pathianin a inkung chu a ni. Tianlaia (Mosia Dâna) Ochaihai thil irhlanhai khom kha kumtin irhlan a nang ngaia, Reng Jisua chu Ama takpum ngei voi khat irhlanin taituan hrangin a famirkip zit a ni. Ei Reng Jisua, Ochai Inlaltak chu mihai sinthotu a nia, kuta sin loina hmuna sinthotu a ni sikin ei ta hrangin irtharngamna a ni peka, Van hmun roinpui nintungtirtu roinpui tak chu a ni.

Hi taka Reng Jisua Ochai Inlaltak a nina roinpuina san chu-

- i) Irvana Reng roinpuitak rengtoihmun chang tianga toi hi a ni. Ama (Jisua) chu choirsangin a oma, hmun irsangtak a chang, tina a nia. Ama neka roinpui ual tute zel om mahai.

7:23 Mi danghai kha:- Levia irchi Ochaihai tina a ni. An thi ngaia, Ochai dang ama irthultu tamtak an om ngai a ni. Entirnan-Ochai masa tak, Arona khan ramchara an invai sùngin Ochai Inlaltak sin a thoa; a thi hrang a nai tena chu a nâpa Eleazara chu Pathian thupek angin Mosian Hor tanga a hruaia; kha hmuna khan Mosian Arona Ochai tukfam chu a nâpa Eliazara a in haktir tak a ni. Kha khan Arona chu a thi tak a ni (Num.20:28). Hi taka hin Levia Ochai nina kumtuang a idai loizia a inlang a ni.

Khan, Rêng Jisua chu thi ngai loa, a Ochai nina khom tute'n thûl thei ngai loi (*non transferable / unalterable*) danglam nang ngai loi a nia; khasikin, Levia irchia Ochaina nêkin Jisua Ochai nina chu a famirkip ual le a roinpui ual a ni.

Ochai siam kha tamtak an ni- Elieazar khom a thia, a nâpa Phinehasa khan a pa aio-ah Ochai a changta a ni. Kha angkhan an pahai an thi hnungin an nâihain an hmun an lua nok ngai a ni. Thina sika thûl an nang sikin Ochaia siam tamtak an om.

7:24 Jisua chu kumkhontuanguin a hring mai: Jisua le Levia irchia Ochaihai sinthona enirkhina a ni Jisua Ochai nina chu a deta, ama irthultu hrang om ngai mah. Asan chu Reng Ochai nina kha Mekkesedek Ochai nina ang, mi dangin thûlthei ngai loi, taituana khomak irsama Ochai phuindet a nia, Pathian inkung a ni.

7:25 Khasikin..... a saninhring thei: - Thuthung Dana irbolna chu Mipuihaiin Ochai pan a nang ngaia; khan khomin, saninhringna chang thei ngai ma hai. Thuthung Thara Jisua Ochai Inlaltak kuanga fetuhai rek chu itiklai khomin Saninhringna a om. Jisua chu kumtuanga hring mai a ni sikin, Ama naitu hai chu Satvur hrang le saninhring hrangin a i-om mai a ni (Joh,3:35) Hi taka hin Reng Jisua chu Kumtuanga om mai a ni, tiin a hril.

Thuthung Lui-a Levia irchia Ochaihai khan lampui kola popliam tuanghai chu an maksan ngai a ni.(Lk.10:31). Khan, Reng Jisua, taituana Ochai rêk hai chu ei ta hrangin a hring maia, ni mak san viat maka, nisaninhring hrangin a nuam mai ngai a ni.

Anni ta hranga..... ngenpe hrangin: Reng Jisua, Palai (*Mediator*) sin a tho dan hrilna a ni. Reng Jisua sinthona dik tak chu Pathian kuang mihai hruai inlut hi a ni. Bung 4:15- ah khan, Ochai inlaltak a nina chu, a mihai ta hranga ngênpe hrangin; ti a ni, Reng Jisua chu kumtuanga hring hranga a thoinokna tak chu a ni, Mihai chongchai pe hrangin a hring mai a ni. Joh.17-ah achongchai thu a khan, Reng Jisua chu a mihai ta hranga ngenpetu a nizia ei hmu infel a ni.

7:26 Jisua, Ochai inlaltak.....Hi irchang omzia tak chu Jisua Krista chu Ochai inlaltak, miirthiang demna boi, suaalna neilo, irvan hai neka inchung uala siam, Pathian inkung a ni. Hi hih Jisua mizia a hrilna a ni.

Hi Thu-ah hin Levia irchi Ochaina le Jisua Ochai nina chu ir-ang viat mah. Levia irchi Ochaihahi chu lamtinrenga hratloi, sualna nei. famirkip loi an nih. Rêng Jisua Ochai Inlaltak ninah chu Melkisedeka nina leh i-rang an nih. Rêng Jisua ei Ochai Inlaltak, mi sualhai changpuitu, puakrik irzângirtu a ni (Matt. 11:28-30).

Hi taka Jisua mizia chu **Mi'rthiang**:- Irthiang hi Pathian zia a ni. A omzia chu sualna nei loi tina a ni. Jisua hi irthiang (*holy*) a ni. Irthiang hi Grik chonga chu '*hasios*' ti a ni, a omzia chu Pathian makunga le mihriam mithmua irthiang, tina a ni.

Demna boi: A omzia chu varirlet koploi, sual kop loi tina a ni.

Misualhai lai ata a binga om: A omzia chu Ochai Inlaltak chu sîn sari sêng rammual thil kop loi hrangin a bingun om a nang ngaia, kha zoi hnunga misualhai ta hrangin sual irbôlna a'rhlan ngai, kha Hebrai ziaktu hin a inlangtir a ni. Jisua hi Ochai Inlaltak a nia, misualhai laia om khom sian lan, sualna nei loi a ni.

Irvanhai neka inchung:- Heb 4:14-ah khan 'irvana fe tak' ei hmu angin, Jisua chu mi danghai neka dinghmun irsang a ni. Paula khomin, 'Irvan chung daia a hong kai nôk taka' (Efe 4:10) tiin a hril. Jisua Krista, Ochai Inlaltak choiirsanga om chu Pathian kuang a ni chongchaipui ngai a ni.

7:27 Ama kha Ochai Inlal.. 'Ama' ti hi Rêng Jisua a ni. Levia irchia Ochaihahi leh khan irkhi nân a ihmang a ni. Levia irchi Ochaihahi hin midanghai sualna hranga irbôlna an inhlân manin anni hrangin an inhlân masa ngai a ni. Kha tak khah an ruk lolina a ni. Thuthung Lui Dân taka Irtanna Ni (*Day of Atonement*)-ah vaih hin Ochai Inlaltakin ama sual irhlan ata, a'rhlan zoi hnunga kêng mipuihai ta hrangin irhlanna a la inei hrang a ni. Heb 9:7, 25; le 10: 1,3-ah khan Hebrai ziaktu hin fel takin a inlangtir a ni.

Ochai Inlaltakin 'nitin' thil irhlan a'rhlan ngai chu sual irbôlna ni loiin, fak hrang thilirhlan (*meal offering*) a ni.

Hi chungahin ngai dan chi dang a om-

- 1) Nitin ti hih kum tin tina ang irngai hrang ni mah.
- 2) Hi Lekhathon ziaktu hin nitin ti hih hmundanga thu a laka, sual hi hmun danga thu lakin a ihril irkop ni a ti.
- 3) Ochai Inlaltak hin kum khata voi khat vaih irhlanna a nei nakin, sual enin nitin irhlan a nanga.
- 4) Westcottin a hril dan chu- Krista hin a sin chu ni tinin a sina; Ochai Inlaltak rêk chu hmun irthiang taka kum tin voi khat vai a ilut ngai a ni. Krista rêk chu a om mai sikin, thilirhlan irhlan a inang mai ni sian chu nitin a irhlan mai hrang a ni. Khasikin, nitin ti hi Jisua chungahin irbelin, Ochai Inlaltak danghai chungahin irbel hrang ni mah, ti a ni.

Voi khatin ama a'rhlan laia: - A omzia chu Thuthung Luia Levia irchia Ochai Inlalhain kum tin voikhat, ama sualna le mi danghai sualna ngai-dam hrangin a irhlan ngai ang ni loiin, Rêng Jisuan, Ama taksa ngei chu voi khat a'nhlana hin kumtin a inang ta loi a ni, tina a ni.

7:28 Mosia Dân khan...a phun ngaia: -Hi richanga 'Mosia Dân' a ti hi irbôlna dân (*ceremonial law*) a nia; kha dân khah Ochaina dân tina a ni. Mosia dân Ochai inkung murdi kha sahriak irpola, namindet chu an ni. Mosia dân Ochai a inkunghai ngai khah famirkip loi, hrat no tak, sualna nei, thi thei an ni. Mihriam an ni sikin, an thi ngaia, an irthûl hrangin midang an inkung nok ngai a ni. Khasikin, Ochaia chang hi tam tak an ni. Ochai Inlal taka inkung khom khah dân thu ngeta inthang an ni.

Pathian khomâk irsâmna chonginkung:- Hi taka 'Khomâk irsâmna chonginkung' a ti hi Pathian Nâipa, Jisua Ochai a nina thu a ni. Jisua chu Pathianin khomâk irsâmin taituana Ochai hrangin a inkung a ni. Sam 110:4-ah hril ang khan Jisua chu Melkisedeka Ochaina anga Ochai a nina chu khomâk irsâmin namindeta inkung a ni zia hmu thei a ni. Rêng Jisua chu mihring anga zuang changin, mihriam intakna le dengtheina a'nhriatpuia, famirkipna chu ama ngeiin a puiinhlingtir a ni.

Dân thu hnunga zuang om: -A omzia chu Levia irchi Ochai nina dân nekin inhnunga zuang om a ni, tina a ni. Jisua Ochai nina hi Levia irchia Ochai dân neka naipang ual a ni thu a hrila, khannisian, Rêng Jisua Ochaina entir hrangin Melkisedeka Ochaina (Sam 110:4) kha tiana lei om saih tak chu a ni. Jisua Ochaina chu Pathianin taituan hranga Jisua Ochaina chu a lei inkung tak a ni, famirkip taka lei om a ni.

Thuthung Thar ki siam:- Deipu Jeremia hmanga Pathianin Thuthung Thar a isiam hrang thu a lei hril kha Israehai le Judhai ta hranga a ni. Kha Thuthung Thar kha Pahtianin A Nâipa Jisua Krista hmangin a isiam hrang kha a ni. Pathianin ANâipa Jisua Krista hmanga Thuthung Thar a isiam chu:- Lungthungna, Inrenna, Ngaidamna, taituana famirkipna, Saninhringna a ni.

8:9 An irchibulhai Aigupta....ki thuthung siam ang khan ni ta no ni:- Aigupta ram rengata Israehai kha Pathianin a hruai suaka khan Thuthung a siam (Exod.24:1-8); khan, Israel mihai khomin Pathian Thuthung anga an chonginkung a ni. Khannisian, deipu Jeremia zoro lai khan chu Pathian Thuthung kha an zôm no sikin an chungu Pathian nuarna chu ei hmu (Jer. 7:24-26).

Kum 621 B.C. vêla (Ochai Hilkia zoro lai) khan Pathianin Mosia hmanga Thuthung irziakna bu chu temple-ah an hmu suak nôka, kha thu kha mipuihai inhriata tep suak a ni (II Renghai 23:3), kha Thuthunghai khah Israel-haiin zôm tak tak thei ma haia, khasikin Thuthung chu indanglamin Thuthung Thar siam a itum a ni.

Ki Thuthung siama khan iamomma hai:- Mipuihai zôm nget hrangin Pathianin Thuthung a siama, an zômin chu satvurna pek hrangin chonginkungna a neia, khannisian, Israelhaiin Thuthung zôm thei mahai sikin Pathianin a irheisan hai a ni.

8:10 Nikhua hong hrang:- Hmun danga chu ‘Nikhua hnungkhôna’ ti a ni, zoro la hong tung hrang ti leh khom hin thuhmun a nih.

Ki thuthung hrang chu:- Hi hih Thuthung Thar hrang chu a nia; Thuthung masa neka sa ual kha a ni.

An milung sunga ki danhai sia ki ta: Thuthung masa (Thuthung Lui) Thupekhai chu Lung phêka, ziak, lekha le pentuia ziak a ni ngai. Thuthung Thara thupêk rek chu sunglam thil lungril le thutaka irziak, siam insa a ni. Pêntianga inlang thei ni maka, Lungril tianga Pathian thupekhai chu a isia zit tak a ni. Lungrila Pathian iamna le a thu zomna chu thupêk thar zômna chu a hong ini tak a ni.

An lungrila irziak sa kiti:- Thuthung Thara Pathian Thupekhai irziakna chu lungril a ni ta (2 Kor.3:3). Thuthung masa chu Dân hnuai an oma, Dânin an chungu roi a rêl tak a ni. Thuthung Thara chu Lungrila Pathian lungkhamna le inrênna’n roi a rêl tak a ni.

Keima an Pathian ni ki ta, annihai kha ki mihai ni an ti:- Thuthung Thar a hong ni taka, Pathian chu a nina ang takin a mihai chu lungthungna’n enkolin a hruai hrang tak a ni. A mihai chu tute hnuai rama bôia intâng ta loiin Pathian mi an hong ni ta a ni. Hi taka hin Pathian tho hrang murdi chu a tho zoi

ii) Mihriam kuta siam loi, Pathian isiam Biakbuk tak tak le Hmun Irthiang tak taka sinthotu a ni. Râng Jisua Ochai nina chu taituana famirkip a ni.

8:3 Ochai Inlalahai...inhlan hranga phun an ni: “Ochai” ti omzia chu Heb. 3:1 hrilfiana en roh. Sinthona lama chu “Ochai” omzia chu irbôlna le thil inhlan, mi dang ta hranga irbôlna inhlan pektu a ni. Ochai a ni phot a nin chu thilpek le irbôlna tinreng inhlan tu a ini nget hrang a ni. Pathian kuanga irbôlna thil inhlan kha anni ta hrang a ni. Khan, thil irhlan hrang a om non chu an Ochai nina khom hmang hmun boi a ni. Khasikin Ochai Inlaltak murdin chu thil irhlan ngai a ni. Biakbuk (*Temple*)-ah hin kum tin, anni sual le mipui sual irbôlna nan Hmun Irthiang taka ran thisen choia Ochai Inlaltakin a lut pui ngai, irbôlna a nei ngai a ni.

Ei Ochai Inlaltak khom hin inhlanrua... a inang a ni- Ochai hin thil imo khok chu irhlan hrang a nei nget a nang. Ei Rêng Jisua hi Ochai Inlaltak a ni sikin, thil irhlan nget a nang a ni. Jisuan ithil mo a inhlan? Rêng Jisua hi Kristianhai Ochai Inlaltak a nia, A thil inhlan chu bung 9: 11-14-ah hin a hril infel a ni. Ama thisen ngei a inhlan a ni; kha khan irbôlna famirkip a hong ni tak a ni.

8:4 Irnenga hin om sian lan chu... Rêng Jisua Ochai Inlaltak hi irnenga om Ochai ni sian lan, Ochaia tepsa ni no ni, asan chu irnenga Ochai an om sikin ata hrangin hmun a iom loi a nih. Ei Ochai Rêng Jisua chu irvana roiinpuina hrang tiang a hong toi ta ti a nin hril (Heb. 8:2-ah). Irvana fe tak chu Ochai a nina arsang uala hi irnenga hin om mai ta sian chu Ochaihai chu dân thu ang vaiin sin an tho ngai a ni.

8:5 Anni sintho ngai chu...millim le irhlim:- Hi taka hin irnenga Ochaihai Dân thupek anga Ochai sinthona a’rnepzia le Rêng Jisua Ochai sinthona a roiinpuizia a tarlang a ni. Anni (Levia Ochaihai) chu a tak irhlim, maia sinthotu an ni. Hi irnenga Levia irchia Ochaihai khan biakbuk sin an thoa, an sinthohai chu a tak tak ni loiin, nakana a tak tak uang inlang tika hrang irhlim ang vaia sintho’n sin an tho ngai a ni. Irnenga Ochaihai khan thilpek le irbôlna khom an inhlan, khahai kha Rêng Jisua Ochaina le a sinthona hranga entirna a ni. Biakbuk le Hmun Irthiang khom kha irnenga chu a tak tak a nia, irvana chu a’rilm, a tak irlim a ni. Exod. 25:40-ah khan, “Tanga a dûr nang ki irhmutir ang tak khan” ti ei hmu. Pathianin Mosia kuanga Sinai tanga a in entir hi nakana a tak hong om hrang dûr le irlim a ni.

Tanga enirkhina a’rilm... Hi hih Sinai Tânga Mosia kuanga Pathianin biakbuk sin hrang dan a ihril kha a ni. A omzia chu- Mosian biakbuk a sin lei

Pathianin a insintir a ni. Khan Kristian (eini) khomin irnenga Biak In ei sina, Irvana kuta sinloi a om ti inhriatin, Irvana thil chu entonna neiin hi irnenga hin ei irhring mai hrang a ni. Irvana an ti angin irnenga khom hin ei itho hrang a ni ti irchutirna a ni.

8: 6 Thuthung sa ual:- ‘Thuthun g Thar sa ual’ ti hi Thuthung Thar a ni. “Pathian le mihriam kara a irfuk” ti hi Jisua, Palai nina sin a itho chu a ni. Thuthung sa ual a nina chu hiang hin a ni-

- 1) A famirkip sik le taituana om mai a ni sika a ni.
- 2) Rêng Jisua Krista Thisena Thuthung sika a ni.
- 3) Thuthung masa chu pên lampang thil a nia, a tuna thil chu sunglam thil Irtha satna a ni.
- 4) Pathian le mihriam kara Palai sintu khom Jisua, Pathian Nâipa a ni.
- 5) Taituana Hring nina chonginkung intungtu Thuthung a ni.

Thil sa ual:- Rêng Jisua sinthona chu irhlim ni loiin a tak tak a ni.

Inkungna-a inding:- Mosia kuanga Dân pêk chu lungphêka irziak a nia. Rêng Jisua sinthona rek chu lungril phêka irziak, taituan hranga a ni. Kumtuang Hring neina chonginkung neitu Thuthung a nia, Irtha lam tianga satvurna intungtirtu, lungril le Irtha lam tiang Thuthung a ni.

17. Thuthung inhni chongirkhekna (8:7-13)

Hi richanga thupui chu:-

- i) Thuthung inhni irkhina poimozia.
- ii) Amasa Thuthung le inhnunga Thuthung a danglamzia.
- iii) Thuthung masa demomna a kâi le Thuthung Thar a hlutzia.

8:7 Thuthung masa: ‘Thuthung masa’ ti chu Thuthung Lui” tina a ni. Thuthung Lui chu dân hmang ringota hrangin, mihriam famirkip loina a ni sikin, a masa chu a ifamirkipli a ni. Thuthung masa (Thuthung Lui) a sat nona le demna omhai chu-

- 1) Omdân satna tak pek thei mah.
- 2) Sual inboi thei mah (Lungrila Sual).
- 3) Thiam inchangtirna pek thei mah.
- 4) Irthiangna pek thei mah.
- 5) Saninhringna pek thei mah.
- 6) Zalenna pek thei mah.

Thuthung Thar Pathianin a Nâipa Jisua Krista hmanga a isiam chu a famirkipa, taituana hringna a nih. Thuthung Thar danglamna le a isatna chu-

- i) Chonginkung sa ual, Irtha le Hringna le taituan Hringna chu a intung a ni. A chonginkung chu a roiinpui le a det anih. A chonginkung chu

hiang hin a ni:- Ama iamtuhai khan kumtuang hringna nei an ti. Pathian Naia tep a ni. Pathian insungkua, Vana miirthianghai le sungkhat an ni. Irtha lama satvurna le inhnêna, thoinôkna chang hranga chonginkungna nei ei ni ta.

- ii) Thuthung Thar chu ngaidamna a ni.
- iii) Taksa le Irtha damna Thuthung a ni.
- iv) Thuthung Thar chu iamtuhai lungril lam leh irzom a ni.
- v) Thuthung Thar chu mitin ta hranga a ni.
- vi) Taituana om mai Thuthung a hong ni ta.

8:8 A mihai fel loina... ‘Á mihai’ ti hih tuhâi man nih? Mi senkhatin chu Thuthung Lui Ochaihai ni loiin Dân famirkip loi kha niin an iam. Khan-nisianlan, nguk taka ei irchu a nin chu a thu omzia hi hiang hin a ni.

- i) Thuthung masa (Thuthung Lui) kha a sa tok no sikin, a dema, a thar siam a inang a ni.
 - ii) Thuthung masa kha Israel nâi haiin anzôm famirkip thei loi sikin, a idem a ni.
- Thuthung masa kha demna om a ni sikin, kha thuthung hnuai a om mihai chu demom ngêt an nih ti a fel tak a ni.

Hiang hin a ti:- Hi thu hi Jer. 31:31-34-ah lak a ni.

Ni khuahai kha a hong itung:- ‘Hi Nikhuahai’ ti hi Thuthung Thara, Rêng Jisua Krista hmanga a ipek hrang Nikhua kha a ni. Hi ‘Nikhua’ hih Messia zuang zoro Nikhua kha a ni. Thuthung Luia chu ‘Nikhua la hong tung hrang’ ti hai, ‘Sûn hnungkhom’ ti hai hi an lei hril ngai a ni. Deipu Jeremia zoro lai rengata, Krista hun la hong om hrang kha a lei ihril ngai a ni. Kha zoro a hong tung tika chu thil danglam le hong ni ata, zalenna hong om hrang thu a lei ihril ngai a nih.

Israelhai:- Îsrael insungkua” ti khomin ziak a ni. A omzia chu Israel irchihai ti na a ni. Bible-ah hin Israel-hai ti omzia inlang chu hiang hin a ni.

- i) Jakoba’n angel a r’buanpuia, kha lai khan Jakoba irhming chu “Îsrael” phua a ni. Pathian reng nâi tina a nih (Gen 32:28).
- ii) “Israel-hai” chu Jakoba irchi zit an nih.
- iii) An ram irsen hnunga Israel nam 10 (somkhat)-hai chu “Israel” ti an ni.
- iv) Pathian mihai murdi hi “Israelhai” ti ti a ni. Hi irchanga “Israel” ti hi nam sômhai kha niin a’ nlang.

Judahai: “Juda insungkua” ti khomin irziak a ni. An ram irsen hnunga Juda ram tianga mihai kha an nia, a dik taka suiin chu Juda irchi le Benjaminia

Inlaltakin mirimhoi hâlna-a hâl hrangin, rimmtu chu Hmun Irthiang Taka lak lut a ti, ti a om

2. Thuthung Bôm (*Ark of the Covenant*):-Hi ‘Thuthung Bôm’ hi Exod 25:10-22-ah ei hmua, sitim thinga bakot (*box*) anga siam a ni. Rangachak inluan zit a ni. Hi Thuthung bôm hi mi tam tak vannei na a ni phak a ni (II Sam.6:11).

Hi Thuthung Bôm (Pathian Bôm) hih Solomona’n Temple a siama khan Hmun Irthiang taka an lut puia (I Reng. 8:6). Kha zoia khan a om dan inhriat infelna zel om ta mak a ni (Jer 3:16)-na en roh. Babulon rêngin Israelhai sala a hruai lai, Temple insiat lai (B.C. 587)-ah khom khan Thuthung Bôm thu hrilna inlang mah. Hmun danga thup niin an iam. Khan Thup 11:19-ah chu “Thuthung Bôm an hong inlang nok tak a ni.

Thuthung Thara chu Pathianin a Nâipa Jisua Krista hmangin Taituan Thuthung” a ni isiam pek tak a ni.

Khan, hi Thuthung Bôm sunga hin thil inthum a om, an irhming chu-

a) Manna omna rangachak bêl. b) Arona khianghrol.

c) Thuthungna lungphek inhni.

a) Manna omna rangachak bêl (Exod 26:32-35): - Hebrai Bible-ah hin rangachak ti hi inlang sa mah. Septuagint (Lxx)-ah chu a’nglang sa, an ti. Solomona Temple sinhaia, Heroda Temple sinhai-a khan Thuthung Bôm sênga hin Mosia thusom pek lungpheka irziak inhni vaih hmu hrang a om ti a ni. Hi taka hin Manna omna rangachak bêl le Arona khianghrol khom Bôm sunga omin a hrila. Khan, Mosia lekhabu ringa (*Pentatench*)-ah hin chu bêl Arona khianghrol chu Bôm sunga ni loiin, Bôm maton tiang a om niin a’nglang. I Reng 8:9-ah Mosia’n Horeb tanga thu sompek, lungphek inhnia irziak, Bôm sunga a sia thu vaih a’nglang. Hebrai ziaktu hin bêl le Khianghrol khom Bôm sunga a om a tia, biakbuk thu a hril uar sikin, a sung tianga sia dan a ngaitua rak loi niin iam a om.

Manna chu Pathianin ramchara bu hranga a pek entirna a ni. Manna chu Pathianin irvan ata a zuang chômna an irchihaiin an hmu theina hrang a ni.

b) Arona Khianghrol: - Num. 17:1-10 thu hin Ochai sin chu Levia ir chia mihai thotum an ni zia a’nglang. Arona khianghrol hong suak chu Pathianin Arona chu Ochai-a a inthang thu entirna a ni.

c) Thuthungna lungphêk inhni:- Hi hih Sinai tanga Pathianin Mosia kuanga Dân a ipek irziakna lungphek kha a ni (Exod 34:1-4; 27-29). Hi lungphek hi Mosian Thuthung Bôma a sia thu (Deut 10:5-ah ei hmu). Lungphêk chungu Thu sompek irziak a ni sikin, “Thuthungna lungphek” ti a ni.

Anni hringna siamtu, an dânhai rêltu, enkoltu, irtharngamna pektu, le sainhringtu hrang a hong ni. Kha ang kha a nin chu anni khom Pathian Dân chu an ivong hrang a ni, a sin tho’n choiindom hrang a ni.

Thuthung Thara Pathian mi hai chu Pathian mi iamom an hong ni ta. Khan, Israel mihai ta hranga Thuthung Thar pek chu an nuamno sikin, Israel-hai hrang khomin hringna lampui a hong irhong sa tak a ni.

8:11 Mâni bômhai , mani mihai..... nang ta no ni:- Hi taka a omzia chu Thuthung masa nêkin Thuthung Thar hnuaia khan Pathian inhriatna a fêl ual bik hrangzia a hrilna a ni. Thuthung Luia chu Israel mihai vai an irchutira, an irngaisak ngaia, Jentail-hai chu inhriat hrang khom phal ni mah. Thuthung Thara chu midang la’n hriatloi hai khom an irchutir hrang ti inhriatirna a ni.

Thuthung Thara Pathian inhriatirna chu Pathian Nâipa, Jisua Krista inhriat hi a ni. Mitin rêng inhriat thei hrangin Pathianin a Nâipa a zuang inlangtir a ni. Ochai le deipu om nang ual ta maka, mitin ta hrang Thurchi Sa chu pom thei le hriat thei hrangin a zuang inlang tak a ni (Lk.2:10).

A chin taka irthokin a lian:- Thuthung masa (Thuthung Luia) khan chu Ochaihai vaiin Pathian kuanga irbôlna le thilpek an inhlana, mipui changtum rêng rêng om mah. Thuthung Thar hnuaia mihaiin chu a chin tak khomin Pathian chu a biak thei tak a ni. Pathian Thubu’n “Nangni chu nam inthang, Rêngpa Ochai le nam Irthiang, Pathian mihai” nin hong ni tak (1 Pet 2:9) a ti tak a ni.

8:12 An sualhai ngaidam ki ta:- Thuthung Luia chu misualhai, uirehai chu hrem hrang a nia, a thil tho insual ang taka a chungu rêl pek hrang a ni. Ngaidamna om maka, “ Mit irthûla mit, hâ irthûla ha,” ti a ni (Lev:24:20; Deut :19:21). Thuthung Thara, Rêng Jisua dânu chu ngaidamna Thuthung a ni. Mihriam inçhâina hai chu Pathianin a ngaidama, an sualnahai khom inhriat mai ta ngai mah. Vana le irnenga khom ngaidamna chang chu a hlu tak a ni. Hianga ngaidamna om thei sika hin Thuthung Thar chu a isa ual a ni.

8:13 ‘Thuthung Thar.’ a ti sikinthil milui chuboizit ta a ti:- Tianlai deipu Jeremia hun laia Pathianin a ihril Dân thupek chu Thuthung Lui a ti hi a ni. Pathian Nâipa, Jisua Krista Thuthung chu Lungthungna,

BUNG - 9

Thuthung inhnihai chu khaikhinna a nei zoiin, bung 9-ah hin an sinthona dânhai chi dang dang khaikhinna a nei nok tak a ni. Hi bung 9 sunga thupui om hai chu-

- i) Thuthung masa (Lui-ah biakbuk sinthona).
 - a) Thuthung Lui-ah biakbuk thu (ch.1-5).
 - b) Biakbuk sũaga sintho dân (ch.6-10).
- ii) Thuthung Thara Jisua Krista irbôlna danglamna thu (ch. 11-22)
- iii) Irbôlna famirkip: -Krista irbôlna (ch . 23-28).

18. Thuthung masa (Thuthung Luia) Biakbuk sinthona (9:1-10).

Thuthung Lui dânna biakbuk sinthona hai hril inlang a ni. Kha laia Biakbuk a ti chu puan in (*Tabernacle*) kha a ni. Hi sunga hin thupui inhni sensai a ni.

a. Thuthung Lui-ah biakbuk thu (ch 1-5):Hi irchanga thupui chu-

- i) Thuthung Thara (*New Covenant*) danglamna le roiinpuina inlang a
 - tum sikin Thuthung Lui-ah biakbuk inling dan a hrilfia a ni.
 - ii) Thuthung Lui-ah biakbuk kha a thar ta hranga irlim mai a lei ni.
 - iii) Hiang dora biakbuk irkip hi a tuna thara hin a ikhel pai a ni ta.

9:1 Thuthung masa....chubai mukna dânhai...hmun a neia: ‘Thuthung masa’ ti chu Thuthung Lui” a ni. Thuthung masa khan biakbuk, a sunga sintho dân hrang le hmun irthiang chu fel taka siam irfuk a ni. Thuthung masa hmun irthiang le sinthonahai chu irneng thil a nia; a thara irvan hmun irthiang chu irvana mi a nia; Van thil irlim entir a tum tak chu a ni.

9:2 Biakbuk an siama:- Hebrai irziaktu ihril chu ramchara Mosia kuanga Pathianin an biakna hrang hmun (*Tabernacle*) a insiamtir kha a ni. Kha biakbuk ti kha puan ina lei siam mai niin an lang Biakbuk thu kha Exod.26-ah inlang a ni.

Chontan masa:- Biakbuka hin chontan inhni a oma, hi hih biakbuk lutna tianga kha a ni.

- i) Chontan masa ti hi a lian ual, hmun thuma sena hmun hni hi chontan masa kha a ni.
- ii) Chontan inhniina chu hmun Irthiang tak kha a ni, Hmun thuma senin hmun khat kha a ni. Hi biakbuka chontan masa tak sunga thil omhai

1) Meiser siana:- Exod 25:31-40-ah hin hmu thei a ni. Hi meiser siana hi rangachak ringota siam a ni. A ngulpuia hin le lam le lama ôn (*branch*) inthum inthum a oma, a ngulpui sip taka khan parirmuam angin inkhat a om. Ngulpui inkhata khan meiser siana, pâr irlim angin arengin sari a om ngai a ni. Kha meiser siana kipa khan Olive hriak meiser chu inchokin an sia ngai a ni. Biakbuka ‘Hmun Irthiang’ sim dep tiang khan sa takin an sia ngai a ni.

2) Maichâm:- Hi taka ‘Maicham’ ti hi bai siana hranga maicham a ni. Hi maicham hih sitim thing (*Acacia-wood*)-ah siam a ni (Exod 25:23-30). A dung mûk hni, a khang mûk khat, a’rsang lam mûk khat a chimrip a ni. Rangachak ringota inluana siam a nia, Hmun Irthiang sâk (*North*) dep tianga sia ngai a ni. (Exod. 26:35). Hi maicham-ah hin khenghai, khilathai, bêlhai le khurihai le uain a iom hrang a ni (Exod 25:29).

3) Bai siana:- (Lev.24:5-9) en ro. Irbôlna hranga baihai hi Maichama a iom mai hrang a ni. Hi bai hi “entirna Bai,” an ti ngai a ni. Bai somkhatinhni, irki minli neia siam hrang a ni. Bai 12 kha hlop ruk rukin an isiam hrang a ni. Bai 12-ah siam chu Israel nam 12 entirna hranga siam a ni.

Hi bai hih chol koploi bai a ni. Bai milui chu hapta tin thûl ngai a nia; irngamni tina hin Ochaiin a ithûl mai hrang a ni, bai a milui chu Ochaiin an fak ngai a ni.

4) Hmun Irthiang:- Exod. 26:33na en roh. Hi hmun hih biakbuka Hmun Irthiang Tak phak man viata hmun kha a ni. Biakbuk puan an rîna, kha puanzar khan Hmun Irthiang Tak kha a idan a nih.

9:3 Puanzâr inhniina:- Hi hih Hmun Irthiang le Hmun Irthiang Tak kongkara puanzâr chu a ni. (9:36-37-ah hril kha en roh). Puanzâr masa kha a ni (Exod 26:36-37)-ah en ro. Hi taka puanzâr inhniina a ti hi aman tam uala siam a ni.

Hmun Irthiang Tak:- Biakbuk (*Temple*) sunga hmun poimo tak a ni. Hi hmun Irthiang Tak (*Holy of Holies*) hi Ochai Inlal tak vai, a kuma voikhat lut thei a ni, a bikin irhlanna Ni (*Day of Atonement*) nia lut thei a ni. Khirki khom om mah, a sunga khan pentiang ata vârlut theiloina hranga siam a nia; Pathian roiinpuina vaihin a êl invar hrang a ni (Exod 4:34-35).

9:4 Irchang 4-ah hin Hmun Irthiang Taka om thil inhni a hril:-

- 1) Mirimhoi hâlna hmun rangachak maicham le.
- 2) Rangachak inluan Thuthung Bôm a ni. A mal malin hrilfia ei ti-

1. Mirihoi hâlna hmun rangachak maicham:- English chonga Bible-ah chu chi hnin a hril-’*Golden Censer*’ ti le “*Altar of incense*” ti a ni. Hmun Irthiang Taka mirimhoi hâlna maicham a om ti hi Mosian a lekhabua a hril inlangna om mah. Exod 26-ah hin Biak buka Hmun Irthiang taka mirim

luang chu sehrathai le Kelhai thisen irthultu a ni. Thuthung Lui-ah Ochai Inlaltakhai chu ran thisen hmangin irbôlna an neia, kha an ti dan ang loi takin, Rêng Jisuan chu ama sualna hranga irhlanna ite nang loiin, ama thisen ngei hmangin mitin hrangin irbôlna famirkip a nei tak a ni (Heb 9:11,12). Thuthung masa-ah Leviah irchi Ochaihahi thil irhlan le irbôlna chu taksa sualna vai an fai theia, sunglam sualna rêk chu ite infai thei mah. Khahai khah Irtanna Ni-ah an thil irhlan le nangna chu a nia, Krista irtanna chu sualna tinreng an fai zit theia, taksa le irtha a'rthiang infai zit thei a ni.

19. Thuthung Thara Krista sinthona danglamna thu (9:11-22):-

Thuthung Lui laia Pathianin Mosia kuanga irbôlna dan a lei ipek chu famirkip loi a nia; khasikin, Pathianin a Nâipa Jisua Krista hmangin irbôlna sa le famirkip tak sinthona chu a zuang inlang tak a ni.

Hi irchang sunga thupui chu:-

- i) Jisua Krista chu Thuthung Thar Palai a ni.
- ii) Jisua chu ei Ochai Inlaltak a ni.
- iii) Jisua khan ama thisen ngei chu eini irbôlna hrangin a inhlan a ni.

9:11 Khannisianlan.. Thuthung Luia khan irbôlna le thilpekhai chu inhlan a ni; khannisian, ite a'rfena om mah tina a ni.

Krista chu thil sa, hi taka lei om pial: Thil sa zuang om hrang thu hi Judahai lei ihngak mai ngai a nia. Judahaiin Messia zuang tika chu saturna le satna tam tak hi an nam le an ram ta hrangin zuang om hrangin an iama, anni saninzoktu hrangin an irngai a ni. Kha khah Judahai ngai danna chu "thil sa la zuang om hrang" chu a ni. Khan, Kristianhai ta hrang rêkin chu "hi taka lei om tak pial a ni." Kha thu-ah khan Krista chu Ochai Inlaltaka a izuang a ni ti lekhabu zziaktu hin a hril a ni.

Biakbuk..kuta sin loi.. roinpui ual, famirkip ual.. Hi Biakbuk thu-ah hin hrilfiatu hai ngai dan unthurual loi, ir-angloi a om. Senkhatin, "Biakbuk" a ti hi Ama taksa kha niin an iama, senkhatin chu van niin an iam. Mithiam A Vounhay-ah khan, "Krista-thia thoinok ta" niin a hril. "Mihriam Nâipa hi manin om ata, sun thum nia thoinok a ti," ti thu ang khan. Rêng Jisua a izuang ringota hin famirkip maka, a thi-ah, a thoinokna khan van lam taksa famirkipna (kuta sin loi) kha a zuang itung a ni tah (1 Kor 15:46,47).

Ngaidân dang nok chu Rêng Jisuan Biakbuk hi irnenga om ni loi, Pathian omna fe patin, irbôlna famirkip a irhlan thu hrilna angin an irngai (4:14 hrilfiana en roh).

Thil siam laia mi ni loi- Gen 1:1-ah irneng le irvan a siam laia mi ni

9:5 Za'rngaina toihmun (The Mercy Seat):- Hrangkhoh chonga Bible-ah hin chu zarngaina toihmun ti maka, sual ngaidamna hmun tiin a hril. Bible danga chu Zarngaina toihmun (*The Mercy Seat*) tiin inlang a ni. Exod 25:17-22)-ah ei hmu angin Exod 37:6-9-ah khom hmu thei a ni.

Hi za'rngaina toihmun hi Thuthung Bôm sîng (*cover*) a nia, rangachak zita siam a ni. Hebrai Bible-ah hin a sing (*cover*) ti a ni. Israelhaiin irtanna Nikhua (*Day of Atonement*) nia hin an hmanga, ran thisen chu hi zarngaina toihmuna hin Ochai Inlaltakin a inthek ngai a ni.

Roipuina Cherub:-"Cherub" ti hi Van angel a ni. Hi Zarngaina Toihmun'a hin 'Cherub' irlim inhni, an mitha hai itônin an om ngai a ni. Cherub irlimhai hi rangachaka siam zit a ni. Pathian Bôm sira khan an sia ngai a ni. Zarngaina Toihmun hi van angel hualvel sikin a roinpui tak taka; khasikin, 'Roipuina Cherub'ti a ni. Hi Cherub-hai hi Eden irhuan enkoltuhaiin an enkol anga (Gen 3:24) Thuthung Bôm enkoltu an ni.

b. Biakbuk (Temple) sunga sintho dân (9:6-10):-

Hi irchang (9:6-10) sunga thupui hai:-

- i) Thuthung masa (Lui-ah) sintho dân.
- ii) Thuthung masa (Luia) sinthona khan chu a satna om ual mah.
- iii) Thuthung Luia sinthona chu pen tianga thila irngat a nia, a bi-aktu khom siam insa thei mah.
- iv) Thuthung masa sinthona chu a thar zuang tung mana hrang vaiha lei inkung a nih.

9:6 Kha thilhai khah...irfuktir a ni:- Biakbuk siam dân ei hril taka, kha, omzia hai kha a hrilna a ni.

Ochaihahi kha...Biakbuk chontan masaa...an fe ngaia: - Biakbuk (Puan in) an sina khan hmun Irthiang le Hmun Irthiang Tak a oma. Hi irchanga a hril 'Biakbuk chontan' masa a ti hi chu Hmun Irthiang kha a ni. Hi hmun Irthianga hin Ochaihahiin a nitin sin an tho ngai a ni. Ni tin zing le khohloia Ochai naranhaiin Ochai sin tho hranga inkunghai chu sin an thoa, meiser (Olive hriak) hâlna hmuna na hâl ngai (Exod 30:7 f) Abiza pola mi Ochai Zakaria khom kha mirimhoi hâl a chang sa a ni (Lk 1:9).

9:7 Biakbuk sîng rila..: Biakbuk (Temple) hi hmun hnia sen a nia, a sungriha hmun kha chu Hmun Irthiang Tak a ni. Kha Hmun Irthiang Tak (*Holy of the Holies*)-ah khan Ochai Inlaltak vaihin a kuma voi khat a lut ngai a ni. Ran thisen choiin a lut ngai a ni. Irtanna Ni (*Day of Atonement*) ni hin a lut ngai a ni. Ochai Inlaltak hin Hmun Irthiang Taka a lut ma'n khan tho hrang chi hni a nei.

a) Sehrat chal that ata, a thisen kha ama sual irbôlna hrang a'nhlan hrang a ni. Belra chal, hâl irvôm hrangin a choi hrang a ni (Lev 16:14).

b) Kel chal thisen choiin lut ata; kha thisen kha mipuihai soal irbôlna hrang a ni (Lev 16:15).

Judahai thonthu-ah khan chu kha nikhua khan Ochai Inlaltak chu voi minli a lut, tiin an hril ngai a ni. An hril danin chu voi minli a lut angin a'n lang.

- 1) Rimtui hâl a va sia masa (Lev 16:12,13).
- 2) Sehrat chal thisen ama soal irbôlna hrangin a va inhlan (Lev 16:14).
- 3) Mipui ta hrangin kêl thisen a va inhlan (Lev 16:15).
- 4) Rimtui hâlna timatuahai lak hrangin a lut nok.

Ochai Inlaltakin Hmun Irthiang Tak a lut hrangin chu Ochai tukfam irbel danhai kha sa tak le irthiang takin a irbel hrang a ni (Lev 16:3,4).

Kha Hmun Irthiang Taka, Ochai Inlaltakin ran thisen choiin lut ata, sehrat chal thisen khan zarngaina toihmun (*The Mercy Seat*) chu a inthek ngai a ni. Kha zoia khan mipuihai soal irbôlna hrangin Kelchal thisen chu a inthek nok hrang a ni. Hi irbôlnahai hi kum tin inhlan nokmai, ngai a ni sikin a idet thei loi a ni.

9:8 Irtha Irthiangin a'rchutira:- Biakbuk le an sinthona nurdihai chu Pathian Irtha inkung a nia, a omzia le a nang danhai khom a hrifia a ni.

Biakbuk chontan masa...kha a la om sêng.. A omzia chu chongirkhek ang a ni:- Biakbuka Hmun Irthiang Tak chu Van entirna a nia, "Biakbuk masa" an ti chu hi irneng (hnuai rama) biakbuk entirna a ni. Khan, Biakbuk Hmun Irthiang le Hmun Irthiang Tak dân-na'n puanzar a oma, kha puan zar sênga khan (Hmun Irthiang) Tak-ah khan Ochahai khom lut thei ni mah, chontan masa taka vaih khan Ochahai chu an om thei ngai a ni; kha daidanna puanzar a om sung chu Hmu Irthiang khan lut thei ni mah. Khasikin, " Hmun Irthiang Tak lampui kha la'r hong mah" tiin a hril kha. Hi hnuai rama an sinthona ngaihai khan van lampui tak tak la'n lang mah. Rêng Jisua nitna "Lampui le Thu Tak le Hringna"(Joh 14:6) a zuang tika Hmun Irthiang Tak lut theina lampui chu an lang fel ta a ni. Rêng Jisua Kros-ah hembé-ah khan Juda-hai temple-ah puanzar chu a ter thaih tak a ni. Pathian leh irpolna tak tak chu Jisua Krista zuang tika vaih hin om thei a ni.

9:9 Kha khah atun laih entirna a ni:- "Atunlaia" ti hi Kristain biak dan om phut tina a ni. Hebrai lekhaton ziaktu hun laia Kristianhai lungril hrilsuakin Thuthung Thara hlutzia a hril tum a ni. A omzia chu hiang hin a ni.

- 1) Thuthung Lui-ah biakbuk le an sintho dan irngainat sung chu vana nin ta hranga hmun siam chu inlang phal ni ni. Thuthung masa khan

- 4) Levia irchi Ochai sinthonahai nin choiirsang sung chu Jisua Ochaina

le a sintho dan inlang thei mah.

- 5) Nin ngaidan le nuam dan nin inling sung chu Kristaa Pathian thil thar siampekna chu hmu thei ni no nih.
- 6) Biak dan milui nin inling sung chu a thara Pathian biakna dan inlang

thei mah.

- 7) Thuthung masa (Lui-ah) biakbuk le sinthona hin Thuthung Thara Krista sinthona a'r hlipai ngita, a thar inlang fia hrangin chu a milui kha pai nget a nang.

Thilpek le irbôlnahai..a betu lungril famirkip thei mah:- Juda-hai hin Thuthung Lui-ah sintho dan le irbôlnahai an inhlan, thilhai an pek ngaia, anni ta hrangin ite famirkipna om mah. Khasikin, van lampui tak kha inlang fia thei loi a ni. Sinthona thi a ni. Khan, Thuthung Thara sinthona Hring neitu Pathian Nâipa, Rêng Jisua chu a zuang inlang ta a ni.

9:10 Khahai murdi kha...thupek thar a pek maka hmang hrang a ni: Hi hai hih chu thilpek le irbôlnahai khah a iti a ni ual tak a ni. Kha thilpek le irbôlnahai chu " fak hrang in hrang le irthârna balam" murdihai kha an ni (1 Kor 10:2-4; Kol 2:16). Khahai murdi kha biak dan sa le famirkip a zuang tung maka lei hmang hrang vaih a nih.

Thupek thar a pek maka hmang hrang- Hi hih Thuthung Thar hong om hrang a hrilna a ni. Rêng Jisua chu dan famirkip hranga zuang inlang a ni. Irbôlna dan an lei ihmang mak hi chu Rêng Jisua zuang inlang mana hranga siam a ni.

Irtanna Ni (*The Day of Atonement*): Hi chongbai hi ei Bible-ah chu "Irtanna NI" tia irhlet a ni. Heb 9:7-ah "Ochai Inlaltak vaia kuma voikhat" thisen choi ngetin a lut ngai" a ti hi 'Irtanna Ni (*The Day of Atonement*) ni kha a ni. Israel-hai thurchi-ah chu roiinpui tak a ni.

Juda-hai Calendar-ah tha tep dân hin (tunlai eini Calendaru chu September top lam le October bul lam tiang vel a ni), Israel naihaiin uar takin an hmang irup ngai a ni. Israel murdin an sinthona ata irngamin, bu an hngei ngai a ni. Israel nâihai hin ni tin, hapta tin le tha tina hâlrivom thil inhlanhaia khan an soalna chu fâi zoi thei mah tiin an irngaia. Hi Irtanna nikhua-ah hin Ochai Inlaltakin ran thisen chu Hmun Irthiang Taka lut pui a ta, mipui irthulin irbôlna chu a irhlan hrang a ni. Ochai Inlaltakin Israel nâihai soalna le an inchaina ngaidam na'n ran thisen chu inhlan a ta, ama soalna irhlan masa a ta; kha hnung mipui ta hrangin a irhlan hrang a ni, Asan chu Pathian le mipuihai kongkara Palai a ni sika a ni.

Israel irchi pumpui le Pathian kongkara irngeina hrang a nia, irbôlnahai neia, an soal sika beidongna an nei chit hrang a ni. Hi nikhua-ah hin Ochai Inlaltak chu zinga thoi a ta, tui irsilin a ifai hrang a ni. Ochai tukfam, ropbel,

20. Irbôlna famirkip: Krista irbôlna (9:23-28)

Hi thupui hih ‘sual chu Krista irhlanna’n a’nboi’ ti khom a ni. Hi laia irchang thupui chu:-

- i) Krista irbôlna’n irthiangna tak tak a ni hruai inlut.
- ii) Krista chu Pathian makunga ei ta hrangin a inding a ni.
- iii) Krista chu Ama takpum nget irbôlna’n a hmanga, sual inboipai

na’n

a hringna a’nhlan ta a ni.

9:23 Kha thilhai, irvana a tak taka om millimhai:- Hi hih Biakbuk le a hmngruahai kha a ni. (Bung 8:5-na kha en roh). Pathianin Mosia kuanga enton hranga a inentir chu irvana thilhai kha a nia, kha ang tak khan Mosian biakbuk le hmangruahai chu siam a ni. Khasikin, hi irchanga hin “Irvana a tak taka om millimhai” hi ti a ni. Hi irbôlna le a sinthohai hi sùng tianga satna tung phak thei mah, irtha lam thi, a tak zuang om hrang a entirna mai a ni.

Irvana thilhai..irbôlna sa: A tak tak chu Jisua Krista-a khan a zuang inlang tak a ni. Khan irtha lam tianga irthiangna an omtira, famirkipna a ni.

9: 24 Krista chu mihriam isياما lut mah: Ochai Inlaltak chu mihriam kuta siam Biakbuk sunga Hmun Irthiang Taka khan kum tin voi khat a lut ngaia. Pathian Nâipa, Jisua Krista chu mihriam isiam ni loi, vana a Pa Pathian isiam khan a ilut a ni. A lutna chu Hmun Irthiang tak tak a nia; kha khah Irvan a ni. Judahai temple hmun Irthiang chu irvana ir-angpui illim a ni.

Pathian makunga ei irthula a ngîrna.. Judahai Ochai Inlaltak chu Hmun Irthianga, Thuthung Bôm makunga an ngirngaia, Thuthung Thara Ochai Inlaltak Jisua Krista chu Pathian makunga ei irthula a inding mai a ni. Khasikin, eini ta hrangin chu Irbôlna famirkip a hong ni tak a ni.

9:25 Hi irchanga hin Thuthung Luia Ochai Inlaltak irbôlna inhlan le Jisua irbôlna a hril irkhi a ni.

Arona Ochai Inlaltak chu mani thisen ni loi, ran thisen choiin Ama sual le mi danghai sual irbôlnan, Hmun Irthiang Taka kum tin voi khat a lut ngai a ni. Rêng Jisua chu ama sualna le midanghai sual irbôlna hrangin ran thisen choi maka, Ama hringnun ngei a irhlan a nia, voikhat irbôlna a’rhlana; kha khah Irbôlna famirkip a ni.

9:26 Kha ang khan ni no sian lan.. Judahai Ochai Inlaltak ang vaiin Jisua hi lei om sianlan; voi tam tak a ituang hrang a ni, tina a ni.

Atun zoro mong hrang tona hin... “Zoro mong” a ti hi Thuthung Thar zoro tina a ni. Rêng Jisua a zuang inlang tak sikin, Thuthung masa chu inboipai a nang taka, Jisua irbôlna famirkip tak Thuthung a zuang inlang tak a ni.

9:12 Irbôlna hrangin kelhai le sehrathai thisen choi maka... Thuthung Lui Dâna khan kel thisen hi mipui vantang ta hrang a nia, Sehrat hi Ochai Inlaltakin ama hrangin a inhlan ngai a ni. Khahai kha chu sual ngaidamna a nia, sehrat thisen chu Ochai Inlaltak sual irbôlna hrang a nia, kêl thisenhai kha chu mipui vantang ta hranga sual irbôlna a ni (Lev 16:3-11).

Thuthung Thara irbôlna (sual ngaidamna) ei Ochai Inlaltak, Rêng Jisuan ran thisen irhlana nang loiin, Ama thisen (hringna) ngei chu a irhlan a ni. Levia irchi le inhnunga Ochai Inlaltak murdin chu kum tin voikhat sehrat thisen le kêl thisen choiin Hmun Irthiang Taka an lut ngai. Ochai Inlaltak Rêng Jisua rêk chu kha ang khan ni loiin, Krosa thisen suakin a thia, phumin a oma, a thoinoka. A pa kut changtiang a hong toi tak a ni. Krista sinthona hi itirenga a famirkip a ni.

9:13 Sêrla irvâm...an irthiang thei in te...:- Thuthung Lui-ah hin sêrla hi irbôlna hrangin Pathian thupek a ni (Num 16:2-22). Sehrat irla (Serla) chu Ochaiin dâi pentiang kai suak ata, that ata, a thisen chu Ochaiin mipui omkhomna-a (Biakbuka) khan a kut parin voi sari a inthek hrang a ni. Khan, a ruak chu a pumin an hâla, Ochaiin *sidar* thing le *husop* leh hâlna meia khan a ipai lut hrang a ni. Khan, a’rvam chu lak an ta, kul pentiang sa takin sia an ta, kha kha kumkhan mi porinchehai irbôlna hrangin an enkol ngai a ni.

Hi irchanga hin Sehrat le kêl thisen hai le a hril irkopa, sehrat irla irvâm chu mi irthiang loi tòn, irthiang loi, kophai irthiangirma hrang a ni. Khan, Sehrat le kêl thisen chu sual ngaidamna hrang a nia, “Irtanna Thisen” tiin irhming phua a ni.

9:14 Krista thisen...a ithei ual ok hrang keng kumtuang Irtha hruaina zara..: Kêl le Sehrat chal thisen chu pên tianga thila irthiangtirna a nia, taksa tiang vaih a ni. Rêng Jisua Krista Thisen rêk chu Pathian Irtha (kumtuanga Irtha ihruai) a nia, taksa lam tianga vaih ni loiin, mihriam siat le sa inhriatna lungchukna a pek theia, irtha saninhringna apek thei a ni. Hi taka a hril tum tak chu- Rêng Jisua ama ngei a irhlanna chu Pathian Irtha’n kumtuanga hranga a ni ti a inlang tum a ni.

Sia le sa inhriatna:- Thuthung Lui-ah irbôlna chu pentiang porinchen a vaih a infaitir theia, an siat le sa inhriatna danglam thei mah. Krista irbôlna rêk chu sunglam sia le sa inhriatna a’rthiangtir zit a ni.

9:15 Hi sika hin-Krista thisen khan mi sia le sa inhriatnahai a’rthiangtir zit sikin a tina a ni.

Krista hi Thuthung Thar irfuktirtu a ni:- Hi taka hin Krista chu ‘Palai’ (*Mediator*) a nina a inlang a ni. Palai chu Jisua a nia, mihriam le Pathian kong-

(Palai) a thoa, Palai sin a tho dan chu, ama takpum ngei thina tuangin a irhlan rip a ni. Krista thina khan Pathian dan insiattuhai ta hranga saninhiringna khan an sualhai ata saninhiringna a siam tak a ni. Deipu Jeremia lei ihril angin, “An sininsiatnahai ngaidam ki ta, an sualnahai inhre ta no ning (Jer 31:34).

Hebrai lekhaton irziaktu hin Rêng Jisua lei ihril hi a hril irkiptir ual a ni.

“Hi hih ki thisen thunthung, mi tam tak ta hranga suak hrang chu a ni (Mk 14:24) ti le, “Hi hih ki thisen Thuthung Thar” a ni (1 Kor 11:25).

Rêng Jisua hi Deipu sin le Ochai sin irkopa sintho a ni. Pathian kuang ata mihriam kuanga a zuingin chu Deipu a ni, mihriam kuanga Pathian nuam dan a zuang inpuang a ni. Ochai a sin a thona chu mihriam kuang ata Pathian tianga fe hi Ochai a ni, mihriamhai irthula Pathian makunga inding a ni. Ochai sin a thona chu, mihriam ta hranga Pathian kuanga Palai a ni. Khasikin, Krista hi Palai famirkip a nia, “Thuthung Thara Palai” a ni.

Thuthung masa hnuai...mihriamhai inchain....:

Thuthung masa hnuai mihriamhai inchainahai sikin thina a lei oma, thisen suak loiin irtanna om thei mah; khasikin, irbôlna hrangin ran tamtak that a nang tak a nia, kha ran thisen kha Krista thisen entirna a ni. Khan, mitin saninhiringna hrangin Krista a thia, a thisen sikin misualhai saninhiringna an chang.

9:16 Pi le Pu thumâk chung changa... Hi irchanga hin “thumâk” ti hi omzia inhni a nei:- (1) Thuthung ti le (2) Thumâk a ni. Thina sikin irchonluatu hrang a om ngaia. Thumâktu siana hmun chu a siatu thina hmun kha a ni. Dân naranin, thumâk a omin chu a siatu chu a thi tak tina a ni. Khannisianlan, thumâktu chu a damin chu, a thumâk kha a’ndanglam nok thei sikin omzia a inei rak loi a ni. Krista thi mân khan Pathian ikoi Israelhai khan chonginkung an iam ngai a ni. A tun chu Krista a thi taka, chonginkung siamtu (Krista) a thi tak sikin ama irchon chu ei changthei tak a ni. Ei Rêng Jisua thina-ah khan a ikoihai ta hrangin thumâk chu a idet tak a ni. Khasikin, Thuthung Thara irchonluatu hrang chu Rêng Jisua’n a pa nuamlam ang vaiin a siam thei a ni, ite khomin indanglam thei ni mah. A Thumâk chu thina khan a namindet tak a ni.

9:17 A maktu...a thi hnungin keng a hmangna a la om chak ngai a ni:- Hi irchanga hin Pathian chonginkung (Thumâk) ei chang thei tak thu a hrilfia-ah, thumâk fe dan a hrilfia a ni. Hebrai lekhaton irziaktu hin “Thuthung Thara thumâktu chu Jisua Krista a ni,” a ti. Thumâk chu a maktu thina sika nget a ni ngaia, thina a om non chu thumâk kha la nei thei mah. Mihriam dinghmun khom hin thumâk siamtu thi zoia vaih hin thumâk khan omzia a inei thei ngai a ni. Khasikin, Thuthung Thar khom hi Krista thumâk a nia, a thina khan a namindet a ni. Pathian iamtuhai ta hrangin, irchonluatu ei nina chu Krista thina sika a ni.

9:18 Khasikin...thisen an hmang tena keng hmang a la ichang:- Thuthung masa (Luia) chu ran thisen indet a ni angin, Thuthung Thara khom thisen namindet a ni. Khasikin, ran thisen ni loiin Krista thisen namindet a ni.

9:19,20 Dân thupek angin an theka:- “Dân thupek” ti hi Exod 24:3-8 thu kha niin an lang. Mosia chu Dân thupek ang zela sinthotu a ni. Mosian Sehrat chal thisen chu maichama a’n theka khan, Heb 9:19-ah Kêlte hi Exod 24-ah hin inlang sa maka; khannisian, kêl hi sehrat laia hin an irhlan sa ngai khom a ni thei. Mosian sehrat chal le kêl thisen chu lakin Maicham le Lekhabu le mipuihai chu a’n theka; kha kha Thuthung thisen a ni tiin.

Tui husop ôn le samul sen: Tui hi, tui luang lai kher an hmang ngai a ni (Lev 14:45-51). Husop hi hloi sùl a nia, lian rak ngai loi a ni. Samul sen an iti hi senduk thisen anga senduk (*scarlet*) ang a ni.

Thuthung Lui irbôlna chu Dân thupek ang takin itin reng siam a nia, Rêng Jisua irhlanna khom hi Pathian Thu ang zêla sintho a ni.

9:21 Khabana Biakbuk le hmangruahai...an thek sa:- Thisen chu a poimoa, irthiangna a nang sikin biakbuk le biakna hmangruahai murdi khom kha Mosia’n thisen a inthek zit ngai a ni. Khan, hi irchang 21-ah thu hi Thuthung Lui dân a hin inlang mah Exod 40:9-ah khan biakbuk le hmangruahai kha hriak (*Olive oil*)-in irthiangtir hrangin an innot ngai a ni. Hi hih Juda-hai thumâka mi, Hebrai ziaktu hin a ilak niin a’n lang.

9:22 Dân dungzuiin:- Thuthung Lui dân a khan thil irthiang infai nan ran thisen an hmang ngai. Khannisian, mi inriang, ran inhlan hrang nei loi ta hrangin, tuia irbual mani, meia infai manih chu ran thisen irthûlin hmang phal a ni (Num 31:22,23; Lev 5:11).

Biakbuk le a sunga hmangruahai chu thisen an irthiangtir ngaia, tui hmanga irthiangtir tamtak khom an nei sa a ni. Khannisian, sual ngaidamna chu thisen vaihin ngaidamna a om thei ngai a ni.

Sualhai ngaidamna vai keng thisen suak: Tianlai chu sual ngaidamna hrangin ran thisen hmang a ni. Thuthung Thara chu Krista thisen vaih hi sual ngaidamna a ni. Hi irchanga hin Rêng Jisua thisen sual ngaidamna, sualhai sopfaina om sun a ni ti Hebrai ziaktu hin hril a itum a ni. Kha entirna hrangin Thuthung Lui dân a sual ngaidamna hranga ran thisen hmang kher nang thu a hril a ni. Ran thisen choi loiin chu sual irbôlna inhlan thei ni mah. Khasikin, mi’n sual ngaidamna le saninhiringna an chang theina hrangin Rêng Jisua chu Krosa Ama thisen choiin irbôlna a isiam tak a ni.

Sual an boi theina hrangin: I John 3:8-ah “Pathian Nâipa zuangna san tak chu, Diabola sinthohai inboipai theina hranga a ni.” tiin inlang a ni.

Sual inboipai theina hranga Rêng Jisua sinthona chu-

- 1) Ama Thisen chu soal ngaidamnan a irhlan.
- 2) Soal mophurna chu Aman a pel.
- 3) Misual chu irthiangna lama a hruai inlut.
- 4) Sualin a’nsiat Mihriam lungril chu satnan le Lungthungnan an hne.
- 5) Mihriama سوالنا le porinchena om chu felna dân Tharin a hruai.
- 6) A Thisen chu soal inboina a ni sikin, Ama iamtu hai chu soal an hnôl ngai a ni.

9:27 Mi tin voi khat chu thi ngêt an ti... Mihriam hi thi ngêt hranga Pathian inkung a nia; thi hnunga roirêlnaa mitin an la inding hrang a ni. Krista chu soal irbôlnan voikhat a thia, a thina sika khan irtanna siam a ni. Voikhat a suaka, voi khat a thia, voi khat vaih Ama thisen hmangin irbôlna a neia; kha khah taituana hrang a ni. Kha ang khan, mihriam khom voikhat thi a ta, voi khat roirêl pekin om a ti.

Hi thina thu-ah hiang hin irsinsia thei a ni:-

- 1) Thina hi inkung a ni (Gen 3:19), Pathian iruat a ni.
- 2) Mihriam hi thi ngêt hranga inkung a nina chu soal sika a ni (Rom 6:23).
- 3) Thina hi voi khat vaih hrang a ni.
- 4) Thina khan mihriam hi taituana om dân hrang lampui a’rhonga, a siat le sa irsenna a nia; khsikin, thina chu roirêlna a ni ti mai thei a ni.

9:28 Khaang denin Krista ...irbôlna’n inhlan a ni taka: - Rêng Jisua Krista khom mihriam ang tak a ni sikin thi a inang tak a ni. Kha a thina kha mi tam tak ta hrangin saninhringna a ni. Hi hih, Ama nuamna thu ni loiin, Pathian inkung a ni. Eini saninhringna ei chang theina hrangin soal irbôlna’n voi khat chu a thi taka a ni.

Sual lak pai hrang ni loiin..... Jisua Krista a zuang inlang phuta khan chu mi tam tak سوالنا a pela; khannisianlan, a zuang nôk tika chu mi سوال hai سوالنا pêl nang ta maka, mi hai roirêl pek hrangin a izuang nok hrang a ni.

A BU SUNGA THU OMHAI (*CONTENTS*)

Ziaktu Thuma	ii
Presbytery Thuma	
iii	
Thumahrui	1-11
A. A bu irhming	
C. Ziakna hmun le Zoro.....	5
D. Tu kuanga thon ma nih.....	
5	
E. A thona san le a hril tumhai.....	
5	
F. Hebrai Bu-ah Jisua Krista Thurchi inlangzia...	7
G.. Atuna ei ta hranga a satna hai.....	
7	
H. Thuthung Lui le Hebrai Lekhathon.....	
8	
I. Hebrai Lekhathon le Thurchi Sa bu.....	
Bung - 1	
Bung - 2	
21	
Bung - 3	
29	
Bung - 4	
35	
Bung - 5	
42	
Bung - 6	
48	
Bung - 7	
56	
Bung - 8	
68	
Thubel (<i>Appendix</i>) - II.....	

**HEBRAI LEKHATHON
HRILFIANA**

**PART- I)
(Bung 1-9)**

Ziaktu:

Rev. Sumchonlal Hrangkhol, B.D., M.Th.

***PHBLISHED BY: LITERATURE & PUBLICATION
BOARD, TANGRAM PRESBYTERY***